

ИВЫВ
КОДЗУВ

6
ИЮНЬ
1975



РСФСР Верховной Сôвета депутат, Социалистической Удж-
вывса Герой А. В. Пяткова.

Снимайтс В. Ячменев.



ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

ТАЙО НОМЕРЫН

И. ИЗЪЮРОВ. Куим лун и ещö öти вой (повесть) 3

И. ВАВИЛИН. Гөстькөд. Ылысса воклы. Ой, муса мамой, чужан муой! «Ме мөдөс öнi огнин велөд...». Сьблөм сьылөм (кывбурьяс) 25

Пятилеткаса геройяс

В. ГРИНЕР. Юрий Бронниковлөн кодзув (очерк) 28

А. ОПЛЕСНИН. «Кор гөгөр вөр...» (кывбур) 42

Ф. ЩЕРБАКОВ. Эз кольлыв уджавтөг кө лун. Венедикт (кывбурьяс) 43

А. НЕКРАСОВ. Русса карын. «Быд мортлөн аслас дум...». Медбөрья сьыланкыв. Эм ты. «Мый уджач морт тэ...» (кывбурьяс) 45

Челядьлы

Л. ПАЛКИН. Вөр-ва йылысь висьтьяс 48

Е. ГАБОВА. Мамлы (кывбур) 51

Т. КОЧАНОВА. Корö ывлавывса удж (серпас) 52

Критика да библиография

Д. БРУДНЫЙ. Олөмсö веськыда туялысь 54

В. ДЕМИН. Куратовлөн öти кывбур йылысь 57

Е. ИГУШЕВ. Квайт сюрс восайса олөм 58

И. КОСТРОМИНА. Колис бур киподтуй 60

«Войвыв кодзувлөн» почта

К. ПЕТРЯЕВ. Казьтыла сийö лунсö. И. ВАСИЛЬЕВ. Война вояся коми книгаяс. Л. ГАБОВ. Тедзи воисны удобренияс 61

ЛЭДЗӨ КОМИ АССР-СА
ПИСАТЕЛЬСЛӨН СОЮЗ

ПЕТӨ 1926 ВОСЯНЬ

6

**ИЮНЬ
1975**

СЫКТЫВКАР

СЕВЕРНАЯ ЗВЕЗДА

✱

ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ

⊗

ОРГАН
СОЮЗА ПИСАТЕЛЕЙ
КОМИ АССР

Редактор И. Торопов

РЕДАКЦИОННАЯ КОЛЛЕГИЯ:

*Г. Беляев, А. Ванеев, С. Попов, Я. Рочев (зам. редактора),
С. Раевский, В. Ширяев (отв. секретарь).*

Геологъяслён ордымъяс.

Снимайтис В. Ячменев.





ИВАН ИЗЪЮРОВ

КУИМ ЛУН И ЕШО ОТИ ВОЙ

ПОВЕСТЬ

3

Неважон на туй вӧлі тыр йӧзӧн, машинаясӧн, — и кушмис. Сӧмын тӑрмасысь связистъяс да связнойъяс тыдовтчылӧны. Орудиеясӧн лыйсьӧм шы ылысмис. Муртамурта водзысь кылыштис муралӧмыс. Полк кежис туй вылысь, воши сопкаяс костӧ, сайӧдчис арся рӧмъясӧн ворсӧдчысь ляпкыдик пуяс пӧвстӧ.

Туй кузя нуӧдисны пленнойяслысь бура ыджыд чукӧр, морт комын, а то и унджык. Ниятвиж шынеляӧсь, лун-мӧд бритчытӧмӧсь, пленнойяс восьлалисны надӧник, улӧ, муӧ видзӧдӧмӧн. Колонна юрын и бӧжын автоматчикъяс. Тайӧ фрицъясылӧн воуйтсьӧма. Налы паныд локтысь грузӧвӧй машиналӧн кузовын сулалысь салдатъяс пленнойяс весттӧ мунӧн кузя шутӧвтисны, мыйкӧ горӧдисны, но кывъяссӧ велавны эз позь.

Луныс мичаммис. Салдатъяс войвывлань мунисны, а кымын водзӧ,

сымын шоныдджык. Регод ковмас и шынелястӧ гартыштны.

Сопка бокӧ, кӧнӧ меститчис полклӧн мӧдӧд батальон, майор Никитин чукӧртис офицеръясӧс.

Полкса командир висьталис батальон водзын сулалан могсӧ: колӧ пырӧдчыны шуйгавыв, вӧчны маршбросок да аскомысь асыв комын километр сайын противниклӧн тылын петны туй вылӧ, ордны сийӧс, кутчысьны отсӧг вотӧдз.

— Колана отсӧг лоӧ сетӧма, — висьталис полкса командир. — Итчад рация пыр командованиекӧд. Тияны отсаласны миян авиация, гырьсь орудиеяс. Батальонкӧд мунас тшӧтш миномӧтнӧй рота, полковӧй разведка. Лунвывладорсянь сэтчӧ жӧ пырӧдчас бригада. Сийӧ — туйын нин. Кутад дейвуйтны ӧтвылысь.

Буретш сӧки капитан Фоминкӧд орчӧн офицеръяс аддзисны: сы дӧно кыськӧ друг уси томиник нывка. Дженъыдик бушлатсӧ топыда тасмаалӧма, кокас ӧкуратнӧй сапӧг, бушлат увсысь тыдыштис дженъы-

дик сьод юбка. Пашкыр русой юрсияссө муртса топодыштіс пилотка.

Никитин стрөгьсь видзөдліс Фомин вылө: кодөс пө татчө вайөдін?

Томиник нылыд видзөдліс орччон сулалысь Фомин вылө, адзис офицерьяс чукорьсь майорлысь погонсө, повтөг веськөдчис сы дінө.

— Майор ёрт!— неылө сувтіс, веськыд кисө вайөдіс пилотка дорас.— Старшина Белых воис служитны тиян полкын...

Никитин гөгорьвотөг видзөдліс ныв вылө, сэся кытшовтіс синьяснас чөв сулалысь офицерьясөс. «Мыйла тайө нылыс? Кутшөм служба? Öти вөлі нин, муртса мездысим»,— визнитіс юрас.

Тыдалө, нывкайд казяліс полкса командирлысь падмөмсө, содтіс:

— Старшина Белых, радист...

«Радист? Сідзкө, Лихачовлы?— Никитин думайтіс, кызди өні сылы веськөдны асьсө офицерьяс водзын. Найө өд казялісны жө сылысь падмөмсө.— Ыстыны бөр? Меным, мися, юбкаа радистьясыд оз ковны? Оз позь. Дивизиясянь воис...»

— Тиян, старшина, эм кутшөмкө предписание?— юалис.

— Ме ордын, майор,— водзө петіс Фомин.— Ставыс, кызди колө...

— Кызди колө...— кадсө пыр на нюзөдіс Никитин. Сэся видзөдліс комбат вылө:— Мый нө, капитан ёрт... Вот тэныд и радист... радистка... А тэ шөгсян вөлі...

«И бара первойсяньбыс тайө нылыс адзысис капитан Фоминкөд!»— думсыс шензыштіс ещө Никитин.

— Ме зэв рад...— шыасис комбат, көть гөлөсас эз кыв торья радлуныс.

Разведчикьяс пукалісны өтчүкөрын, кывзісны Малыгинлысь полкса командир дінө ветлөм йылысь.

— Сідзи и шуис: миян тэрыб кокьяс регыд ковмасны?— юалис Андрей Карабут.— Сідзкө, ыджыд удж сетасны.

— А, гашкө, не миянлы сөмын,— шуис Женя Лазарев, коді пыр зілис вензыны Карабуткөд, пайы-

ны сійөс кыв песөмөн.— Мыйлакө өд чукөртісны жө өтчүкөрө...

— Абу тай кодзыд, майбыр, позыс и восьлалыштны,— сетіс гөлөсө Яша-грузин.

— А тайө өд миянөс Гольфстрим шонтө, другьяс!— вашмуні Лазарев, другьясыс вылө нюмъялөмөн видзөдіг. Быдмөма Женя Волга бокын. Кызди ачыс радейтіс ошйысьны, гулюясөс гөняйтөм кындзи гортас нинөм на абу вөчлөма. Кор воисны Мурманск сайө да сувтісны оборонаө, и регыд уси лым, сылы эз во тайө сьөлөм вылас: бара лым, бара лызьяс. А тані бара пөшти гожөм, шоньд.— Помнита, школаын велөдлім Гольфстрим йывсьыд. Кужлі өмөй сэки чайтны, мый коркө менө мөдас сійө шонтыны! Нарошнө сідзи артмө: Атлантической океанса шоньд ва воө татчөдз. Сы вөсна и Мурманск дорад мореыс төвбыд оз кынмыв...

— Эн на радлы!— вомаліс кодкө.— Лукьяс прамой төв и тані. Ковмылас на лызьяс вылад котравны.

— Төв пуксьытөдз ми тані ог лөй!— эз сетчы Лазарев.

Кыскө локтіс старшина, горөдіс:— Кодлөн мый эм лишнөй — колөй татчө! Нинөм оз вош, эн полөй! И письмөяс, коді гижис, ездө вөйлы сетөй...

— Яша!— гажьяліс Лазарев.— Тельняшкатө да бескозыркатө колы! Воштан кытчөкө!

— Юрөс пельпом вылысь водзджык вошта!— сьод синьяснас юнитіс главстаршина.— Наысь донаыс меным нинөм абу. Морьяк, көть сійө и матушка-пехотаын, пыр колөб морьякөн!

Изыяс вывті грымакылігтырйи локтіс кухня повозка.

— Матыстчылөй!— кузь воропа дарнас шенасис еджыд колпака пөвар.— Заправитчөй, кодлөн кынөмныд сьомалө!

Мешөкьясын куйліс нин кум лун кежлө НЗ — консерв банкаяс, сукар, гос да сакар,— но пөсь салдатскөй шыдыд медся на чөскыд. Гольмуніны салдатскөй аллюминивөй пөртьяс. Шыдыд и рокыд меститчас. Талун вөлі ещө компот.

Локтіс лейтенант, туйо нин пась- тасьома: бушлатсо тасмаалома, кос бердас пысалома лимонкаяс. Водзас — автомат. Гогрөс чужомыс гөрдөдыштома. Томиник детинка дай ставис.

— Ставоң дасьошь? — стрөгысь юалис старшиналысь, коть стрөглуныс том мортыдлөн оз артмы: аскөдыс тшөтшъяясыд вылын командиравны абу кокни. — Нуод мөдөд батальон. Накөд мунам. Пырам Лихачов командование улө. Час мысти выступайтам.

— Кытчө? — юалис старшина.

— Кытчө нуодасны!..

Разведчикъяс сувтисны строй.

— Юрид оз вись, Сима? — төждысына юалис Малыгинлысь орччөн сулалась Степан.

— Мыйла сылы висьнысө? — серөктис другыс.

Вуджисны кык сопка костысь ичөттик шор. Изъяс костын ваис сөдз. Старшина тшөктис тыртны фляжкас. Малыгинлы уси дум вылас ташом жө сөдз ваа ичөттик Дырнөс ю Сыктывкар бокасы. Кымынысь сэтчө котравлисны ичөт дырйиыс тшөтшъя зонкаяс. Ва гуранъясын купайтчасны, көвчасны ёс пиянөс. Тайөс казтылөмыд думъяссө бергөдис гортас. Төдны эськө, мый өні вөчөны мамыс да батыс, чойыс. Мый гижө гортө вокасы, кодсянь Малыгинлы письмоыс бура важөн эз вөв. Пöжалуй, гождөмяныыс нин. Сэки гижлис госпитальсянь.

«Сыктывкарын өні, төдөмысь, прамой төв, — думайтис Малыгин. — Мам, дерт, удж вылын, чой школаө котөртис. Бать йылысь и сёрнитны нинөм — заводсыс, көнкө, омөля во- лывлө. Парторгалө цехас, нывбаба- яскөд воюитө, кызди ачыс гижлис пиныслы». Ок, кутшөм ылын өні ставыс тайö! Бытьтө вөтын. Бытьтө эз и вөвлы сийө олөмас.

Но, волас на и гортас. Бөр бергөдчас важ олөмыс. И аслас Кө- кулькарыс. И Дырнөс юыс. И өши- нювса льөм пуыс. Батыс сийөс са- дитлөма керка динас, первой пиыс чужөм кузя. Мый ыжда нин пась- калис. Мамыслы кык вок быд во уна льөм чукөртласны сы вылысь. Мукөдлөн тулыснас дзоридзыс кын-

мас, а налөн — оз. Лунлань бана керканыс, льөм пуыс шондй водзын пыр.

Кор нин волас гортас? Кызди сэ- ки олөмыс пуксяс? Та йылысь эз көсийсыс думайтны. Абу на матын сийө кадыс. Код на ещө төдас, мый сийөс виччысьө водзын. А локтас кө гортас, первой эськө аслас цехө му- нас, аслас верстак динын сулыштас, важъя төдасяскөд сёрнитас бурпөт. Сэсыс кутас думайтны водзө олөм йылысь. Абу на комын арөс, позьö и велөдчөм йылысь думыштны.

Бокасы, тасма вылө өшөдөмөн, солькыкылө көдзыд ва тыра фля- га. Тасматө увлань кыскөны лимон- каяс. Воропа РГД-ястө разведчикъяс оз радейтны. Лимонкатө и вөдит- ны лөсьыд, и шыбитны позьö кок- нна.

Разведчикъяс буретш мунисны мөдөд батальон динти. Старшина та- ни көсийыс сетапны гождя маскиро- вочной паськөм — турунвиж сераөс, мед вөрыскөд разведчикъяс өтсера- өсь вөліны.

Салдатъяслөн чукөрысь Потапов- лөн сюсь синмыс казялис сьөд юбкаа нывкаөс. Сьөлөмыс дрөгмуни. «Оз вермы лоны!» — шуис аслыс. Кызди Ленаыс татчө уси?

Ещө сюсьджыка видзөдлис. Да, Леналөн мыгөрыс, юрсиясыс, чужө- мыс, став модаыс.

— Сима! Видзөдлы! — индис ки- нас салдат чукөрлань.

— Мый сэни видзөданаыс?

Буретш сэки нылыд бергөдчис на- лань мышкөн. Но Потапов төдис эськө Ленаөс вуджөр сертиыс!

— Некодөс он аддзы? Эсийө ны- лыс со...

— Но и мый?

— Да Лена жө сийө!..

— Лена? Эн сөр!.. Небесасыс татчө уси али мый?

— А ме шуа — Лена!.. Менсьым синъястө он ылөд!

— Горөдлы, Степан...

— Абу лөсьыд... Командиръяс сө сэнөсь.

— Но и мый?

— Гашкө, Лена мянкөд жө му- нө? Вот эськө бур вөлі...

— Мый тани бурыс, Степан? Си- йө — сэни, тэ — тани...

— Век жö аддзысьлыны удайт-час...

Локтис лейтенант.

— Кутам мунны водзын, головной застава пыдди,— висьталис старшиналы.— Миян бöрся нельöд рота, сөсся мукöд. Потаповлөн отделение лöө медся водзын. Кык километр мунам туй кузя, сөсся кежам, сетчам шуйгавыв.— Бергöдчис взвод динö, паськыда нюммунис:— Ок, и радистка мянкöд лöө!.. Муртса на воис. Старшина Белых... Синьясыс, юрсиыс!.. Ставнас ачыс!.. Аддзылад кö, синнытö эн воштöй!..

Потапов да Малыгин видзöдлисны öта-мöд выланьыс. Татшöмторсö командирлысь эз на казьявлыны; нывьяс йылысь некор лишной сёрни эз нуöдлыв, та кузя эз ошйысь-лив ни.

— Лихачовлы, дерт, абу зэв лубö. Виччысис ён зонмöс, а локтис нывка, код вылö уна он öшöд!..— висьтавлис водзö лейтенант.— Капитан Фомин абу йöй... Гартчö ныв гöгöрыс. Öтиöс мöдöдисны, öни выль локтис...

«Нинöмсö висьтавлан, командир!— окота вöли шуны Потаповлы, но командирыды он шу.— Лена

абу сэтшöм... Оз ышты сийö погоньяс вылад!..»

Кутчысис, пöдтис кöсиймсö. Öни и вöзйысьны лейтенантлысь ветлыны Лена динö эз вöv лöсьыд.

Медводдза привал дырйин Малыгин ошйысьыштис:

— А мянлы, лейтенант, старшина Белыхыд бур тöдса!

— Кыдзи тöдса?— эзкодь эскы Гордеев.

— Миян Сыктывкарысь сийö... Öтлаын асланым паркын гуляйт-ливлим.

— И öнöдз чöv олад!— кажитчö, лейтенантлы тайö и збыльысь лон шензяна. Ныв, кодi сылы воис сьöлöм вылас аддзöм здуксяныс, вöлöма тöдса сьлөн разведчикьяслы. И та йылысь оз висьтавны.— Вöзйысид кö, лэдзи... Сөсся эськö и ачыс волис мян дорö. Лена, шуан? Нимыс кутшöм мича!.. Но...— Гордеев друг тшöкмуни, видзöдлис разведчикьяс вылö. Катлöдлыштис юрнас, видзöдлис часi вылас.— Öни, другьяс, оз артмы... Шойччигөн... Öни — сёрнин. Вот-вот вöрзям, мöдöдчам...

Бöрсянь кылис команда.

К О Й М Ö Д Л У Н

1

Лена Белых эз куж чайтны, мый Сима Малыгин да Степан Потапов сэтшöм матынöсь. Волöм письмöясысь Лена гöгөрволис — конкö войвылынöсь. Бөръя письмöас Степан гижлис: налөн өвмöс мунис Лысöй гöра динти. Лена тöдис тайö гöрасö — Кандалакша дорын. Вöртöм джуджыдкодь куш гöра. Вольвлис сэтчö Лена, кыскывлис асьыс рациясö сы вомөн.

Гожöм помнас сэни дасьтысис операция, вайисны содтöд дивизия. Тыдалö, операцияыс эз артмы, и дивизиясö вуджöдисны ещö войвылö — Мурманск сайö. Бöрынджык кывсис: Лысöй гöра сайсянь кöсиймаöсь кытшавны фашистьяслысь ыджыд группа, но мян танкьяс абу

вермöмаöсь вуджны паськыд нюръяс вомөн. А танкьястöгыд кутшöм наступайтöм!

Леналөн аслас полевöй почтаыс вежласис жö, гортас юörtавны эз удитлы. Нинöм он вöч — служба сэтшöм.

Сыктывкарын радистьяслысь курсыс помалöм бöрын Лена веськалi Войвылö — Беломорскö. Первойсö армиялөн штабын рацияяс динь дежуритис. Öдйö велалис кутавны и ыставны радиограммаяс. Командирьяс казьялисны радисткалысь зильöмсö. Öтчюд сийöс корисны особöй отделö, юасисны гортасяс йылысь, ас йывсыс.

— Мыйла тадзи менсьым юасяныд?— повзискодь нывка.

— Тэ, Лена, дас класс помавлин? И комсомолкаөн школаын вöлин?—

Леналысь юалөмсö быттьö эз кывлы, водзö нуöдiс сёрнисö капитан.

— Вот мый, Лена,— сёрни помас шуис капитаныд.— Миян сёрни йылысь тэ некодлы эн висьтав. Кыв ни джын. Мед ставыс лоö ас костын. Делöыс вот мыйын. Миянлы колöны радистьяс партизанскöй отрядьяслы. Уджавны немецкöй тылын. Но делö тайö — дзик добровольной. Ачыл кö көсьян. Он кö көсий — та вылын и сёрнилы пом. Ми ог тэрмөдлöй. Думышт прамöйджыка. Гортсеаяслысь юавны, тöдöмысь, оз позь. Ачыл решит. Лунмөд мысти бара шыöдчылам тэ динö. Сэки и висьталан. Ладнö?

Капитан абу нин том, музз синьяса, видзöдiс мелiа, и друг кыптöм полöмыс Леналөн надзöник быри. «Партизанскöй отрядкөд фашистьяслөн тылö?» — думайтiс ас кежсьыс Лена, капитанöс водзö омöля кывзёмөн. Партизанскöй отрядьяс да накөд ветлысь радистьяс йылысь сийö кывлис. Тöдiс: радистьяс пöвстас эмöсь и нывьяс. Но мед аслыс сэтчö мунны? Та йылысь сийö эз думыштлыв. Чайтiс, сэтчö мөдöдöны торъя вына йöзöс, кодьяс нинöмысь оз повны. А Лена асьсö лыддис полысён. Сийö и вир вылö веськодя эз вермы видзöдны, юрыс заводитлис бергöдчыны. «Öдвакö ме сэнi верма,— думайтiс Лена.— Öнi жö колö висьтавны, мый оз вермы». Мыйкö кутiс жö сэтшöм кывьяссö шуны. «А мыйöн ме, шуны кö веськыда, омöля мукöдсьыс? Велöдасны, сiдзи оз мөдöдны». И век жö öтарö ни мөдарö эз на шу, мед кокни вежöраөн эз лыддыны.

— Ещö öтчыл шуа: удж сэнi öпасной, сьöкыд. Думыштлы бура. И решайт ачыл,— вылысь на тöдчöдiс капитан.

— А кодкö ме кындзи ещö лоас? — смелмөдчис да юалис Лена.— Нывьяс...

— Он ло öтнадөн, Лена. Сразу ми тылö ог мөдöдöй. Первой курсьяс вылö ыстылам. Велöдчад öружeөн вöдитчыны, лызь вылын котравны. Радиоделöөн бурджыка тöдмасынныд, гуся гижöдөн.

Некымын вой та бöрын эз узь Лена. Виччисис — капитаныд ре-

гыл корас, кыдзи көсийсис. И пыр на эз вермы шуны аслыс: мунны али не мунны. И юавны некодлысь. Омöльччыштiс быдсөн. Тайöс казялысны и радистьяс, кутiсны шмонитны: лишной пö думайтан зоньяс йылысь. Торъя нин ёсь кывья вöли Витя Смирнов. Абу вывтiасьыс сiдзсö, быттьökö рам, а Лена вылö веськодя эз вермы видзöдны. Леналы зонмыс воис сьöлөм вылас. Лена öнöдз на казтьвлö Витяöс, кодкөд курсьяс вылын лоины öтлаынöсь. Бöрынджык сiдзи и эз лок öти рейдысь. Сэки отрядсьыс унаөн эз воны, тшöтш и Смирнов.

Капитан корис Ленаöс вежон мысти.

— Извинит, нюжалiм... Кыдзи? Думыштiн? — öнi капитанлөн синьясыс вöлины стрөгöсь, быттьö бытшйöддiсны шылаөн.— Тэнад зэв бур бать-мам... И ас кодныс жö нылöс быдтöмаөсь...

«Мам-бать йылысь весиг тöдöны,— воис вежöрас Леналы.— Дерт, юасисны кодлысь колö». Бара на думыштiс Виктор йылысь. Сийö рейдас Леналы колiс мунны, но висьмыштiс, командирьяс сы пыдди мөдöдiсны Викторöс. Гашкö, Леналы вöли шуöма гортас не воны, а сы пыдди Виктор олөмсö сетiс. Со öд на кыдзи мукöд дырйины овлö!

— Ещö öтчыл шуа, Лена: делö тайö аслад көсийöм серти...

— Шогма кө... — полиштёмөн на, пыдысян лолыштöм бöрын, шуис Лена. И ачыс кылис, кыдзи здук кежлö дугдылис тiпиктыны сьöлөмыс. Кутшöм вөлөм сьöкыд öти кывсö шуны!

Курсьяс вылын найöс велөдiсны шытöг ветлöдлыны вөрьястi, кодзувьяс да пу вожьяс серти адззыны туй. Унаторйö велөдiсны, мукöд йывсьыс Лена первойыс на кылис.

Войвывса партизаньяс нуöдiсны противниккөд тысö эз лунвылын моз. Фронт таи сулалiс коставлөмьясөн. Мукöд участокьяс костын сё километрьясöдз. Тылö пыравны, торъя нин ичöтджык выньясөн, абу нин сэтшöм сьöкыд. Дерт, коставлөмьяс бөрсяыс сюся видзöдiсны. Тöлын — лыжной патрульяс, гожöмын — разведчикьяс. И век жö вой-

ывса партизанъяс вöчлісны гырысь рейдъяс, пыравлісны противниклөн тылö уна дас километръяс. Куим рейд вöчис Лена Белых, и куим награда: «Красная Звезда» орден, кык медаль. Курсыяс бöрын сетісны сержантлысь звание, а коймöд рейд бöрын и старшиналысь.

Абу кокни радистлы рейдъясад. Рация, батареяяс. Мед найö пыр уджалісны бура. Колö сюся видзöдны, мед эз «пуксыны» батареяяс. Водза кык рейдэс вöліны кокниджыкбсь: эз зэв кузь кад кежлö пыравны тылö. Леналы ковмис лоны радисткаөн и санитаркаөн, сетны отсöг раненöйяслы. Коймöд рейдэс артмис кузь: матö кык төлысь.

Отчюд унджык партизанис мунісны вöчны диверсияс. Базаö колины этшаникөн. И буретш сэки база вылö зурасисны фашистыяс. Тыдалö, налы тайö и аслыныс лои виччысьтöмөн. Ковмис примитны бой. Раничис пулемётчик. Уськөдчысыяс казялісны тайöс, збоймисны. Кокни пулемётнас вöдитчыны Лена кужис, водіс пулемёт дорö, заводитіс лэдзавны дженьыдик öчередяяс матыстчысыяс кузя.

Лёк эськö делöс вермис артмыны, эз кө асланыс ёртъясыс бөр воны. Локтöны вöлөм базаö, ылысянь кыласны лыйсьöмтö, уськөдчасны фашистыяс вылö мышсянныс. Бура уна фашист колины сэки куйлыны база гөгöрын, этшаджыкыс пышйисны.

Та бöрын ковмис вежны и базалысь местасö, вешйыны мöдлаö. Вот сійö бойсыс и сетісны Леналы орденсö.

Гожöм помнас Финляндия дугдіс воуйтны Сöветскöй Союзлы паныд, фашистскöй войска кутісны бöрыньтчыны. Карелияса партизанъяс öтувтчисны Сöветскöй Армиякөд. Лена веськалі Мурманскö — Заполярнöй армиялөн штабö. Бара штабса рацияяс дорын пукавны да дежуритны. Бытгö садöкын лэбач. Ленаöс кыскис воуйтысыяс дінö. Кажитчис, сылөн местаыс сэнi. Мед сьöкыд, мед пуляяс, зато сьöлөмыд радлö: мукöдыяс моз жö тышкасян, он пукав пыдын тылын, кытчöдз и

луйсьöм шыыс оз кыв. Та вöсна, кор радистъяслысь кутісны юасыны, кодi дась муны частъясö, старшина Белых лои медводдзаяс лыдын.

И со, Лена бара стройын. Полöм сьöлөмас эз кыв. Велаліс пöдтыны полөмсö.

Кор Лена локтіс индөм полкö да штабса начальник нудіс сійöс майор Никитин дінö, Белых пыр жö гөгөрвоис: полкса командирлы эз во сьöлөм вылас. «Мыйла менам чужсьылöма нылөн!» — думыштіс Лена. Тадзи сылөн эз öтчюд вöвлы: аддзасны нывбаба паськөмсö, и чужөм выланыс кыптö нюм, а то и кутан серам. Быд командир дась öткажитчыны радисткаысь. И сы вöсна, мый татшöмыс вöлі эз первоыйсы, Белых öні ачыс петкөдліс веськөдълун. Тöдіс: дивизиясянь ыстісны, бөр оз мөдöдны.

Комбатлы Лена эз жö во сьöлөм вылас: тайöс позис казявны Лихачовлөн видзөдласысь. Синъясыс сылөн висьталісны: «Кытысь сөмын тэ усин менам юр вылö! Мый ме мөда вöчны татшөм нывкаыскөд?» Но бара жö, капитан эз вермы öткажитчыны радистысь, мед көть сійö и юбкаа.

Лена кыліс кодлыськö шуөм:

— Полковöй разведчикъяс локтöны,— и орччөн сулалысь офицер видзөдліс кнас новлан часі вылö. Комбат видзөдліс жö.

— Да, пöра...— шуис сійö.

Лена бергөдчыштліс недыр кежлö, видзөдліс матітi муныс взводлань. Дерт, ылысянныд эз вермы аддзыны да тöдны Потаповöс ли Малыгинöс. Öткодъ паськөмыд öткодьялö и чужөмъястö.

Лена казътывлывліс жö Степанöс да Симабс. Эз на вунод налы шуөм кывъяссö асысыс: «Виччысьöй и менö!.. Регыд тiян дінö жö локта!» Тайö кывъясас сылөн вöлі аддзысьлыны көсйөм. Война вылын вöвлытөм морт вермас чайтны: фронтөвöй туйяс вылад абу сьöкыд паныдасыны. Тайö вöлөм абу сэтшөм прөстö.

Лена гөгөрвоис: Сыктывкарса олөмыс сылөн вöлі челядь дыр, и некор оз бергөдчы. Да и сылөн ни Степанкөд, ни Симакөд нинөм эз вөв

сэтшөмьс. Кыкнанныс өткөдбөс: шанбөс, бурөс.

Война бөрад, Лена чайтөм серти, быдөнлөн олөмыс заводитчас вьль ногөн. Оз вермы лоны важъясы! Көть нин сы вөсна, мый асьныс быдөн быдмисны, олөмыд муніс водзө, йөзсы вежисны. Позис өмөй өнія Ленаөс шуны важ кодбөн? Некедзи эз. Сы мында аддзылөм бөрын да став сьөкыдсө ас вьвті нубөм бөрын мортыд, төдөмысь, вьльмө. Мед сьөлөмыд важыс, и важ ногыс т-пиктө, но и сійө пыдысьджык кылө. И аслад му вьлө видзөдөмыд вежсьө. Сійө му вьлө, кодөс дорйөм вьлө лон кисьтөма уна вир, сетөма сы мында том олөм.

«Быдсяма думъяс жө юрад вермасны волены!»— шензис Лена.

Батальон пырис ляпкыдик вөрө. — Эн шыалөй!— кыліс команда водзысянь. Көть шуөма тайөс вөлі гөлөс кутыштөмөн, мортысь мортө вуджис өдйө. Быдөн гөгөрвоисны: колө вичысыны.

Арся войнд вьвывлад өдйө пуксьө. Мыйкө дыра муөм мысти паныдасис бура ьджыд гөгрөс ты. Ковмис сійөс кытшовтны. Кор лон дзурс пемыд да водзысь нинөм эз мөд тыдавны, узьмөдчисны. Бияс эз позь пестыны, көть вөлі ыркыд. Плащ-палаткаясө гартыштөмөн водалісны изьяс бокө, өдйө мөдісны сургыны.

Веськыдладорын сьөд енэжас ыпнитльвліс гөрд кыа. Тыдалө, сыланьын мыйкө сотчис. Керкаяс тані кокныдикөс. Озьясны кө, кос сартаас моз ыпнитасны. Негырысь керкаяс абу чукөрынөсө, туйсянь бура ылын өткөн-өткөн. Быдөн тыртөмөсь, иганаөсө. Дерт, олысыясыс дзебсьөмаөсө вөраджыкинъясө.

Лена лөсьөдчис жө ойбыртыштны. Рация абу кокин. Комбат кыкысь матыстчыліс, вөзйис отсөг. Лена өткажитчис. Кыдзкө эз вөв лөсьыд первой лунсяныс отсөг босьтны, салдатъяс вермасны и серамыв влэптыны.

Лена водіс, гартыштчис жө плащ-палаткаас, и друг кыліс:

— Старшина Белых!

«Кодлы друг ковми?— дөзмис Лена. Тыдалө, комбатлы дум вы-

лас усн.— Эз вермы водзджык».

Лена чеччис, көсйис сьөрсьыс босьтны и рациясө, но кыліс вьльысь горөдөм:

— Старшина Белых! Көні тэ?

— Тани,— шыасис Лена.

Матыстчисны куимөн. Пемыдад некодөс эз позь төдны: мыш вьлааныс масхалатъяс, чужөмныс эз тыдав.

— Со көні сійө...— шуис локтысыяс пиысь өти.

— Лена! Эн повзы! Тайө— ми!— шыасис мөд.

Лена эскис и эз эскы. Тайө жө оз вермы лоны! Кыдзи татчө пемыд войнас усины Степа да Сима? Со кыдзи артмис: муртса на думыштис на йылысь, и кыкнанныс со водзынөсө. Мөдарө кө, ачыс виччысыс накод паныдасьөм.

— Сима! Степа! Доная!— радлунсө эз вермы кутны Лена.— Кытысь ті усинныд!..

Лена уськөдчис первой өти дінас, сөсся мөд дінас, сьвтыръяліс. Сьлөн став тушаыс сырмис, ачыс кайтіс өтитор:

— Донаяс менам!.. Зарнияс...

И сы мында мелілун Потапов кыліс тайө кывьясас, мый и аслас сьөлөмыс дрөгмуні.

— Но, но... Лена... эн бөрд...— сөмын жө вермис шуны Степан.— Ловъяөсө тай со талун... мый сөсся миянлы, салдатъяслы, колө?.. Ноко, видзөдлы менам синмө...

Бушлат сос помнас Лена чышкыштис чужөмсө, гажаа да рада нюммунис, видзөдліс Потаповлы синмас.

— Но, вот... Тадзи бурджык!— рада шуис Степан да ачыс сьвйыштис Ленаөс, топөдіс сьөлөм бердас. Кыкнанныс ланьтісны здук кежлө.

Сима Малыгин сулаліс орчөн да дась жө вөлі чышкыны вазьөм синьясө. Сөсся тшөтш жө паськөдіс сьвьясө, сьвтыръяліс кыкнансө, паръяснас корсис Леналысь чужөм боксө. Но Лена ачыс гөгөрвоис, оқыштис кыкнаннысө. «Важөн тадзи колө вөлі!— радліс Сима.— А то он гөгөрвоөй, мый кыкнанныдлы колө».

Кутшөм ьджыдджык шуд вермас

лоны салдатлөн, татшөм здукуыс кындзи!

— Но, ме муна...— кыліс коймөд локтысьлөн гөлөсыс.

— А ми тэнө луннас аддзылім, кор тэ воин батальонө,— висьтавліс Степа.— Стройныөсь вөлім, петны эз позь... Сөмын өні лейтенантным лэдзис здук кежлө.

— Кутшөма вежсьөмныд!— шунс Лена, мездьсыс сывъясыс да пуксыс орччөн муртса рудөдыс из вылө.— Но, висьталөй, кызди мый... Сы мында кад эг аддзысьлөй...

— Мый уна висьтавынсьө... Ловъяось тай со... Воюйтам. Ачуд тэ висьтав, бурджык лөб.

Но висьталан өмөй кыв-мөдөн сійөс, мый аддзылөма да лэдзөма вежөр пырыд?

Малыгин да Потапов казялісны: Лена видзөдлывліс часі вылас.

— Эн пов, Лена,— шунс Степан.— Разведчик кө час джын кежлө унмовсялас, тырмымөн.

— Оні өтлаынөсь лоам, кутам аддзысьлыны,— нюммуніс ныв.

2

Изъяс, изъяс!.. Вөр пасьталаынгырыс и песни руд ёкмыльяс. Муқодьыс пывсянгырся. Пуяс вужьясьөмаось изъяс костас. Қызкө тай пискөдчөны да нюжөдчөны. Коктө пуктавын некытчө, вөславынсьөкыд, пыр лөб кок улад видзөдны. Шульвлөны: салдатыд и вөслалігас шойччө. Тані тайб оз арты. Он вугырт. Сійө и видзөд — коньясян, изсө люкалан.

Муртса мөдіс төдчыны лун югыдыс, батальон вөрзөдчис водзө. Разведчикьяс нырщикалісны — застава пыдди. Колялісны пасьяс, кодьяс серти локтісны ротаяс.

Бура дыр муном мысти көнкө ылын заводитіс шыавны самолёт.

— Воздух!— кыліс команда, көть эськө лётчыкыд өдвакө вермис казьяны асыя вөрсьыд йөзөс.

— Казялас кө — бергөдчас, выльыс мян вөсьтті лэбас,— шунс Потапов орччөн муныс другыслы.

Ленакөд аддзысьлөм бөрын найб войсө өмөля и узисны. Кажитчө, гортаныс волісны, кутшөм али

узьөм. Но сьлөм выланьыс долыд, да асыя вөрыс унзільсө пальөдіс. Восьлавсис кокниа.

«Со өд Ленаыд кутшөм вөлөма збой!— думсьыс ошкис нылөс Малыгин.— Кык медаль дай орден». Төдіс: найб прөстө оз шедны. Оні сьлөн медальыс шонтіс жө сьлөмсө.

Самолөтлөн шы бара матысмыліс, эсся недыр мысти сійө быйкнитіс-петіс сопка сайыс, шутөвтис юр вөсьттіныс. Бордьясыс муртса пу йывьясьө эз инмыны. Нинөм он шу, лётчыкыс збой. Позис гөгөрвоны — самолөтыс разведчик.

— Вельмис тай дзикөдз... Рөгыд юр выланым пуксяс. А эсся корас отсөг... Налөн век сідзи,— шунс Малыгин.

Тайб здуксяныс батальонлөн водзө муномыс эз ло сідзи, кызди арталіс Лихачов.

Мый төдмаліс лётчыкыс? Виччысьөм могыс ротаяслы ковмис разіпели паськөдчыны. Төдөмыс, муномыс лөб надзөнджык, нинөм он вөч. Коліс виччысьыны и вөсьсаннө петөмыс.

Комбат чукөртіс ротаясса командирьясөс.

— Радио пыр йитчыны командованиекөд лыдда ковтөмөн,— висьталіс Лихачов офицерьяслы.— Пеленгуйтасны, стөчмөдасны местанымөс, а эсся бомбардировщикьясөс мөдөдасны.

Локтіс старшина Мухин, сувтіс комбат водзө.

— Капитан ёрт! Лейтенант Гордеев тшөктіс доложитны: километр сайын машинаяс... Став сертиыс — сәні нейджыд полевөй аэродром. Лейтенант муніс стөчмөдны водзө Лазаревкөд да Қарабуткөд.

— Аэродром?— эзкодэ эскы комбат?— И самолөтыс эмось?

— Оз тыдавны... Машинаяс кылөны. Кык-куим...

Капитан думыштчис.

— Кывлінныд?— видзөдліс офицерьяс вылө.— Самолөтыс кө абуось, кутшөм сійө аэродром. Ог чайт, мый сәні ыджыд охрана. Кутшөм решение жө примитам? Ме ногөн, колө атакуйтны. И кымын өдіө, сымын бур. Гордеевлыс взводсө ме

мөдөдө водзө, мед уськөдчөны тыл-сяньныс, а таладорсянь мунас нёльбөд рота.

— Капитан Харин, кылан? Мун дасъты ротатө.

— Ясно, капитан!

— Нёльбөд роталы отсаласны миномётчикъяс. Батальон мунас водзө шуйгавывтіджык. Водзын — первой рота... Ме ачым лоа нёльбөд ротакөд. Но первой аддзөдла лейтенант Гордеевөс да стөчмөдла обстановкакөс...

Көть кызди эз тэрмасьны командиръяс, кадыс мунис. Кор на рота петис позиция вылө, а миномётчикъяс сопка бөкө сувтөдиси миномётъясө, шонди матыстчис лун шөрлань. «Оз кө локны противниклөн бомбардировщикъяс, ставис бурло», — думайтис Лихачов. Сийө казытыштис, кызди кольөм воын налөн артмис Кестеньга сайын Топозеро вылын. Сэки Лихачов вөли **ротаса командир на. Батальон налөн бура ылө пырөдчис фашистьяслы тылө, Топозеро вывсань заводитис наступайтны ты берег кыр йылын фашистьяслөн опорной пункт вылө. Но кадыс водз воисны фашистской кокни бомбардировщикъяс, ты кузялаыс став йисө жүгөдиси. Ковмис бөрыньтчыны. «Онй абу паскыд ты вылынсь, а вөрыносъ, — думайтис капитан. — Эм кытчө сайөдчыны». И век жө полөмыс вөли. Но зев нин көсийсис комбатлы стөчмөдны, мый төдмалис противник сылөн батальон йылыс. А та вылө колис пленной. Көть өти да пленной. Мед көть и раненной. «Гордеев жө мыйкө вөчас-а», — бурмөдис сьөлөмсө комбат.**

Противник эз и заводитлы водзасаньны. Кор вылын клопнитис комбатөн лэдзөм веж ракета да сопка бөксянь шьён лэбисны минаяс, а рота матыстчис аэродром динө, войвыв мунан туй вылын саялисны бөрря машинаяс. Самолётъяслөн пуксян туй помын тшыналис не то автомашина, не то кольөм самолёт. Гашкө лэдзөм минаясыс, гашкө и фрицъяс пышйиганыс асьныс өзтөмаөсь.

Лихачов кытшовтис посадочной полосаянь бура ылын сулалыс ыцитовой казармаяс. Ставыс пет-

көдлис: противник мунома ачус. Нинөм абу кольөмаөсь.

Капитан кытшовтис гөгөр. Одвакө татчө гырыс самолётъяс пуксылөмаөсь. Тасянь, тыдалө, дөзмөдчисны негырыс разведчикъяс, кодыс быд лун лэбавлисны фронт весьтын, а өткымынъяслы удайтчывлис пыравны и тылө. «Онй он мөдөй тайөс вөчны», — думсыс радлыштис Лихачов. Сэсся думыштис: ёнасө радлыны нинөмыс. Абу нин зев ыджид вермөм, эновтөм аэродромтө босьтөмыд.

Разведчикъяс эз воны куш киөн. На водзын восьлалис кузь кокъяса косөдиник фриц, дженьыдик няйтвеж курткая, дженьыд гөльөня сапөга. Гачыс зэвтөм лядъевъяссө, та вөсна кокыс кажитчис торъя кузьөн. Юр вылас кузь кокайдлөн кутшөмкө кышөд, не то чышъян, не то няйтвиж жө пилотка шой.

«Кутшөм полөкалөс вайөдөны?» — думыштис комбат да видзөдлис Гордеев вылө. Сийө, чужөм вывсыс пөсьсө пилотканас чышкалиг, восьлалис бөрынджык, быттьө комбатлы вайөдис эз пленнойөс, а генералөс.

— Капитан ёрт! — ылысянь на шыасис лейтенант, йөткыштис пленнойөс водзө. — Тиялыс приказ пөртөма олөмө. Тайө кузь кокасө ми аддим өти тыртөм сарайыс... Турун пытшкө дзевсьөма. Юрсө сюйөма, а сапөгыс ортсын. Ми чайтим: мися, кодкө пышйигад сапөгсө кольөма. Заводитим кыкыны, а сапөг бөрсаяс морт кыссьө!.. — Гордеев серөктис первой ачус. — И төдан, кодй аддзис? Кошелев, комполкалөн ординарецыс! Төрыт на миян взвод локтис...

— И кызди?

— Кошелевд? Зев вежөра салдат... Мися, гашкө, майор ордад баринавны велалис, а сийө...

— Ме ог Кошелев йылыс, — комбат торкис лейтенантөс. — Кызди фрицыс? Пыксис?

— Эз! — вылыс нюммунис Гордеев. — Шуө, ачым пө кольччи...

— Найө онй быдөн асьныс кольччыны... — комбат видзөдлис пленной вылө. Мөдыс казалис тайөс. Погонъяс вылас звездочкаяслөн лыдыс

висьталіс, коді тані ыджыдыс.

— Я... я... Гитлер капут!..— кӧс-йис мыйкӧ ещӧ шуны, но нинӧм эз артмы. Поліс, тыдалӧ, век жӧ.

— Капут, шуан?— клопнитіс кинас фрицӧс пельпомас. Мӧдыс эз и вӧрзъыв. «Ён!»— думыштіс Лихачов.— Зэр гут! Шпрехен зи дойч... ништ»,— шуис, мый тӧдіс налӧн кывъясъсыс.

— Гитлер — капут!— мӧдыс шуис пленнӧйыд да чуньнас индіс ас вылас.— Их бин Бауэр... Отто Бауэр...

— Отто Бауэр?— ним-овсӧ гӧгӧрвоис комбат.— Зэр гут!— бергӧдчис Гордеевлань.— Санвзводса старшина Васькин бура тӧдӧ налысь кывсӧ. Корсьлӧй сійӧс... Сыкӧд и допрос вӧчам. Тӧдмалам ставсӧ, мый миянлы колӧ. А тайӧ фриц вӧснаыс — юрад кыв кутан. Мед оз пышйы, и мед некод сійӧс оз вӧрзӧд...

3

Отто Бауэр, Кузь Отто, кызди сійӧ пыр жӧ нимтісны салдатъяс, вӧлӧма варов. Окотапырысь висьтавліс, мый тӧдіс. Пукаліс сійӧ комбат водзын руд из вылын, кокъяссӧ водзӧ нюжӧдӧмӧн, кыкнан ки лапасӧ пидзӧсьяс костас топӧдӧмӧн. Синъясас эз нин тӧдчы важъя полӧмыс, корсьурӧ заводитліс весиг нумъявны. Казялас орчӧн сулалысьялысь видзӧдласъяссӧ, бӧр кусӧдас нумсӧ, полігтыръя кыпӧдлас синъяссӧ комбат вылӧ.

— Ме пӧ ачым студент,— пленнӧйлысь висьтавлӧмсӧ вуджӧдіс санитарнӧй взводса старшина Васькин.— Ас окотасысь пӧ вӧзйыси вермахтӧ. Участвуйті Норвегия босьтӧмын. Сы бӧрын пыр на тані, Лапландскӧй армияын, кодӧн командуйтӧ генерал-полковник Дитль, Гитлерлӧн другыс.— Та бӧрын Кузь Отто бара видзӧдліс комбат вылӧ, быттӧ кӧсйис тӧдны: ёна-ӧ коланасӧ сылӧн висьтавлӧмъясъсыс.

— Водзӧ!— тшӧктіс комбат.— Дитль йывсыд ми асьным тӧдам.

— Кӧсйим пӧ ӧдйӧ босьтны Мурманск,— водзӧ вуджӧдаліс пленнӧйлысь кывъяссӧ Васькин,— сӧсся

мунны Москва вылӧ. Эз артмы. Рочьясыд вӧлӧм кужӧны жӧ воуйтны, весиг тані, войвылын, миян дорысь оз омӧльдзыка. Служиті пӧ горно-егерскӧй дивизияын. Кольӧм гожӧмын ранитчи, сы бӧрын тылӧвӧй частьясын. Миянладорӧ вуджӧм йылысь пӧ мӧвпыс чужи бӧръя кадӧ. Торъя нин сы бӧрын, кор миянлысь фюрернымӧс муртса эз вины аслас жӧ генеральясъсыс.

— Сылӧн думъяс йылысь ми медся этша кӧсъям тӧдны,— Васькинӧс торкис комбат.— Та йылысь сійӧ мӧдлаын висьталыс, вылынджык. Мед висьталӧ: мый тӧдӧны фрицъяс миян йылысь,— комбат докнитіс юрнас гӧгӧр.— Мыйла самолётъяс миян весьтті кытшлалӧ. Кутшӧмӧсь планъясныс тиян командирьяслӧн. Васькин вуджӧдіс комбатлысь кывъяссӧ пленнӧйлы. Мӧдыс мыйкӧ бура дыр висьталіс.

— Кутшӧм пӧ ӧні планъяс?— нуммуніс тшӧтш ачыс Васькин.— Пленнӧй шуӧ: унджык салдатъяс важжӧн оз эскыны, мый Гитлерлы удайтчас вермӧмӧн помавны войнасӧ, эсэсовецъяс да гестапоса офицеръяс кызди. Но и найӧ асланыс юрныс вӧсна медся тӧждысьӧны. Медтыкӧ ылынджык фронтъяс. Гожӧмьяныс салдатъясӧс татысь нуӧны Германияс. На пыди воӧны том йӧз. Кум лун сайын и миянлы воис приказ: мунны Киркенесӧ, сӧсянь суднояс вылын Фатерландӧ. Но ломтас эз вайны, сынӧдті унатор петкӧдны эг вермӧй. Киркенесын пӧ, висьталісны салдатъяслы, суднояс дасьӧсь. Тиянлысь матысмӧмнытӧ казялӧма самолёт-разведчик... Миян офицеръяс лыддисны разведчикъясӧн. Повзисны. Аэродромсӧ дорйыны некодлы. Сійӧн и тэрмасисны пышйыны тӧрыт да талун. Ті суид бӧръясӧ.

— Ставыс?— юаліс Лихачов, и тайӧн быттӧ ачыс кывкӧрталіс.

Батальон вылысь пырӧдчис сопкаяс бокӧ. Вӧрыс сукмис, лои гырысьджык. То ӧтилаын, то мӧдлаын сулалісны паськыд туганъяса кыз пожӧмъяс. Налӧн вуджӧръясыс серӧдісны вӧрсӧ, сайӧдісны йӧзӧс, самолётлӧн шыыс бура дыр эз кыв. «Мунис, тыдалӧ,— думыштіс комбат.

Сьбѡм вылас кокнялыштис.— Кажитчѡ, вошим сы син улысь».

Регыд тыдовтчис: тайѡ надеяыс вѡлѡма весь.

Разведчикъяс юѡртисны комбатлы: водзын, километр сайын кымын, батальонлысь туйсѡ вомѡналѡ векныдык залив. Тыдалѡ, моресянь пырысь фиордлѡн вожыс. Залив вомѡныс неыджыд бетоннѡй пос, матигѡгѡрыс восьса. Пос кузяыд батальонлы ковмас вуджны бура дыр.

Буретш сэки бара кыліс самолѡтлѡн шы. Буракѡ, уліті лѡбзьѡ. Салдатъяс велалѡмаѡсь нин шы сертыс тѡдны самолѡтъястѡ. Водзын, ылынджык кыліс ещѡ некымын самолѡтлѡн шыыс.

«Бомбардировщикъяс!» — быдѡнлѡн визнитіс юрас.

«Вот тѡныд и некутшѡм планъяс! — казътыштис комбат Кузь Оттолысь кывъяссѡ.— Но — дудки! Миянѡс он ылѡд. Фрицъясыд, тыдалѡ, миянѡс йѡйяс пыдди лыддѡны. Быттѡ ми петам пос дінад, восьсаниѡ, а найѡ кыйѡдасны да миян ылѡ бомбаяс...

Пос дорѡ петѡм пыдди комбат кежѡдіс ротаяссѡ шуйгавыв, залив пѡлѡн. Разведчикъяслы тшѡктіс корсьны мѡд вуджанін.

Залив йывланын вѡрыс матыстичис берег дорѡдз. Тайѡ отсаліс комбатлы бѡрйыны кокниджык туй, бо кынджык кыпѡдчысь сопка горувті нудны ротаясѡс водзѡ. Кажитчѡ, бара мынісны налькйысь. Но бомбардировщикъяс век жѡ суѡдісны. Кыліс кык взрыв. Недыр мысти водзынджык коймѡд.

— Сайѡдчѡй пуяс улѡ! — кыліс команда.

Кык бомбардировщик ыджыд шыѡн лѡбзисны сопка горув весьтті. Кыпавлісны тшын сюръяяс, качлісны ылыѡ изъяс. Йѡз чукѡр шѡрѡ бомбаяс кѡтъ эз веськавны, вермисны лоны ранитчысьяс. Да, эз ло кокни туйыс батальонлы, а коліс на муны водзѡ.

Кѡтѡрѡн локтіс Васькин, горѡдіс комбатлы:

— Капитан, ранитчис старшина Белых!

— Белых? — первойсѡ Лихачов, тыдалѡ, эз тѡд, коді сѡтшѡм мор-

тыс.— Белых? Радистка? Эк!.. Эн вермѡй видзны! Ёна ранитчис?

— Осколок... Кынѡмас, буракѡ.

— Буракѡ!.. Тѡ коді ачыд? Абу медицинскѡй старшина?

Васькин чѡв оліс.

— Садьын?

— Ме дырйи садьын вѡлі.

— Коді сы дінын?

— Кык санитар... Кѡртавны заводитісны...

— Нуѡд менѡ сы дінѡ. Стѡчмѡд, кымын раненѡй. Виѡмъяс абуѡсь?

— Эг кывлы.

— Тѡдмав!..

Лена куйліс плащ-палатка ылын. Чужѡмыс кельдѡдѡма, векнямѡма.

— Капитан... — восьтыліс синъяссѡ Белых, кор адзис орчѡн комбатѡс.— Со и воуйтис менам...

Комбат юалана видзѡдліс раненѡй дінын бергалысь санитаръяс ылыѡ. Некоднанныс нинѡм эз шуны.

— Вѡчны ставсѡ, мый вермад!.. — шуис стрѡга.— Тѡ, Васькин, кыв кутан!.. И лѡсьѡдѡй нѡсилка... Гашкѡ, оз на ѡти нѡсилка ковмы...

— Оз ков! — ылыысь восьтыліс синъяссѡ Белых.— Меным нинѡм нин оз ков.

— Эн сѡр,— стрѡга шуис Лихачов, ки пыдѡснас инмѡдчыштліс нывлѡн банѡ. Пѡсялѡма чужѡмыс.— Эн пов... — капитан кѡсийс шуны нывлѡс нимнас, но эз вермы казътыштны.— ...Старшина! Ставыс лѡѡ бур!

— Пасибѡ,— пыдысянь лолыштис Белых, кунис синъяссѡ, ружтыштис. Недыр мысти ылыысь восьтіс. Капитан сулаліс сы дінын на.— Капитан! Зѡв ёна кора: корлѡй Пѡтапов Степанѡс да Малыгин Симаѡс. Разведчикъяс найѡ... Прѡшайтчыны кѡсья... ѡти карысьѡсь ми...

Лена бара ланьтіс.

— Ковмас, тыдалѡ, мѡд укол сетны.— Васькин видзѡдліс комбат ылыѡ, быттѡ виччысис сысянь тшѡктѡм.

— Мѡдѡс... коймѡдѡс... Кымын ковмас! Шуи тай: тѡ кыв кутан сы вѡсна!

— Хирургѡс эськѡ татчѡ...

— Вѡч, мый верман!.. — комбат виччысис: радистка, гашкѡ, ылыысь на восьтылас синсѡ. Коліс лѡнѡд-

ны, шуны, мый оз энвотны сійӧс, от-саласны, кызд вермасны. Нывлӧн синъяс эз воссывны.

Комбат муніс водзӧ. Сылӧн тӧж-дысянторйӧн ӧні вӧлі эз сӧмын ӧти радистка. Коліс стӧчмӧдны ранитчысыяслысь лыдсӧ. Колӧ ӧдйӧджык вешйыны тайӧ проклятой места-сыс: бомбардировщикъясыд бара на вермасны локны. Тӧдмалісны кӧ, мый тані быдса батальон, дзык воласны. Комбат тӧдіс: водзӧ мунны лоӧ сӧкыдджык. Ас вылын ковмас нунны и ранитчӧмъясӧс, коді оз вермы мунны ас кокӧн. «Ӧні ставыс ас вылын»,— думыштіс комбат, нывлӧмсӧ чужӧм вывсыс чышкаліг.

Тайӧ кадӧ фронтлы войвыв участкакын оборона кутысь немецкой дивизиялӧн штабын генерал погоньяса военной сулӧдіс ас водзас подполковник погоньясаӧс, стрӧгысь кӧритіс:

— Ті абу штабса начальник, а кага... Ичӧтик вежӧра кага,— тӧдчӧдіс генерал.— Мыйла тиянлы сетлемаӧсь подполковниклысь чинсӧ! Ме ногӧн кӧ, коліс фельдфебельлысь... Уна вылӧ нин оберфельдфебельлысь... Батальон пырӧдчӧ мян тылӧ, и тэ нинӧм он вермы вӧчны...

— Ме асыводзсянныс тӧда налысь туйсӧ, генерал! И тӧда: выныс батальон гӧгӧр... Ме...

— Ме... ме!..— нерыштіс генерал.— Кывсӧ: лунвывсян матысмӧны ещӧ. Русскойяс дзескӧдӧны фронтлӧн быд участокын. Ми бӧрынтычам план серти, а ог пышій юр садь воштӧмӧн. Миянлы колӧны туйяс, мед армия вермис татысь петкӧдны ставсӧ, медбӧръя повозкаӧдз да медбӧръя мортӧдз... Кытчӧ мунӧ батальоныс? Кыті сійӧ лӧсьӧдчӧ петны миян туй вылӧ?..

— Господин генерал! Ми разӧдім батальонсӧ... Ӧдвакӧ найӧ вермасны мунны водзӧ...

Генерал раммыштіс, лӧньӧдіс гӧлӧссӧ.

— Эн воштӧй русскойясӧс тайӧ проклятой гӧраясас! Найӧ — пискӧсӧсь. Бӧрынтычан туй мед вӧлі воыса талун, аски и аскомьяс. Воис радиогамма: русской морякьяс чеччӧдӧмаӧсь десант Киркенес дорӧ. Тыдалӧ, русскойяс лӧсьӧдчӧны пырны карас тайӧ луньясӧ. Киркенес ӧні абу нин кар, а кирпич да из чуқӧр. Но миянлы тшӧктӧны ещӧ некымын лун кутны карӧс. Мӧдӧдлы ещӧ бомбардировщикъясӧс... Мӧдӧд разведчикъясӧс. И эсийӧ... лунвывсяса йывсыс стӧча тӧдмав. Ог жӧ ми вермӧ сідз видзӧдны, мед водзӧ топӧдісны миянӧс, орӧдалісны миянлысь туйяс.

— Кывза, генерал! Лоас вӧчӧма!..

И ЕЩӧ ӦТИ ВОЙ...

„Карельской фронтса войска октябрь 26 лунӧ наступайтисны водзӧ. Миян частьяс вуджӧны сопкаяс, нюръяс, петкӧдлӧны ыджыд героизм да мужество, венӧны став сӧкыдлуньясӧс“.

1

Батальон вылӧ бомбардировщикъяслӧн уськӧдчылігӧн разведчикьяс вӧліны ылынӧсь. Кывлісны взрывьясӧ, сувтыштісны здук кежлӧ. Окота вӧлі бергӧдчывны, тӧдмавны, мый вӧчисны лӧксӧ бомбаяс. Но буретш налӧн туй вылын паныдасис ӧти керка. Неыджыд нӧрыстор йылын шор бокин, мичаа краситӧма виж рӧмӧн, тайӧ керкаыс зэв лӧсяліс арся вӧрыслӧн сер-

пасыслы. Татшӧм керкаясыс паныдасылісны нин. Найӧ вӧліны тыртӧмӧсь.

Талӧн трубасыс петіс тшын. Қокныдык, муртса-муртса тӧдчыштіс. Муқӧд дырйи кӧ, Женя Лазарев кутіс висьтавлыны пӧрысь дед йылысь, коді пукалӧ керкаас пач вом дорын да куритӧ ыджыд каллянсӧ. Либӧ Карабут лӧсьӧдіс мойд мича ныв йылысь, коді виччысӧ сійӧс да ӧні сайласӧ ӧшинь занавес сайын...

— Главстаршина!— тшөктіс лейтенант Яша-грузинлы.— Босьтан Потаповос, Малыгинос, төдмалан, коді сәні тшынасьо. Виччысьо коддоскө, али колльодө... И бура төдмавтөг керкаас эн пыр. Ковмас кө, ми сетам отсөг...

Вөрыс сибөдчис дзик керка дорөдзис. Матыстчыны керка дінас абу сьөккід. Кустьяс сайсянь недыр видзөдыштисны керка бөрся. Сэтыс некод эз петав, өшинь дорө некод жө эз матыстчыв. Тшын муртса руалыштис.

— Пыра өтнам,— шуйс Яша, кор кадыс мөдіс кольны.— Дасьтөй гранатаяс... Гашкө, ковмас... Отинын видкө бокас сайөдчөй...

«Окуратнөя олөны!— думайтис Малыгин керка вылас видзөдід.— Вөрын, ас кежысь». Но ачыс эськө эз мөд тані овны — гажтөм эськө лон. Эз кужлы Малыгин думыштлыны, мый коркө волас татчөдз, адззылас мукөд йөзлысь оланіньяс. Вөр, гөраяс, сопкаяс. Овны да овны эськө татшөминад, а вот локтіс татчөдз война, вежис ставсө, бергөдіс мөдарө.

Яша виччысьөмөн кайис кильчө вылас, видліс өдзөссө. Эз вөссыс. Автомат приклад помнас зымнитіс өдзөсас. Сулалыштис мыйкө дыра. Некод эз шыась, воча эз пет ни. Пельпомнас йөткыштис өдзөссө, и сійө гурйив вөссис. Саявлі Яша керкаас недыр кежлө, бөр петіс, шеныштис кинас — локтөй пө.

Керкаас кухня да кык ыджыд жыр. Гөгөр сөстөм, быттө олысьясыс муртса на петөмаөсь. Кухня пызан вылысь Малыгин казяліс гөрд кисель. Дерт, көнкө турипувйысь. Кутшөм чөскыд, көнкө! Гортаас сэтшөма радейтліс турипувья кисельсө: көдзыд, юмов-шома. Здукөн эськө өні ректіс пызан вывсыс тасьтисө.

Пырисны пыді жырас. Сәні крөвать вылын, небыд эшкын улын, куйліс дзор юрсна пөрысь морт, виччысяна, полігтырья видзөдіс пырысьяс вылө. Чужөмыс косөдіник, нырыс кузь.

— Пышйисны гөраясө, коді вермис,— тэрмасьтөг висьтавліс старик, кор нин пырөдчисны сёрниө.

Вөлөмкө, старикыд сёрнитыштө и рочөн. Коркө вөлөма морякөн, вольвлөма Мурманскө и Архангельскө!— Менө со колтісны өтнамөс. Тэнө пө, пөрысь мортлос, оз вөрзөдны — өтарыс ни мөдарыс...

Керка пытшкөс сертиыс нин позис шуны: тані олө море вылын ветлывлысь морт. Стенын мича рөмьяса серпасьяс. И быдлаын море — лөнө, гыа, парусьяса карабьяс. Камод вылын посныдик суднояс жө, чачаяс кодьбөсь. Оти стенын өшаліс дерт жө судно вылысь вайөм круг. Пөрысь мортлөн ёс синьясыс сюся видзөдісны салдатыяс бөрся. Поліс, тыдалө: мыйкө вермасны зептавын. Сійө конниа лолыштис, кор эз збыльмы полөмыс.

Старик норасис немецьяс вылө. Сэтшөм пө культурнөй нацияөн лыддысис вөйдөр, а сэтшөм лөкөсь да сьөлөмтөмөсь вөлөмаөсь. Мыйта пө руда — никель да хром, черн татысь нуисны Германияд. Муніганыс и татчөс олысьясөс повзөдлісны — большевикьясыд пө ставнытө Сибирө мөдөдасны. Сійөн и дзөбсисны миян, мед немецьясыд аскөдныс эз нуны.

— Рад, мый вөтлад найөс... Пасибө тіяны,— сьөкыда сёрнитіс пөрысь мортыд. Бура кузь сёрнисьыд, тыдалө, мудзис нин.— А пачтө ломтыны вольвлөны... гөраын дзебяссьяс. Менам сәні и гөтыр — ассыс внукьясө видзө. Бөрьясысө немецьясыд волісны куймөн. Прөщай пө фатер, мед пө русьясыс тэнө ен видзас... А мый меным русьясыд? Лөкөсө налысь некор эг кывлыв, унаысь паньдасьлі... Мый менсым, пөрысь мортлысь, босьтан? А олөмыд... Сыкөд ме эг өтчыд прөщайтчыв. И ен ли кодкө мөд кызкө пыр видзліс...

Гашкө, эськө варовитісны на, но кылісны ылыса взрывьяс. Разведчикьяс видзөдлісны өта-мөд вылө. Быдөн гөгөрвоисны — бомбитөны батальонөс, колө тэрмасаны.

— Лөк юөрьяс, командир...— висьтавліс сійө Гордеевлы.— Эмөсь ранитчөмьяс...

— Мыйла сы дыра? Кутшөм тайө керка?— Яша вылө уськөдчис Гордеев.

Висьталісны старик йывсьыд, сыкөд сёрни йылысь.

— Код тодас сійөс!..— шеныштіс кинас Гордеев.— Ковмас бергөдчыны комбат дінө... Төдмавны, мый налөн вөчсьө.

Ставыс вөлөма сідзи, кызди висьталісны: батальонын эмөсь раненөйя. Ранитчөма радистка.

Малыгин видзөдліс Степан вылө.

— Ёна?

— Стөча висьтавы эз вермыны. Куйлө пө нөсилка вылын, сы дінын комбат, тшөктөма вайөдны старшина дінө сержантъясөс.

Кор Малыгин да Потапов матыстчыны куйлысь Лена дінө, сійө бытбөккө узис. Друг востьтис синьяссө, аддзис Степанөс да Симаөс.

— Ті? Ловъяось?— муртса кывмөнъя юаліс, көрыштліс парьяссө. Недыр чөв олыштис, пыдысянь лолыштис, шуис шөпнитөмөн моз:— А ме со... куйла... Ой!..

Леналөн чужөм серти позис гөгөрвоны, кутшөм сьөкыд сылы.

Потапов матыстчис, босьтис нывлысь көдзыд кисө.

— Нинөм, Ленусь... терпитешт... Ставыс лоө бур. Унаөн тай ранитчылөны,— кайтис Степан.

Бөр локтис комбат, пөсялөма, чужөм вывесьыс пөсьсө чышкалө.

— Нөсилкаяс дасьбөсь?— юаліс Васькинлысь.— Тэрмасьой!.. Дас минут мысти тани ми мед эгд вөдлөй... Бомбардировщикьясы өдйө бөр вермасны тани лоны... Фашистьясыд абу йөйөсь: казялісны кө, оз лэдчысьны бурөи...

«Эк, Лена, Лена!— шогаліс Малыгин.— Мыйла вөлі колө буретштэныд инмыны осколокыслы! Эз вермы бокытджык шутэвтыны, либө пуө зурасыны. Мед көть и меным эськө инмис. Гашкө, докторьяс киө кө веськалін?»

Недыр мысти батальон мөдөдчис водзө. Нөсилка вылын куйліс Лена. Мукөд ранитчөмьясыс мунісны ас кокөн: абу ёна ранитчөмаөсь.

Абу кокни вөртэйд нөсилкаяснад мунны. Малыгин да Потапов регыд пөсялісны. Абу и сьөкыд Лена, но сойясыд дубалөны. Шойчигөн

Васькин вөчис Леналы выль укол. Леналөн парьясыс лөзөсь, чужөм пасьятыс кыптис нывлөм. Кымын водзө, сымын сьөкыдджыка мөдіс лаваны.

Потапов шыөдчис комбат дінө. Висьталіс, неылын эм керка. Сэни өтка старик, позяс колыны Ленаөс. Нөсилка вылад сійө ёнджыка мучитчө.

— Кольны раненөйөс? Отнасө?— комбат видзөдліс Потапов вылө.— Фашистьясы кө сюрө?

Комбат босьтис юр вывесьыс пилоткасө, вылысь чышкыштис чужөм пасьятыс ва больяссө. Сэся, тыдалө, мыйкө вылө решитчис, шуис:

— Ладнө, нуөдө сэтчө... асланыд керкаө... Оти мортөс ме коля, ранитчөмбөс жө... Вичысьны кутас мянөс аски-аскомысь, отсөг сетыштас, ковмас кө...

Малыгин мунигчөжыс унаысь видзөдлывліс Степан вылө: синсө оз вештыв Лена вылысь, чөв олө. Сійө пыр татшөм: абу лишной кыввора. Уна он сёрнит сьөкөд. Малыгин төдіс: сьөлөмыс другыслөн доймана. Шөгтө кужө пытшас кутны, оз петкөдлы нинөмөн. Вермис кө өні мыйөнкө кокнөдны другыслы, Малыгин эськө нинөм эз жалит. Мед ставыс вөлі шөриа: шогыс и радлуныс. Воисны өтка керка дінө, пыртисны Ленаөс, водтөдісны первой жырас небыд диван вылө. Малыгин казліс: Лена востьтис синьяссө, видзөдліс гөгөр керка пытшкөссө. Синьясыс дрөгмуіны, шемөсмисны. Казяліс ас дінас сулалысь Степанөс.

— Көні ме... Степа? Кытчө вайөдид?.. татшөм гажаинас...— и ланьтис, бөр кунис синьяссө. Регыд бара востьтис:— Тани и кувны позьө...

— Оз ков кулөм йылысь сёрнитны, Лена.— Степан копыртчис Леналань, кыпөдіс чужөм вылас усьөм юрси пратьсө.— Овны на кутам, Лена! И гортө ставөн воам!.. Вот аддзылан!

— Одвакө, Степа!..— Леналөн синьясыс кутисны кодөскө корсьны.

— А Сима көні? Мыйкө ог аддзы...

— Тани, тани!..— Степан йөткыштис водзө Малыгинөс.

— Аттё кыкнанныды! — Мыйыс, Лена? — Эн эновтэй менё... Татшом мичаннё кувны вайд...

— Он, мися, кув, Лена! Овны на модам!..— горөдiс Степан, копыртчис нывлань. Малыгин казялис: пельпомъясис Степанлөн сыркъя-лисны.

— Син водзын гудырмыны мө-дiс... И дой некутшом некыс ог кыв... Быттё некутшом рана абу, а ачым кывта ва кузя...— кайтис надзөнник Лена.— Степа!.. Сима!.. Кыкнанныд окыштё менё... кыкнан-ныд... медбөръясыс...

— Малыгинё да Потаповёс лейтенант динё!— кылис өдзёс дорсянь. Потапов шеныштис кинас.

— Лёкөн эн казътылдой!..— кылис Леналыс бөръя шөпкөдөмсө Степа-н. Сэсся тушаыс Леналөн лигыш-муні, юрыс чатөртчис...

Малыгин видзөдiс, кызди Степан не аслас кодъ повзёом синъясөн бергөдчылiс да видзөдлiс сы вылө, кыкнан ки пыдөснас тупкис ассыс чужөмсө, уськөдчис өдзөслань. «Мый тэкөд?»— көсийс юавны сы-лыс Малыгин, но видзөдлiс диван вылын куйлыс Лена вылө, гөгөр-воис ставсө...

Потапов да Малыгин регыд сүө-дiсны ассыныс взводнысө.

— Ставсө бура вөчид?— юалис Гордеев.

— Бура,— вочавидзис Степан.— Гөрд звезда гу вылас крепитим... Гөрд сатин старикыд сетис... — Эн вунөдой тайё местасө,— лейтенантлөн гөлөсын кылис шога-лөм жө.— Көркө, гашкө, война бө-рын, воыны вермад, бурджыка лө-сьөдны гусө...

— Оз кө асланым гуяс дорө кут-ны воывны... либө вунөдасны ми-янылыс гуясыномсө,— көсийс шмо-нитыштны Карабут.

— Эскыны колө аслад ёртъя-лы!— шунс Гордеев.— Пыр эскы-ны! Ми эськө омөлик салдатъясөн лоим, вунөдiм кө ёртъясыномсө... Некор ог вунөдой!.. Воас и миянлы праздник — Победа лун. Сэки ми казътыштам найөс, кодъяс оз лоны

миянкөд орччөнөсь... Быть казътыш-там, Карабут!

Потаповлы да Малыгинлы вежө-раныс эз вермы пырны, мый налөн Лена сэсся некор нин оз ло орччөн, оз адззывны сылыс мича нюмсө. И дерт нин некор оз мунны өтлаын Сыктывкарса улчяяс кузя. Татшом дум шымыртiс кыкнаннысө, көть ас костаныс нинөм эз гаравлыны. Эз ковын кывъясыс, сиди гөгөрвоана.

— Гортас колө гижны, мамыслы юөртны,— шунс Потапов, кор найө колины кыкөн.— Ме ногөн, тэ ги-жаң, Сима...

— Мыйла ме?— другланьыс бер-гөдчис Малыгин.

— Тэнад — артмасджык... Ме ог вермы... Ачылд төдан...

— Места вылө воам да гижам... Кытчө тани письмөтө сетан? Зептад мөдас туплясыны. Да и эг бөсьт ме гижанъясөб. Коли, кор старшинайд лишной колуйтө чукөртiс. Нинөмла, мися, кыскавны вөръястi.

— Тэнад Ленаыслөн тэ ордын фотокарточка эм?— мыйкө дыра чөв муныштөм бөрын юалис Малы-гин.

— Кытысь!— шензыштiс Степан татшөм юалөм вылас.— Гортын эм... Отлаын тай ещө снимайтчы-лим... кунмөн...

— Менам сийө карточкаыс гор-тын эм жө,— ышловзис Сима.— Сьбрыс колөма бөсьтны.

— Документъясыс Леналөн, тө-дөмысь, комбат ордын лоины. Мес-та вылө воам, юалам. Гашкө и Ле-налөн аслас карточка эм. Ок, и скөр ме талун, Сима, фашистъяс вылад! Став скөрлунөс эськө на вылө, паныдаси кө! Мый эм выной!

2

Гөраяс костад шондидь рытгорув-над кадыс водз сайөдчө. Сопкаяс вылын пуяс йылө инмө на шондi югөрыс, кажитчө — сэни лун шөр на, а улын водз заводитө гудырмы-ны. Сэки и дукуыс вөрыдлөн мөд лоө: васөдджык, улис, матыса мо-рельс көрсө ёнджыка кылан.

Лунся лоөмторъясыс чинтiсны салдатъяслыс сийө кыпыдлунсө, кодi вөли асывводзнас на. Бур ещө,

ранитчөмъяс эз лоны унаоң. Вер-
мис лоны лёкджык.

Матысмьсь войыс, гашкө, лоас
бөрьяоң. Приказын шуома: туй вы-
лө петны аски асывводз. Радистка-
лөн кулөм бөрүн делөйс сьөктам-
мис. Гашкө Лихачов ачыс вермас
мыйкө вөчны: рациянад вөдитчыны
коркө велөдчыштліс. Но кор нин
медбөрьяысь матыстчыліс.

Капитан эз пов кыв кутөмысь.
Противниккөд быд паныдасьом
тшөктө корсьны виль решение, кы-
дзи и шахматын ворсігөң. Войнаыд
оз радейт шаблонтө. Лихачов тайөс
важөң гөгөрвоис. И кымын водзө
думайтис комбат, сымын ёнджыка
воис өти көсйөмө: мунны водзө.
Бөрынтчыны оз позы. Батальон-
льс могоё коліс пөртны олөмө. Да,
противник казяліс найөс. Но мунө-
ны кө делөясыс бура фронтлөн шөр
участокас, налөн өдвакө тырмас
кад да вын бурджыка видзөдлыны
флангыяс вылө. Колө лоны збой-
джыкөң.

Но и комбат эз вермы төдны, мый
найөс виччысьө, көть артмөм обста-
новкасө, кызди аслыс кажитчис,
донъяліс гөгөрбок.

Вөрүн рөмыд, лөнь. Мореладор-
сянь пөлыштлывльсь кокныдык
төв муртса-муртса вөрөдыштис
корья пуяслысь вожьяссө. Коді
вермас лоны батальонлөн туй вы-
лыи? Отка морт? Одвакө. Но Пота-
повлөн сюсь синьясыс казялісны
водзыс сэтшөмтор, коді тшөктис
сійөс сувтны, сусьджыка видзөд-
лыны.

Тайөс казяліс сы бөрся мунысь
Малыгин.

— Мый аддзин?— шөпнитөмөн
юалис, ланьтөдчис жө.

Матын некутшөм шы. Көнкө кылө
ылын-ылын мыйкө взорвитчис, бом-
ба ли снаряд. Код төдас, гашкө, бө-
рынтчигас противник взрываетө.
Сійө ниөм оз коль жугөдтөг, сот-
төг, весиг телеграфнөй да телефон-
нөй столбьяс.

— Би!— Степан шөпнитис мурт-
са кывмөн, индіс водзө.

Көть кызди зіліс аддзыны пуяс
костысь матысь ли ылысь, Малыгин
нинөм эз казая.

— Көни?— юалис.

— Эчаньын... би киньяс сямун-
лісны,— Степан кинас индіс пуяс
костөд водзө.— Эсійө ыджыд по-
жөм боктыс видзөд... Мөдар сопка
пөкатас.

На водзын вөр подыис лэччис го-
рув. Көнкө водзынджык төдчыштис
паныда сулалысь сопкалөн баныс.
Сэтшөм жө вөр сәні, лыска и корья.
Мый позис та ылнасяньыд сәтысь
аддзыны?

— Некутшөм би кинь ни би югөр
ог аддзы,— шуис Малыгин.— Ка-
житчыны тәныд мөдіс. Синтө шойч-
чөдышт... И кысь тәні бныслы? Ми-
янысь водзын некод оз вермы лоны.

Кыкнанныс сулалыштисны вөр-
зыввтөг. И со, бара. Би киньяс сям-
муніны вывлань, паныда сулалысь
сопка шөрын кымын. Сэтчөдз бура
ылын.

— Аддзылі!— радлыштис Степан
весиг.— Мый кутам вөчны?

— Медея войдөр командирлы
юөртны...

— Шытөг!.. Кань моз...— шуис
Потапов.

Недыр мысти локтісны лейтенант
да старшина. Буретш сәки вильысь
сявмуніны би киньяс.

Киньяс вөліны, а би югөр эз төд-
чы. Гашкө и гуранө бисө пестөма-
өсь. Либө сайөдөмаөсь мыйөнкө.
Асьныс өд найө кужлісны жө сідз-
сө вөчны. А кор вөрзөдасны би-
пурсө, киньясыс сяммунөны выв-
лань, и пыр жө кусөны. Найөс он
дзөб.

— Мухин, матыст йөзөс,— стар-
шиналы тшөктис Гордеев.— Ысты
комбат дінө мортөс, мед сәні лооны
дасьөн: водзын противник... Виччы-
сьөмөн ставсө, мед шыч ни рач эз
кыв. Ми заводитам матыстчыны
противниклань. Ог веськыда, кы-
тшовтам. Эмөсь кө сәні кодьяскө, и
абу зэв унаоң, уськөдчам мышсянь-
ныс...— лейтенант кывьяссө шуалис
дженъыда, быттьө асьсө дасьтис
виччысьтөмтор вылө.

Муртса төдчыны пуяслөн руд ву-
джөрьяс. Татшөм пемыднад вөрті
кыссыны сьөкыд, быд пу вож да
ув вермасны шы сетны, но развед-
чикьяслы абу первойысь.

Бура ыджыд кытш вөчисны, ву-
джисны мөд сопка вылө. Вөмөна-

лісны сылысь сiгбѳсѳ, заводiтiсны лѳчыны увланы. «Виччысьѳмѳн, виччысьѳмѳн»,— думсьы шуалiс Гордеев аслас салдатъяслы, и ачыс кысис кань моз. Кызь саяс морт, и некутшѳм шы. Збыльысь шыч ни рач. «Молодечья!»— ошкыштiс салдатъясѳс думсьыс жѳ Гордеев. Главстаршина Гогоберидзель да Лазаревлы тшѳктiс водзѳ муныштны, стѳчмѳдны, вермасны кѳ, противниклысь вынсѳ. Мый на водзын— фашистъяс, Гордеев казялiс нин. Артыштiс сiдз жѳ, мый зѳв унаѳн оз вермыны лоны. Но колѳ тѳдны стѳча.

Дасътiсны автоматъяс, гранатаяс. Ещѳ топыдджыка лякысисны му бердѳ. Ланьтѳдчисны, кутiсны лов шынысѳ. Отсалiсны разiпелн куйлысь изьяс. На сайын разведчикъяс эзджык тѳдчыны. Неуна шензьѳдыштiс: мыйла фрицъяс сѳтшѳм пельтѳмѳсь, оз виччысьны нинѳмысь. Тыдалѳ, вывтiджык ас выланы надѳйтѳны.

Виччысигад кадъс мунiс надзѳн. Лейтенант кыкысь кыпѳдлiс кiсѳ, син дорас, видзѳдлiс часi вылѳ. Вит минут... дас... Мый сы дыра Лазарев да Яша оз бергѳдчыны?

Ясыдмисны и налѳн вуджѳръяс. «Мый сѳнi?»— не сѳтшѳма гѳлѳсѳн, кыздн видзѳдласнас юалiс Гордеев.

— Морт кызь, стѳча лыддынысѳ эг вермѳ,— шѳпкѳдiс лейтенантлы Яша-грузин.— Гартѳчѳмаѳсь масхалатъясанис. Кодi пукалѳ, кодi куйлѳ. Лалгѳны ас ногнис мыйкѳ. Тыдалѳ, флягаяссьыны шнапсѳсѳ юыштѳмаѳсь, нинѳмысь оз виччысьны. Мышланьыс некутшѳм дозор...

— Бур!— балябѳжсѳ гыжйыштiс лейтенант.— Юр выланис чеччыштам.

Мортъс-мортѳ висъталiсны: пасъкѳдчыны ыджыдджык кытшѳ, лейтенантлѳн команда серти уськѳдчыны ѳтвылысь, восьтыны би автоматъясысь. Первойсѳ Гордеев думайтѳ вѳлi гранатаяс шыбитны, но ѳд граната взорвитчас нѳль-вит секунд мысти, и сѳки асыны оз вермыны кыпѳдчыны: осколокъясыс набѳз вермасны резыштны.

Сѳнъяс зѳвтчисны. Быдѳн кылiс

сьѳлѳмыслысь тiпиктѳмсѳ. Сьѳкыд кутны чуньястѳ: дрѳжжитѳны. Бытѳтѳ и войыс ыркыдмис друг, йирмѳг босьтѳ. Малыгин кылiс жѳ тайѳс ас пытшъсыс. Кыдзкѳ век тадзи артмѳ, кор сѳнъястѳ зѳвтѳма и тѳ дасътан асьтѳ уськѳдчыны били паныд. Малыгин кымыныс казявлiс: били да смертълы паныд уськѳдчытѳдз страшнѳ, а мыйѳн вуджин сiйѳ тшупѳдсѳ, ставыс вунѳ. Ас йивсьыд думайтны некор. Видзѳдлiс гѳгѳр, кѳйсiн адзыны Степанѳс. Сiйѳ матын эз тывав.

Кыздкѳ и синъясыд лоины сюсьджыкѳсь, велалiсны гудыр пемыдас. Ѳнi Малыгин ѳтарысь и мѳдарысь бура тѳдчѳдiс другъясыслысь мыгѳръясѳсѳ.

Ещѳ кысисны водзѳ. Кажитѳчѳ, фрицъяс дорѳдз позьѳ судзѳдчыны. Негораа гѳлчнтѳмныс налѳн лои матын. «Энлыв! Рѳгыд ми тiянлы...— ѳнджыка асьсѳ бурѳдѳм могысь думыштiс Малыгин, зiлис лѳнѳдны асьсѳ.— Ставыс лоѳ бур... Ог пов...» Кылiс, кыздн кияс шоналiс автоматъслѳн прикладыс.

Эз сѳмын Малыгин, быдѳн виччысисны колана здуксѳ. «Но!.. но!..— думсьыныс тѳрмѳдлiсны командирѳс.— Кад нин... Казяласны кѳ мянѳс, лѳк лоѳ...»

Друг лейтенант сувтiс, горѳдiс:

— Огонь!..— и первойѳн сярѳбтiс автоматъсыс. Сы бѳрся котѳртиг, водзын рудѳдысь мыгѳръяслань дженъдик ѳчерѳдыс заводитiсны лѳдзавны ставѳн.

— Подундра!.. За мной!..— горѳдiс ещѳ Гордеев.

Ставыс гудыртчис ѳтѳсрѳ. Шѳйѳвошины фрицъяс, сѳтшѳм, тыдалѳ, налы лои тайѳ виччысьтѳмѳн. Кодкѳ гѳгѳрвоис чужйыны бипурйѳ. Гѳлѳвняяс, била визъ здук кѳжлѳ вѳчлѳмѳн, базалiны неылѳ. Кажитѳчѳ, друг пемдылiс, но синьяс бѳр тѳдчѳдiсны пуясѳсѳ, йѳзѳс.

— Рус... рус... майн гот!..— кылѳ горѳдiс кодкѳ бипур дорын, кватитiс автоматѳсѳ, но разведчикъяслѳн пуля сѳк жѳ водтѳдiс сiйсѳ.

Кодсюрѳ заводитlсны сувтны, кодсюрѳ лѳптiсны княсѳсѳ. Кодкѳ ружтiс муртса чусалысь бипур дорын. Ѳти фриц век жѳ лѳдзис авто-

матысь очередь, сэся мѳд. Кузя, патронъясѳ жалитѳг. А кодкѳ повзѳмысла лыйлис вьвлань, съѳд енѳжас.

Малыгин казялис, кызди ѳти фриц шарѳдѳ-корсис кузь кияснас гѳгѳрсьыс автоматсѳ, эз адзвы нинѳм кималаснад да кыскис бокас ѳшалысь пуртсѳ пуртѳссьыс, ырыштчис Малыгин вылѳ. Дерт, кѳнкѳ, ачыс эз гѳгѳрво, мый вѳчсѳ сы гѳгѳрын.

Малыгинлы думайтны вѳли некѳр. Шуйга кинас кѳйсис кватитны фрицѳ килутшѳдыс, вештны морѳс вельтсѳыс кинжалсѳ, но кабырыс кыздкѳ вильскѳбтис, и кабыр улас лѳи кинжал воропыс. Чукѳртис вынзѳбсѳсѳ, велькыд кинас автомат прикладнас швачкис-вартис вынысь прѳтивниклы велькыда ныр-вомас, чужийс кок вож костас. Мѳдис чатѳрмунѳ, разис кабырсѳ, кусынтчис, кутчысис кынѳмас, лѳдзис юрсѳ, быттѳ дасѳтис баябѳжсѳ Малыгинлы. Сѳтчѳ, баябѳжас, и кучкис мый вынсьыс приклад помнас Малыгин. Эз кучкыс весиг, а, став лѳклунсѳ чукѳртѳмѳн, йѳткыштис вынсьыс. Мѳдыс зургысис нырнас муѳ, Малыгин кок улѳ.

Кызди и пыр овлѳ война вылад, вичысьѳтѳм уськѳдчѳмьд кокнѳѳдис разведчикъяслы: гѳгѳр тупласисны шѳйяс. Прамѳй водзсасѳм фрицъяслѳн эз и вѳв. Но сѳки сопка горувсянь кылисны автоматъяслѳн ѳчердьяс, пуляяс жунькнитисны юръяс вельтѳ. Разведчикъяс эз тѳдны сопка горулыс сулалысь секрет йылысь.

Гордеев медся водз уськѳдчис сылань. Кыкѳн-куимѳн вѳтчисны командир бѳрся. Сыланѳ жѳ котѳртис Пѳтапов.

Малыгин первойс кокниа лольшѳтис. ѳти кинас автомат, мѳдас немецкѳй кинжал, сийѳ сулалис бокач кодъ, и друг кылис: шуйга ки пыдѳсчыс заводитис зѳлитны, а сэся и ѳнтыштис. Кѳйсис шыбитны кинжалсѳ, но казялис: чабыртѳм кулаксьыс чуныяс костѳдыс пычкысѳ вѳр. «Кытысь вѳрыс?»— повзискодъ. Разис кабырсѳ, кинжалыд усн, а ки пыдѳс тырыс вѳр. «Мыйла вѳрыс ки пыдѳс вылын?»— пыр на шензис Малыгин. Гѳгѳрвоис: ѳсь кинжал

дорышыл вундалѳма ки пыдѳсчѳ. Дѳй эз кыч, сѳмын зѳлитис ки пыдѳс пасьтачн яйыс.

— Сержант, мый тѳкѳд?— казялис ки вылас видѳдысь Малыгинѳс Карабут. Сийѳ сѳкыда лолалис, пошкитис быттѳ. Кѳтѳртигад век жѳ казялис Малыгинѳс.— Кынд ранитчис?.. Ми сийѳс здукѳн кѳрталам... Вот адзылан... здукѳн... Кѳни пакетыд?

Малыгин зептысь Карабут кыскис индивидуальнѳй пакетсѳ, пиньнас курччис гѳрѳдсѳ, тѳрыба гартис Малыгинлысь кѳсѳ.

— Нинѳм... Яйсѳ сѳмын вундѳма, лысѳ абу вѳрзѳѳдѳма,— кѳрталѳгмызис кайтис Карабут.— Ки пыдѳсчыд абу на юрьд!.. Свадьбаѳдзыд бурдас... Бѳр важ кодчыс лѳѳ... А лѳсыда ми найѳс, сержант!.. Очмунны эз удитны! Кужѳ мян лейтенантыд татшѳмторъястѳ! Раз, два, и — капут фрицъяслы... Кымынѳн со куйлѳны! Нинѳм! Мый корсисны, сийѳс и аддзисны...

Сѳки и увтасладорын лѳнис. ѳни быттѳ тайѳ нимтѳм сопка бокас эз и вѳв здук сайын на кыптывлѳм ѳсь тышыс. Кодкѳ бѳр чукѳртис разѳдалѳм гѳлѳвнясчѳ бипурѳ. Матѳгѳгѳрын югдыштис.

Увланын кылисны гѳлѳсчяс, югыд вылѳ петисны разведчикъяс. Медся водзын лейтенант, куш юра, бушлат кизьясчѳ разѳѳма. Сы бѳрся не сѳмын разведчикъяс, но, тыдалѳ, тшѳтш и батальонысь салдатъяс. Сы мындаѳн сыланѳ эз котѳртлыны. «Тыдалѳ, ѳтѳг вылѳ воисны, лыйсьѳмтѳ кылисны да»,— думыштис Малыгин, локтысьяс пѳвстысь кѳйсис аддзыны Степанѳс. Пѳтапов эз тыдав.

— Татчѳ... татчѳ пунктѳ,— шуис лейтенант да индѳс бипур дорлань. ѳдѳджык корсѳѳй старшина Васькинѳс!

Сѳки Малыгин аддзис: Кошелев, полкса командирлѳн ординарецъяс, кодѳ тѳрыт на вѳнс налѳн взводѳ, мыш вылас кыскѳ мортѳс, киясчѳ сылысь сылы вылас кутѳмѳн.

Малыгинлѳн сѳѳлѳмыс ѳкмунѳ, быттѳ пуртѳн сутшкисны. Став тущаыс ѳзйыштлис биѳн. «ѳз вермы лѳны!»— повзис ачыс, и кылис, кы-

дзи сырмыны мөдiс тушаыс.

Кошелев пуктiс мышвывсыыс сьб-кыд грузсö му вылö. Малыгинöс кокъясыс асьныс нуисны сыланö, видзöдлiс куйлыс морт вылö. Тöдiс Степанöс. Парьяссö топöдöма, синьясыс куньса.

— Ранитчис?— юалiс Кошелев-лысь.

— Ранитчис кö эськö сöмын...— шуис Кошелев, пидзöс вылас лэдчыис куйлыс дiнö, кутiс развны сылыс голяува кизьяссö.— Автоматнöй öчередьöн морöсас... Ме адзылi. Сержант котöртiгмозыс казялiс: öти гад кутiс веськöдны автоматö лейтенант вылö. Сержант уськöдчис, сувтiс лейтенант водзö, ас морöснас сайöдiс сийöс.

Кошелев дiнын сулалысь Яша-грузин, кодлысь öнöдз на некод эз адзвыс синва, чышкалiс синьяссö.

Матыстчис Гордеев, пидзöс вылас жö сувтiс, суйис кисö Потаповлы гимнастерка улас, морöс дiнас. Регыд бөр кыкис, видзöдлiс гөгөр.

— Сёр, другья!— кыпöдiс юрöс командир.— Пасибö, сержант Потапов! Тэ вöлiн бур салдатöн. И вöчин медся ыджыд подвиг салдатлысь: аслад олöм донöн видзин командирöс. Но ми сетам клятва тэнад шой дорын: ставсыыс босьтам водзöс!

Лейтенант сувтiс, синнас корсис старшинаöс.

— Мухин!.. Кодйö гу ыджыд-джык из бокö... Изсö быгыльтам гу вылас. Памятник лоö...

3

Вой улö некодарö эз вөрзыны. Ичöтик бой быттöкö вöлi, а ковмис унатор йылысь думыштны. Кытчö мунан войнад? Быть виччысь асыя лöзсö.

Комбат чукöртiс командирьясöс. Стöчмöдiсны: батальоннын нель раненöй салдат, сержант Малыгин— витöд. Таыс кындзи, вит раненöй немец, öти куйлö, оз вермы мунны. Да ещö Кузь Отго, кодöс босьтiсны луннас аэродром вылын.

— Мый кутам вöчны?— юалiс комбат офицерьяслысь.— Рация мян эм, командованиекöд йитчыны

гашкö вермам. Индöм местаын мянны колö лоны аски. Ранитчöм пленнöйяс висьталiсны: тайö сопка бокас найö воисны рытгоровнас. Противник тöдö: налөн тылö пырöдчö кутшöмкö воинскöй часть. Тайö взводыслы и сувтöдöма вöли мог— стöчмöдны, кодарö мунöны, ыджыдö вынныс. Көсийм пö босьтны öти пленнöйöс. Войыс суйма да узьмöдчöмаёсь сопка бокас. Мöд луннас көсиймаёсь водзö нуöдны разведка... Киркенес пö противниклөн кыын на... Сэни полöны матросьяслөн десантысь. Пленнöйяслөн висьталöмыс лöсялö мян даннöйяслы. Юалöны: мый кутам вöчны накөд. Полöны лыйлöмыс. Дерт, лыйлыны оз позь. Но и вöдитны аскöд— сьб-кыд... Мян водзын сувтöдöм мог некод эз веж. Мянны колö мунны водзö. Оборона кутны вермам бура дыр. Сэсяя öд бригада воас. Öдвакö противник мянны паныд вермас ыстыны ыджыд вын. А гöраястi наступайтны ичöt вынөн нинöм и думайтны. Фашистьясыд эз на вунöдны, кызди кунм во сайын егерскöй дивизияяс, кодьясöс велöдöма вöли гöраясын наступайтны, штурмуйтiсны мяннылысь пограничникьясöс. Лёка этша и муисны. Менам решение татшöм: раненöйясöс мөдöдны асланым локтан туйöд, а батальон мунас водзö. Колльöдны сетам витквйт салдатöс, сэсяя асьныс фрищьясыс отсаласны, кодi вермас. Старшöйөн индам сержант Малыгинöс. Сийö ранаа жö, но шуйга кяс. Огчайт, мый налы автоматьяс ковмыласны... Ме надейтча Малыгин вылö. Сийö петкөдас йöзсö...

— Öдвакö Малыгин талы лоö рад,— шуис Гордеев.

— Мыйла?— капитан видзöдлiс лейтенант вылö.— Ки пöвнас сийö оз жö вермы воуйтны...

— Ранитчöм немецыс, кодöс ковмас нуны нöсилка вылын, виис Потаповöс, сержантлысь другсö... Малыгин тöдö тайöс...

— Нинöм он вöч, Гордеев!— кияссö паськöдлiс комбат.— Колö! Малыгин вылö ме надейтча.

Эз ранаыс дойд Малыгиннылысь сьблöмсö. Ки пыдöсыд мый! Висьыштас да бурдас, кызди шуис

Карабут. Дерт, ки пöвнад абу разведчик. Старшина Васькин кисö көрталгөн шуис: лун-мөд мысти көртөдсө позяс разны. Но, ки пöвнад мый вöчан?

Сбөлөм вылас Малыгинлы медся сьбөкд сысысь, мый öти суткиөн, төрыт да колбөм войн, воштис кык медматысса мортöс. Салдатыд оз вермы төдны, кор войнаыд олөмсө сылысь босьтас. Сы кежлө салдатыд мед пыр вöли дасы, быд здукын. И эз нин öтижө воштывлы налөн взвод. И век жö тайö кык мортис медся жалбсь. Вежöрыс эз көсий гөгөрвоны, мый сөся оз нин адзыв Степанöс ни Ленаöс. И усины кө найö кытөнкө ылын, а эз аслас син водзын, гашкө, и эз сулавны быд здукын сы водзын...

Казьтыштис Малыгин, кызди Степан луннас на шуис: «Ок, и скөр ме талун фашистьяс вылад, Сима!» Тайö скөрлуннас сийö уськөдчис фашистьяслы паныд, эз жалит асьсө. Фашистьяс пиысь некод эз пышый, унджыкыс колины тайö сопка бокас. Сидзи и колö! Мед эз ышмыны асланыс фюрерлөн кывьясысь. И некор да некод оз волы налөн гу дорö. А вот сылы, Серафим Малыгинлы, война бöрын коркө эськө быть колле волыны татчö, аслас ёртьяслөн гу дорö. Дерт, ачыс кө, Степан да Лена моз, оз мөд куйлыны татшөм жö гуын. Но та йылысь бурджык не думайтны. И век жö, көть мед кызди лоö водзö, Малыгин эськө көсийсн быть волыны коркө аслас другыслөн гу динö. Найö öд и асьныс сетисны кыв öта-мөднысла.

Быдтор виччысис Малыгин, но сөмын эз тайöс. Комбат динö корөм бöрын сийö эз на куж думыштны, мый сийöс тшөктасны. Колö жö: петкөдны ранейясөс, тшөтш и фашистьясöс! Тыдалö, бөрьясыс ради тайö ёнджыка и вöчсьö. Öти на пöвстысь Степанöс виысь. Малыгин төдö сийöс: рыжой, быялөм наян синьяса. Куйлө му вылын, тиралö полөмысла. И мырдысөн нумъялö, мед сөмын петкөдлыны: көть мый вöчасны ськөд, а оз пов, веськодь. Сийö и Кузь Оттокөд эз мөд сёрнитны, кор сийö локтис куйлысь динö да мөдис мыйкө висьтавын. Мөдарö

бергөдчис Оттоысь, оз пö көсий кывзыны предательсöс. Тайö вöли фашист, сылөн пытшкөсыс тыдалис наян синьясас, быд видзөдласын. И татшөм фашистсö ковмас нуны салдатьяслы асланыс пельпомьяс вылын. Мед фрицьясыс асьныс нуны, а сийö, сержант Малыгин, комсомолец, некор тайöс оз вöч! Тайö фашистыс виис Степанöс, и таысь сийö мыжа Малыгин водзын.

Малыгин локтис аслас взводö, некодлы нинөм эз шу, кутис лөсьөдчыны мунны.

— Но?— виччысяна юалис командир.— Мунан? Ме абу мыжа: комбат ачыс индис тэнö.

Малыгин сывьялис нопторсö, плавгис вылас плащ-палаткасö.

— Позяс мунны, командир?— бергөдчис Гордеевлань.— Аслам инвалиднöй командаö...

— Став бурсö, сержант!— командир кыскыштис Малыгинöс ас динас, топöдыштлис морөс бердас.— Бурдан да корсь мянөс! Кутам виччысыны.

Ёртьясыс колльөдисны Малыгинöс бура ылөдз.

Малыгин адзис: батальон лөсьөдчис петны туйö. А сылы ковмас мунны мөдарö, таявны бөр сийö туйсö, кытис локтисны татчөдз.

Суөдис Карабут, шуис:

— Тэ накөд скөрджыка! Торья нин эсийö рыжойьскөд...

Малыгин нинөм эз шу. Сывйыштлис Карабутöс пельпомөдыс, йөткыштис динсыс. Другьясысь торийөдчыны век жö жаль, та вöсна и майшасис ёнджыкасö Малыгин. Кор на ещö вылысь адзысысны. Велалис, и öни быттö торийөдчис аслас семья динысь.

Кежалис Степанлөн гу динö, сулалыштис. Кытшовтис синнас гөгөрн сулалысь гирысь пожомьясö. «Жаль, Леналөн да Степанлөн костныс лон ыджыд,— воис юрас мөвп.— Орчөн кө эськө... Эн дивит менö, Степан... Тайöс вöчны ме некыз эг вермы».

И другыслөн гу дорын сулалигөн Малыгинлы воис дум: сылөн аслас олөмын тайö кык-куим луныс да ещö öти войыс лоины выль тшупөдөн. Гөгөрвоис: сылы öни ковмас

тышкасьны фашистыяскөд кык пыдди. Ас пыдди дай Степан пыдди. «Эн на чайтöй, мый кыян рана вöс на дыр кезлö петі стройысь»,— Малыгин быттö өнi сёрнитiс рыжöй фашистыяскөд.

Рыжöй пленнöй куйлiс нöсилка вылын. Сы дiнын сулалiсны мукöд. Кодлөн юрыс көртöдa, кодлөн кыис. Бокинджык öтчукöрын сулалiсны батальонысь локтысь салдатъяс. Малыгин лыддис квайтöс. Накöд орччөн Отто — медья кузь тушанас, юр вылö мукöдсыс вылынджык. «Прамöй инвалиднöй команда!»— донъялис Малыгин.

— Шуда туй тiяны, Малыгин!— шуис комбат.— Виччысьбöмөн мунöй. Мед и пленнöйясыс, кодi вермас, öтсаласын. Эн стрöгав вывтi, век жö раненöйяс... И автоматъясныд мед вöлiны пыр дасьöсь. Код на тöдас, мый вермас лоны туй вылад...

Шондi эз на кыпав сопкаяс саяйысь, но югдiс нин дзикöдз. Тöрыгыя моз жö шонуд. Вөр подьяны öвтыштлiс улис турун көрөн. «Арся вөрлөн дук,— думыштiс Малыгин.— Дзик жö мян вөръясын моз».

Тайö асылыс Малыгинлы, пöжалуй, лон сьöкыдджык воддза асывьяс сerti. Нöсилкасö босьтлiсны первойсö кыкөн — юрладоряныс да бöрсяныс. Малыгин öдiй казялис: кыкөн нуны сьöкыд. Ковмис содтыны ещö кыкöс: кыкөн водзын, кыкөн — бöрын, нöсилкасö пельпомъяс вылö лэптöмөн. Нель пленнöй босьтiсны и рыжöйлысь ранецсö. И сiйö, мый найö эз эновтны куйлысьлысь ранецсö, сьöлөм вылас воис Малыгинлы: мед и врагъяс, но — салдатъяс моз вöчöны.

Километр кык мунöм бöрын нöсилка нуысьяс заводитiсны видзöдывлыны бөрвын, чатрасьны, дзоръяны гөгөр.

Кык шойчöм кост бöрын Малыгин шуис батальонысь воём салдатлы, кодi öнi, автоматсö водзö чургöдöмөн, васьлалiс орччөн:

— Гусев! Ковмас и мян йöзлы отсыштны, сувтлыны нöсилка улас.

Малыгин гусьöник кыйöдыштiс, кызди Гусев гөгөрвоас сылысь кывъяссö. Тайö кузь усыяса салда-

тыс сьöлөм вылас воис Малыгинлы аслас рамник синъясөн, весиг и сiйөн, кызди сьлөн видзöдласын петкөдчылис раненöйясöс жалитöм кодь мыйкö.

— Тадзитö ми вывтi надзөн мöдам мунны. Колiс эськö рытöдзыс петны туй вылö...

— Ме — мый?.. — командир вылö видзöдлiс Гусев.— Но мян тай сёрнитöны вöлi — огö пö мөдö ас вылын кыскыны фашистыястö. Кызди öд мукöд, сержант...

Малыгин пыр ошкана видзöдывлис Гусев арлыда салдатъяс вылö. Найö и бой дырнi лабутнöйöсь, оз шыблассыны öтарö-мөдарö, томъяджык моз, и оз лишнöй збоявны, кужöны видзчысьны пуляысь и осколокысь. Öнi Гусев ськөд сёрнитiс лабутнöя жö. «Кызди öд мукöд... Ковмас, сiдзкö, сёрнитлыны и мукöдкөд, нинөм он вöч,— шуис асылыс Малыгин.— Ме көть мөд...»

Думсö помөдз вайöдны Малыгин эз вевъяв; кодарланьынкö матынкын кыли самолёт шы. Тайö лон нөти виччысьтөм быдөнны. Надмөдiсны васьковсö нöсилка нуысьяс. Сувтыштлiсны. Видзöдлiсны бөрвын.

— Хороборкин! — горөдiс Малыгин неылын васьлалысь том салдатлы. Сiйöс öнтай Малыгин казялис медья водз: ыджыд тушаа, пельпомъясыс паськыдöсь, көть и ныр улас гөнтөр на эз тöдчы.— Котört водзö, кезжөд вöраджыкинö...

Сьöкыд вöлi шуны, мый думыштiсны пленнöйяс самолётлысь шысö кылөм бöрын. Чужөм вывсьыныс нинөм эз позь лыддыны. Петкөдлыны радлун, дерт, эз вермыны: код на ещö тöдас, кутшөм самолёт.

Ещö на лэбисны на вьсеттi самолётъяс. Матысаджыкъясылысь бордъяс вывсьыныс казялисны гөрд звездаяс. «Мунöй, мунöй водзö! — думсыс шуалис Малыгин, вывлань видзөдiг.— Тiянöс сэнi виччысьöны».

Дум вылас воисны аслас другъяссыс, батальоныс, кодi сылы лон рөднөйөн жö: сьлөн радын васьлалiс Лена. И ещö думайтiс Малыгин сы йылысь, мед эськö батальоныс бура пöртiс асысь могсö, мед сылы отсөг вылö воис бригада, кодi сэт-

чѳ жѳ пискѳдчѳ сопкаяс вомѳн от-
сѳг вылѳ.

Малыгин кывлывліс: насянь лун-
вылын эм бригада, кѳні воуйтѳны
и уна комия — кѳр видзясся.
И кѳръяс пѳ сѳні уна, войвыв тун-
драысь вайѳм кѳръяс. Онѳ сопкаяс
вомѳныд ѳдвакѳ кѳръяс вылад лок-
тѳны, и век жѳ сѳлѳм вылас вѳлі
рад, мый и сѳні эмѳсь уна сы код-
дѳм салдатъяс, кодъяс тайѳ зду-
кас гашкѳ тѳрмасѳны отсѳг вылѳ.
А гашкѳ и воисны нин, тышѳ пы-
рисны пышйысь фрицъяскѳд. Со
тай самолѳтъясые сылань лѳбзьѳ-
ны. Оз жѳ весь лѳбзьыны, оз весь-
шѳрѳ. Война вылын немтор сѳдз оз
вѳчсы. И салдатъяс оз прѳстѳ сет-
ны олѳмнысѳ ассыныс, а вѳрѳгъяс-
лы паныд тышын. Сѳтшѳм вѳрѳгъ-
ясы паныд, кодъяс сѳд кымѳрѳн
волѳсны миян мича му вылѳ.

И кымын водзѳ, сымын ѳнджыка
кокнямис сѳлѳм вылас Малыгин-
лѳн. Сѳйѳ и ачыс нин сувтліс нѳсил-
ка помѳ. Казяліс кызди небзисны
синъясыс рыжѳй пленнѳйлѳн. Ма-
лыгин аддзис, кызди рыжѳйыд ачыс
шыасис Кузь Отто дѳнѳ, шунс кыв-
мѳд, и мѳдыс вочавидзис сылы.
«Тѳдны зсыкѳ, мый йылысь найѳ
сѳрнитѳны», — вѳнс дум аслыс.

Сувтлісны недыр кѳжлѳ шѳйч-
чыштны. Нуръясыштѳсны, кодлѳн
мый вѳлі, и бара водзѳ.

Сѳрѳн рытнас, кор сопкаяс весь-
тѳ бара лѳчис пемыд вой, Малы-
гин неылысь шуйгавылысь кылѳс
машинасылысь шы. Сыланьын юг-
нитлісны бияс.

— Кылан, командир? — шыасис
Гусев.

— Кыла и аддза! — вочавидзис
Малыгин.

— Воим, тыдалѳ!.. Ок, и мудзи! —
радліс Хороборкин.

Бѳръя здукъясыс и збылысь вѳ-
ліны сѳкыдѳсь. Сюри тырмымѳн
быдѳнны: ранитчѳмъясы и сал-
датъясы, пленнѳйясы и нѳсилка
вылын куйлысь рыжѳйлы. Сылы эз
жѳ вѳв кокниджык мукѳдъяс серти.

А туй кузя мунѳсны уна машина-
яс. И мый медся ѳна шензьѳдѳс Ма-
лыгинѳс, машинаяс мунѳсны ѳтѳм
бнясѳн. Бытѳь войнаыс помасѳма
нин...

Куим лун коли сѳйѳ кадсяныс,
кызди Малыгин локтѳс санбатысь
другъясыс дѳнѳ. Куим сѳкыд лун,
и ѳти сѳкыд вой. Радыс и шогыс
вѳлі тайѳ дженьыдик каднас. Но эз
ѳмѳй татшѳм жѳ сѳкыд лунъяс
кольны бѳрѳ некымын тысяча кило-
метр кузъта фронт вылын? Но ста-
выс вѳчсис ѳти могысь: мед воис
Победа лун!

Г ө с т ь к ö д

Ми гөстькөд видзөдiм концерт;
 Гид пыдди талун вöлi сылы,
 Öд мортыс локтiс ылысь-ылысь,
 Гавайскöй шоныд дiяс вылысь;
 Мый сцена вылас, эз тöд, дерт,
 А сэнi — чужан мулөн эрд.

Гөсть юасö — зэв сибыд, рам:
 — Кытш шöрас кодкö сэтшöм мича?!
 Ме пöся-пöся вочавидза:
 — Сэн миян эзысь именнича!
 Став татчöс йöзлөн муса мам,
 И олан гаж, и олан сям.

Семьяным ыджыд. Дас вит чой
 Мам гөгөр бергалöны кытшын.
 — А кутшöм чой сэн медся ыджыд?
 — Ме ног кö, удж вылын и тышын
 Дас витнан чойыс зiль да збой,
 Пыр дасьöсь мыркны — лун кöть вой.

Тэ любöй чой дiнö кöть пыр,
 Век осьса наланьö туй-ордым,
 Бур гөстьөн лоан тэ на ордын,
 Он казьяв, йöзын али гортын...
 Та бöрын гөстьöй шензис дыр.
 Дыр шензис ышлолалiгтыр.

Ы л ы с с а в о к л ы

Бöрса мойдöс кольла мойдтöг —
 Мöд тöжд сьөлöм пытшкын кута;
 Тэ кöть ылын, кыла дойтö:
 Дугдiс шыавны Неруда.
 Тэныд муртса сувтлiс асыв,
 Эз на во и лун шöр кадöдз,
 Пеж йöз, медлөк вөрөгъясыд
 Тэнö шыбитiсны адö.

Мыйон кылі съод-шоғ юөр,
Сэтшөмөдз ме майышмунлі:
Быттьо тшотш и Коми муод
Войыс оз лэдз мунны лунлы.
Пыр жө чукөстчис пөсь лолөй,
Лок пө океансө келам!
Тадзи миян му и олөм
Мездлун бисө пөльтө тэлань.

Көть и тэлань пөльтө вой төв,
Другсянь воом төв оз кынты.
Бурдөд ассьыд ыджыд дойтө,
Сэссия враглы водзөс мынты.
Сетчөм — тэд ни мем оз лөсяв,
Тэнад Чили тайөс төдө.
Төдө, мый ми важ моз пөся
Сывйын кутам өта-мөдөс.

Ой, муса мамөй, чужан муөй!

✓ Ой, муса мамөй, чужан муөй!
Ме пыштті ветлө тэнад вир,
Пыр сійө менам сөнын пуө,
Кор көнкө торксьывлө на мир.

Көть кодкө пиньсө век на лэчтө,
Но мирсө видзны тэ он мудз.
Оз, чарла-мөлөта венечтө
Пеж кинас чабыртны оз судз.

Кор вөлі ыджыд тышлөн биын,
Быд шуштөм здуко эски тэд.
И тэнад мелі синлы сии,
Мед некор синва сәсь оз пет.

Да! Мед жө эськө збыльмас кылөй,
Нэм кежлө аддзас мираин.
Мед нэм чөж тэа-меа вылө
Быд мусянь дзоргас друглөн син.

* * *

Ме мөдөс өні ог нин велөд,
Өд мөдыс новлөдлө жө юр:
Мед көритөмыс горш оз зэлөд,
Мед нинөм кыдъяыс оз сюр.

Но мөдыс локтас кө ме динө
Да корас кутшөмкө сөвет,

Ог вомав мортсö. Коланинö
Мый верма, сийöс сета, дерт.

А сэсса, сьöлöмыс кö бурмас,
Кызд кöсийис, сидз кö могмас мог,
Ме диньсь сэки кокнас-юрнас
Скөнъ бара пышгъяс öти шог.

Кöть эськö шогыс вöли мöдлөн,
А мöдыс ме кодъ жö öд морт.
Код мöдлысь шогсö ловсьыс вöтлö
Сы ордö лёкыс туй оз сёрт.

Ог чайт, мый мöвпыс тайö важмас
Да некор мывкыдö оз лок.
Ми пöтöсь-кодöсь олөм гажнас,
А шогыс абу миян вок.

Сьöлöм сьылöм

Абу прöстö бур мам йöлөн
Нурьясьлöма менам сьöлöм:
Кымын унджык олö-вылö,
Сымын унджыктор и кылö.


Весиг ыджыд муслун кылö,
Тöдö, мogyс тайö сьлөн.
Сидзи радейтö ас мусö —
Би оз сот ни ва оз кусöд!

Мортöс увтыртöм кö кылас,
Кывйыс сьлөн оз ло ньыла.
Кодыр буртор сюрö аслыс,
Зильö юкны мукöдъяслы.

Лёктор вылö шытöг горзö,
Ачыс кылö, кызди чорзö.
Мелiалö кö том нылöс,
Кылö, кызди ачыс сьлö.

Йöзлысь шог и гажлун кылö,
Быд лун на йылысь и сьылö.
Медбур сьыланкывйыс сьлөн
Мортлысь бурлун, сьöлöм сьылöм.

Тайö сьылансö ме кыла,
И тшöтш ськöд сьöлöм сьыла,
Медым мортлөн олөм-вылөм
Нэм чöж вöли сьöлöм сьылöм.



Валентин ГРИНЕР

Юрий Бронниковлөн кодзув

ОЧЕРК

Найö петисны Спасскõй башня улысь да сувтовкерисны. Курантъяс юрöба кучкалисны нель час. Заводитис рөмдыны. Декабрь төлысья Москва öзталис бияс.

— Подөн мунам гостиницаöдз?

— Дерт жö...

И найö ньöжйөнникөн мөдöдчисны Кремль стена пöлөнöд. Тэрмасны вöли некытчö. Сöмын на помалис уджсö СССР Верховной Советлөн сессия. Көкъямысöдысь чукöртчылöм Верховной Советлөн медбöрья, көкъямысöд сессия. Во джын мысти лобны выль бöрийсьöмьяс, мукöд депутатъяс воасны асланы медводдза сессия вылö, велавтöг пырасны Большой Кремлевской Дворецö и, дерт, первойтö, налөн коркöя моз жö, пондасны майшасьны да полыштны. Кыдз нö он полышт, кор тэкöд, рабочйкöд, орчөн öти пызан сайын пукалöны космонавтъяс да академикъяс, писательяс и министръяс, став мир пасьталаыс тöдса политической деятельяс и военачальникъяс...

Сэки, 1970 вося гожмö, тайö кыкöныс кызкö регыдөн и тöдмасисны öта-мөдныскöд мичаа пасьтасьöм уна йöза собрание вылын. Шахтöрыд тай пырысь-пыр и казялö ас кодыстö. Пинжакас знакъяс серти, а сэсья и чужöмас пасьяс серти. Көть тай кутшöма он видзчысь, а татшöм пасьясыс му пытшкын уджалигөн век нин кольöны чужöмад. Чиркнитас из шом ёкмыль либö резыштас сылөн чорыд зэрыс — нэмыд кежлö пас лоö. Пинжак вывсьыд шахтöрской знакъястö позьö чуктöдны да дзеблыны пызан йöрад, а чужöмсьыд пасьяссö некызди он босьт.

— Горняк?

— Горняк.

— Кытысь?

— Донбассысь. Комплексной бригадаөн веськöдла...— вочавидзис Григорий Иванович Моцак.— А тi?..

— Воркутаысь ме. Сэтшöм жö уджыс менам,— нюжöдис мöдыс чорыд кисö выль тöдсалы.— Юрий Петрович Бронников.

Тадзи найö лонсны ёртъясөн. Кыкнанныс найö веськалисны планово-бюджетной комиссияö, көни быд сессия водзвылын уджалисны төлысь чöжөн: кывзисны министръясылыс отчетъяс, юклисны средствояс народной овмöслөн юкөнъясö, дасьтисны Министръяслөн Советлы быд пöлöс вопросьяс кузя асьыныс предложенияс, веськыда юасисны государственной деятельяслысь, мыйла, шуам, мукöдлаас омöля тöждысьöны йöз вöсна,— абуось колана төварьяс. И тайö деятельясыслы ковмылис гөрдöдны,

найö кöйсыяслысны бырöдны сийö тырмытöм-торьяссö, кодьяссö индалысны бöрийсысыяс асланыс депутатьяслы, Советлы...

Онi ставыс тайö вöли бöрвылын нин. Колис сöмын во джын нуны правительствоса членлысь сьöктасö. Сэк костi колö висьтасыны бöрийсысыяс водзын удж йывсыс — мыйджык вöчöма нель во чöжөн, ёна-ö отсалöма йöзлы...

Историческöй музей дорын найö бара на сувтовкерисны, бергöдчылöмөн видзöдлысны Кремль вылö, сылөн звездаяс вылö, прожекторьясөн югдöдöм странаса главнöй флаг вылö.

— Кор со сэсся вылысьсö аддзысьлам-а? — ышловзбöмөн шуис Моцак.

— Гожöмнас, — падъявтöг кöйсысис Бронников. — Отпускö понда мунны ас колесаяс вылын и сэки быть пырала тэнад Ровенькиö. Став семьякодбөн гыпкысям-воам, матöвоаньд на миянөн.

— Ог матöвоий! — долыдмис Моцак. — Волöй сöмын-а...

Гостиницаö пыраныны найö виччысьтöг паныдасыны Комаровкöд — Кировскöй областьясь колхозса председателкöд. Национальностьяс Советын сийö тшöтш жö вöли планово-бюджетнöй комиссияс членөн да быд заседание вылын век нуöдис ассыс визь — корис средствояс, колана материалнöй ресурсьяс Россияса нечерноземнöй зона öдийджык да бурджыка сöвмöдöм вылö. Мудзлытöг эскöдлис сийö быдөнöс страналысь видз-му овмöс кыпöдöмын нечерноземнöй областьяслөн ыджыд позянлуныясин. Та дырйи кужöмөн вöдитчылис историческöй фактьясөн, ыстысьлис аслас овмöс кузя да ыджыдсыс-ыджыд Рытыв-Войвыв зона кузя босьтöм лыдпасьяс вылö.

Шахтёр Бронниковöс век шензвöдлис сиктса депутат Комаровлөн быд вопрос маштабнйа гöгөрвоан сямьс. Сы вылö видзöдöмөн и коми муысь депутат велöдчис мöвпавны паськыдджыка. Водзти, комиссияö веськавтöдз, матö аддзöмөн гöгөрволис сийö депутатлысь могьяссö. Воис тэ динö, шуам, бöрийсысысь, норасис шахтаса столövöйлөн шогмытöм удж вылö. Тани, дерт, колö пыр жö корсыны тырмытöмторьясыслысь помкаяссö да чуйдöдны колана войтырöс бырöдны найöс. Но позьö-ö Верховнöй Советса депутатлы ланьтöдчыны та вылын? Комаров эскöдис: оз, оз позь. Колö видзöдлыны пыдöджык, тöдмавны, абу-ö тайö öтувья нелючки. Мукöд столövöйяс вылö кö норасьöмьясыс абу, оз на позь шуны, мый налөн ставыс тыр-бур.

Тадз Юрий Петрович и вöчис öтчыл, кор планово-бюджетнöй комиссиялөн заседание вылын кывзисны из шом перьян промышленностьса министрстволысь горнякьяслы олан керкаяс стрöйтöм кузя отчёт. Общöй серпассö петкöдлыны сяммис сёрнитысыс, а кызди могмöдсöбны öтилаын либö мöдлаын из шом перйысыслөн корöмьясыс, министрöс вежысь тöдис вывти ылöсас. Но тайöс бура тöдис депутат Бронников. Сийö пыравлис уна керкад и казьявтöг эз ов, мый уна уджалысьлөн олан условиеясыс вывти сьöкыдöсь, но ачыс отсавны нинöмөн эз вермын. Абу депутатлөн сэтшöм позянлуныс, медым перйыны портфельсыс квартира ключ да нимкодясьöмөн сетны йöрмöм мортлы. Но депутатлөн эм право тшöктыны могмöдны татшöм колöмьяссö выли трибунасян.



Кор министрös вежысь помаліс ассыс докладсö, кыв босьтіс депутат Бронников:

— Быдöн тöдöны, кутшöм сьöкыд босьтны Войвывылысь озырлунъяс-сö. Шöр да Лунвыв климатическöй зонаясын уджалысьяслөн ёна вежласьöм кö вайдö зэв ыджыд воштöмъясö, то войвылын «текучкайд»— вескыд мат. Ме дінö шыöдчысь бöрйысьысьясысь öкмысдас нель процентыслөн корöмъясыс ыйтчöмны оланін бурмодан проблемакöд. Од ми, войвыв-саяс, унджык кадсö коллялам керкаын. Дугдывлытöм турöбъяса, кузь да кöдзыд төв оз ёнасö лэдз шойччыны ортсыын. Донбасса из шом перйысьяс кö вермöны ворены да мый да восьса веж площадкаяс вылын, пöкаживайтны паркъясын да скверъясын, купайтчыны юясын да тыясын, сёрнитны ёртъяскöд, лыддыны газетъяс либö тотшкöдчыны доминоөн палисадникъясын, то Воркутаса горнякъясы ставсö тайöс позьö вöчны сöмын шоньдйны, вевт улын. Лыддьö-ö Министерствo веськыдöн, кор юклö средствоясö оланінъяс да обществённой зданиеяс кыпöдöм вылö став из шом перьян бассейнъясы отмоса, налөн климатическöй аслыспöлöслун вылö видзöдтöг?

— Тайö абуджык сідз,— воча шуис министрös вежысь.— Войвыв районъясы ми ассигнуитам неуна унджык. Но тайö, дерт, тырмытöм на. — Артышты колö нöшта öтигор,— шуис депутат Бронников.— До-нецкöй да Ростовской областьяса из шом перьяннъясын зэв унаөн ас-ныс керкаясö лэптöны. Воркутаын жö ас керкаястö некод оз кыпöд, кооперативной строительство мян сідз жö абу. Чайта, министерствo босьтас ставсö тайöс тöд вылö да кутас бурджыка могмöдны войвывсаясысь кол-мөмъясö.

Мөвпьясыс тайö мörччисны, и планово-бюджетной комиссия шуис сетны «Воркутауголь» комбинатлы содтöд средствояс оланінъяс стрöитöм вылö. Унаыс кöты и эз вичмы, но вит-квайт содтöд керка вöлі кыпöдöма: куим тысяча морт вуджисны важ щитöвöй керкаясысь тыр-бур квартира-ясö.

Кор шахтёр Бронников лоис депутатöн, унаөн кутисны сы вылö ас-сыныс ыджыд надеяяс. Торья нин ас шахтаса и, дерт жö, аслас брига-даса уджалысьяс.

«Но, Юра, бöрйим ми тэнö — ставнымлы öнi судзясны квартираяс и машинаяс»,— зэв збылысь висьтавлісны ассыныс надеяясö сы шахтаса из шом перйысьяс. И öткымыннъяс, весиг матысса ёртъясыс дузmunісны, кор сійö шуис: «Ставыс лöб закон серти. Коми АССР-сянь Националь-ностьяс Сöветын сöмын дас öти депутат. А олысьыс республикаын — мил-лион. Сідзкö, пöшти сё тысяча бöрйысьысь менам пай вылö воö. А ме кута тöждысьны сöмын аслам бригадасаясы либö шахтасаясы квартира-яс да машинаяс понда. Бур-ö лöб тадзсö?».

Тайö веськыд кывъяссö сійö шуис падъявтöг, но кызди нö тöждысь-ны аслад став бöрйысьысьяс вöсна, а не лöсöдны авторитет куш сöмын матысса войтырлысь олөмсö бурмөдöмөн,— Бронников эз тöд. И таын сы-лы отсаліс планово-бюджетной комиссияса член, Кировскöй областьясь колхозöн веськöдлысь — депутат Комаров...

Шахтёр ёртъяссö аддзöм бöрын Комаров сэтшöма нимкодьмис, мый быттö янсöдчис накөд эз час сайын Большой Кремлёвскöй Дворецын, а, этша вылö, дзонь во сайын.

— Зонманойяс, бур и выльторьяс менам эмöсь!— öдöбөн заводигіс сійö.— Сöмын на сёрниті гырысь войтыркöд. ЦК-ын дасьтысьö нечерно-земной зона кузя постановление... Доза и буртор тайö!.. Мөдимöй ме ордö!

— Меным куим час мысти гортö мунны,— шуис Бронников часі вы-лö видзöдліг.— Колö лöсьöдчыны, ужнайтыштны.

— Ме ордын и ужнайтам,— эз сетчы Комаров, а сэсса кыкнаннысö сойбордйöдыс босьтöмөн кыскис лифтлань.

Сійö дасьтіс сёян-юан, восьтіс коньяк доз. Ставсö тайöс вöчис öдйö,

пелька, быттьо поліс, мый гостьясыс дѳзмасны виччысьнысѳ да мунасны ресторано, и сэки некодлы лоѳ висьтавны сійѳс, мый ѳні ѳзтѳ сьѳломсѳ.

— Целинаыд, дерт, колана,— румкаясѳ кисьталігмоз нуѳдіс сѳрни Комаров.— Но ѳд ки улын, Россия сьѳломын, куйлѳ му, кодѳ уна нам дорвыв вердіс йѳзсѳ и вичмѳдліс рубеж сайѳ мыйтакѳ вузавны. А ми, олѳмыслѳн кѳзыннѳяс, позвѳ шуны, эндѳдім сійѳс, быттьѳкѳ кутшѳмкѳ урѳс ыжѳс. Шуаннѳяд абу вына сьѳд му? Ладнѳ! Но ѳд оз быдлѳба лѳбач колѳксѳ лунвылын вай. Сюсь лѳбачѳяс войвылын пѳжсьѳны да быдтѳсьѳны.

— Но, заводитѳмѳй, зонѳяс!— лѳптѳс сійѳ асьѳыс румкасѳ да гумыльтѳдіс вомас.— А кутшѳм видзьѳяс воштѳм! Тырисны кустѳясѳн, а кѳнсюрѳ и вѳрѳн... Псковса, Новгородса, Ярославльса, Калининса, Ивановоса, Кировса, Брянскса... И нѳшта мыйта на область, муса ѳртѳясѳй менам!.. Во кызь сайын на ме гижлѳ та йылысь быдлаѳ — некод ѳз кывзы. Кукурузаѳн ставным ыдалѳм. Мытсавтѳдз жѳ меным лоис сійѳ кукурузаыс — ѳнѳдз кынѳмѳй висьѳ. Партияыс исключитѳсны...

Шахтѳрѳяс чуймѳмѳн видзѳдлісны председатель вылѳ, кодѳ другысьѳн уси мѳвпѳ, рудзальштѳскодѳ.

— Збыль али мый?— чуймис Бронников.

— Ылѳдчѳмысь.— Комаров бара кисьталіс румкаясѳ да сюся видзѳдліс кыкнан кывзысь вылас.— Гѳра-кѳдза водзын чукѳртѳны миянѳс районса совещание вылѳ, разнарядка сетѳны: кодлы мыйта да мый кѳдзны. Медунасѳ, дерт, сійѳс — «королеваѳс». А коляс муяс вылѳ сѳсся миянлысь нѳмѳѳйсясѳс. Ме пѳрысь салдат моз пыксьыны ѳг кут, шуи «кывзысья», а вѳчны думыштѳ ас ног. ѳд йѳзсѳ да скѳтсѳ вердны меным. Сетѳ ме гортын команда — кѳдзны кукурузатѳ туй пѳлѳныс кызь метр пасьта, аслыспѳлѳс «китайскѳй стена» лѳсьѳді силос вылѳ кѳдзѳм зѳрлы. Чайтѳ, «королеваыд» кыпѳдчас кѳтъ нин метрѳн-джыннѳнѳдз да сайѳдас гуся зѳртѳ. А сійѳ ѳшлы муртса гѳйѳдзис нюжаліс да и кутіс вижѳдны, косьмыны. ѳтчыд вѳлѳм муно сѳтѳ райкомса секретарь. Чеччас газиксьыд да и пырас кукурузаад асмогасьны. Но и аддзас менсьым асныралѳмтѳ...

Аскинас корѳны менѳ райкомѳ. Бюро вылѳ. Персоналка дась нин. Секретарь — доналѳм пач кодѳ. Горзѳ: «Судитны тѳнѳ колѳ, Комаров! Тѳ госуларствоѳ ылѳдлѳн. ѳчквиратель тѳ!..» А ме ѳг тѳрзыы, вочавидза: «Тѳ — ѳчквирательясыс. Асьныд асьнытѳ ылѳдланнѳй и мусѳ тшыкѳданнѳй. ѳз быдмыв и некор ѳз быдмы кукурузаыд миян муяс вылын. Шабдѳ колѳ кѳдзны, картупель пуктыны. Найѳ миян шѳр культураысыс. Навысь и ѳзыруныс лоѳ...». Но менѳ нимтѳсны рутинѳрѳн, колѳм мортѳн. И ѳтсѳгласѳн гѳлѳсуйтѳсны вѳтлыны партияысь.

Петѳ ме бюро бѳрти — вом пытшкѳсын кос, син водзын — гѳрд кыгтысья. Сьѳлѳмѳн кыла, мый ѳз вынсьѳдны налысь шубѳмсѳ. Но сѳровно шог вѳлі. Сѳтчѳ жѳ, ме дѳно матыстчѳ районса ѳти веськѳдлысь, бюроса член, другѳясѳн быттьѳкѳнѳсь вѳлім, шуѳ: «Мужикѳн вѳлін тѳ, Комаров, да сійѳн и колин — пыр визулысьы паныд сынан. ѳтша йѳг ѳкмис? Удждоныд воѳ, но и ов...» — «Спокойнѳя овны,— шуа, ѳг вермы. Кувны кута спокѳйнѳясѳ...» Да и нѳшта на кыв-мѳд सदтѳ!

Сійѳ кадсян ми сыкѳд ѳгѳ видазасьѳй. Дерт, партияд менѳ бѳр на босьтѳсны. Сѳсся со йѳзыс бѳрйисны менѳ Верховнѳй Сѳветѳ. Тыдалѳ, сысь, мый ѳг лѳдз «королеваѳтѳ» шабдѳ да картупель муяс вылѳ. Со тадзикѳн, горняк ѳртѳяс! Тѳян морѳсьясныд орденѳясѳн тырѳсь, а миян — лѳзьясѳн. Но ми ѳгѳ лѳвтѳй. Лоас партиялѳн постановление, сетасны миянды сьѳм, техника — и ми вѳчам нечерноземнѳй Россиятѳ бур йѳртѳдѳн. ѳтнасѳн сійѳ вермас вердны странанымѳс...

Комаров чѳв усис, думыштчис. Гашкѳ, серпасалис вежѳрас сійѳс, мый йылысь муртса на сѳтшѳм кыпыда сѳрнитѳс. И гашкѳ, дзугляис сы вѳсна, мый ѳз нин тырмы сылѳн кадыс ас вынѳн збыльмѳдны ставсѳ тайѳс. ѳд не ѳти во ковмас...

Вокзал дѳно Юрий Петрович локтѳс, кор унджык пассажирѳясыс ва-

гоньясын ас местаясын нин вoлiны. Зэв нин важoн сийo эз ветлы поезднад. Пыр сынoд туй бoрйылiс, кадсo видзис. Од комын кoкьямыс час чoж ковмас туплясьны полкаяс вылын, кoть эськo и поездыс скорoй, фирменнoй. Но кoнi нo сийo, лoз бoкьясаыс, кытчo вагон вoмoныс гырысь буква-ясoн гижoма «Северное сияние»?

Сизимoд номера вагон дорын сулалiс ичoтик тушаа том проводница, а сыкoд орчoн лoсьыд тэчаса нывбаба, форменнoй шынель соскас кык звездочка.

— Эг-o ме платформанас ылав?— юалiс Бронников видзаасьoм бoрын.— Меным «Северное сияние».

— А южнoйыс оз ков?— кывиoн ворсыштiс проводница.

— Оз, войвывсaco радейта.

— Ветлысис нин сылoн тiянлань...— кытчoкo бoкo видзoдoмoн вочавидзис проводница. Юрий Петрович нoшта на мыйкo кoсийс юавны, но вагонса ичoтик кoзьяйка лэчыда тшoктiс:

— Юинныд кo, энo больгoй тан. Оратор!— А кор Бронников шoйo-вошoмoн сувтовкерлiс тамбурын, нoшта на кылис:— Гoтырыд гортад гoн вольпасьтo вольсалас...

Ошинь сайын вуджoртiсны уна судта керкаяс, колисны бoрo кыпыд дачаяс, пассажирьяс вочасoн лoнисны, и Юрий Петрович юалiс проводницалысь, кутшoм купеын поездса начальник.

— Абу сэтшoмьясыс миян,— неокотапырысь чoвтiс ныв.— Эм бригадир. Со сылoн купеыс.— И сийo петкoдлiс орчча oдзoссo.

— Мый нo тiянoс жугыльмoдo?— небыда юалiс Бронников.— Скoрoсь, миса, да...

— А мый бурыссo Воркутаo тoлын ветлoмас? Отитор сoмын тoд: котрав грелкаoн лунтыр и войбыд, шонты туалетьяс. Тiянлы кажитчис эськo?

— Эз кo кажитчы, эг кут эськo уджавны. Мыйла нo асьтo пидзравны, кор позьo сьoлoм серти удж корсьны.

— Сьoлoм серти!...— эскытoма серoктiс ныв.— Бур нин, мый техникумас веськалi... А oнi ме практика вылын.

— Сэсся мукoдoс кутанныд велoдны культурнoя обслуживайтны ветлысь-мунысьясoс? Сидз?

— Ы-ы...

— Ставыс гoгoрвоана,— нумьeвтiс Юрий Петрович да надзoникoн таркoдчыштiс бригадир купeй. Воча некутшoм шы эз кыв, сийo вoсьтыштiс oдзoссo. Радио-магнитофоннoй апаратураoн тырoм пизан сайын пукалiс oнтая, кык звездочкаа нывбабаыс да мыйкo гижалiс бланокьясo. Oнi сийo вoлi дженьыдик юбкаа, еджыд ковтаа, сьoд галстука, а шынельыс oшалiс тувийн.

— Мый тiянлы колo?— коса юалiс, юрсo пырысьлань бергoддытoг.

— Тoдмасьны oкота.

Нывбаба чoвтiс пырысь вылo наян видзoдлас и друг быттьo самасис Верховнoй Советса депутатлoн значoкo.

— Ме збыль юыштi, но эг сэтшoма, медым тайo тoдчис йoзлы,— шуис Бронников.— Та вoсна и кoсья тoдмасьны. Буретш талун. Ме бригадир жo. Из шoм перьян комплексно-механизированнoй бригадаса бригадир— Юрий Петрович Бронников. Кoсья сeрнитыштны тiянкoд кызди бригадир бригадиркoд. Позьo?

Мoдыс кыскыштiс дженьыдик юбкасo пидзoсланьыс да неуна вешыштiс, тыдалo, сетiс гoгoрвоны, мый пырысь вермас пуксьны.

Бронников пуксис. Юалiс, позьo-o куритны. Нывбаба докнитiс юрнас.

— Кызди тiянoс шуoны?

— Ирина Николаевна.

— Мича ним. Менам ичoт нылoй — Ирина жo.

— А ыджыдыс?
— Светлана.
— А ешб?
— Медичотыс — пи. Юрий Юрьевич. Сылы регыд квайт арос лоо.
Чужис бать чужан луно жо, апрель кызы квайтод луно.
— Озырось тай ти...
— Абу гоьл. Содтыны ко ношта, мый бригадаын менам кокъямысдас морт, кодьясос сизз жо коло кыздзо да мыйко велодны.

Ирина Николаевна мудера шпыньмунис:
— Кыподны налысь идейно-политической уровеньсо да тодомлуныяссө.

— Дерт. Менам средной образованиетогыс сомын кымынко морт. Кодьясла пенсия выло регыд петны. А тиян?

— А менам — ставныс велодчысыас.

— И ставныс эсийо нывка кодьысось?

Поезда бригадир лэптыштлис шылыд пельпомьяссө:

— Войвыло ветлыны миян оз радейтны. Кодзыд, пемыд, отсяма серпасьяс. Проводникыд од морт жо...

— А ми но абу йоз! — обидитчис Бронников. — Дас сизим во ола Воркутаын да эг на чайтлы, мый миянос шыблас войтырон лыддьоны.

— Тиянлы уна соом мынтоны. Миянлон жо — некутшом льготаяс. И уджон ичотик...

— Гоьл улэ эн лэдзчысьой. Ме ачым тшотш уджалэ корт туйывса-яслы уджон содтан постановление вылын.

— Ки лэптыломыс но удж?

— Эн сералой... Депутатэ борйытодз ме сизз жо чайтли, мый найо сомын ки лэпталоны. Таын мыжаось кинооператорьяс: найо снимайтоны да петкодлоны сомын голосуйтомось. Эффектыс быттьоко и абу омоль, а видзодысыас вылодлом артмо... Ме тай и шуа: ти вок железнодорожник йылысь постановление дасьтис плааново-бюджетной комиссия, кодын ме уджала. — Борья кывсо Бронников торья тодчодис, сесся шмонитомон содтис: — Сизко, ме тиян восна тождыся, а ти быродинныд «Северное сияние» фирменной поезд. Мича воли поездыс: лоз вагоньяс, ковровой вольосьяс, водзвыв лосьбодом вольпасьяс, чай — коть кор коран, вежавидзысь проводницаас. Кытчо но найос, мелэ нывьяссө вуджодисны? Лунвыв поездьяс выло? Ти шунинныд: войвыло сьбыкыд ветлыны. Но од пассажирьяслы абу жо кокни. Сизко, коло бурджыка на восна тождысыны! А ти налы ковьаланныд мыжаясөс да практикантыасөс, кодьяс ветласны гоз-модысь Воркутаб да и утыштоны...

— Тайо ставыс начальстволон делэ, — шуис нывбаба. — Ми посни йоз.

— Ми гырысь йоз! — воча дожныштлис Бронников. — Ми ко, асьным, ого пондой зильны да тождысыны, немтор оз вермыны вочны медся ыджыд начальникьясыс. Ас оломысь тода. Оти пример вайода...

— Чай кутанныд юны? — юалис модыс. — Ме эг на ужнайт.

— Кута. А сетасы?

— Дерт! — сероктис нывбаба. — Асьным босьтам. Ми од начальство. — Сийо петис коридорэ. Нином он шу, мича ань.

Юрий Петрович котортлис аслас купеэ, вайис дона кампет коробка.

— Спецмагазиньсь ньобинныд? — юалис Ирина Николаевна.

— Эг, Горький уличывса кондитерскойьсь. Сулалыштны, дерт, ковмис минут кызы.

— Кор помася сулаломыс быд пустяксыс-а? Прамой кампет — и то очередь, бурджык сапогыас либо автомобильяс йылысь нином и сернитны. — Нывбаба чурснитис сук чайсо и пыр жо косодис вом дорсо кабада салфеткаон. — Оти менам подруга загранкаэ ветло. Дак сени, висьталэ, пыр магазинэ и босьт, мый лолыды коло. Некутшом очередьастог, спи-сокьястог. Мед сомын соом воли.

— Сійо өд и эм — мед сөмын сьом вөлі! Но уналон сьомыс абу.— Юрий Петрович сюся видзөдліс аслас ёрт выло, шуис:— Нывбабаяслыс оз юавлыны арлыд. Но, чайта, тиянлы кызь сизимысь не унджык...

— Пöшти төдінныд.

— Сідзкө, ме дас арөн ыджыдджык тиянысь. Кажитчө, дас воыд — абу и уна, но ті со онө нин төдөй бөрө колбөмасө, кор странаса быд карын вузавсылісны легкөвөй машинаяс. Ньоб көть коді.

— Эн-ө мойдны кут?

— Ас синмөн аддзылі. Нелямын көкъямысөд воын мем дас өти ар вөлі. Бура ставсө помнита. Дак вот, миян Нальчикын, некутшөм өчередьтөг вузавлісны «Победаяс» да «Москвичьяс». «Победа» сулаліс дас квайт тысяча. Төд вылын кө кутны нелямын сизимөд да квайтиминод вояся реформаяс, өнія деньгаон тайо оз ло зев дона. Ме ёртъяскөд дыр сулалі тайо машинаяс дорас и пыр шензылі: «Кодлөн вермас лоны эсы мында йөй деньгаыс?» А өні ме, рабочөй, ньоби «Волга» семьялысь бюджет ордөтөг. Шуанныд: «Войвывсаяслөн зептыс кыз». Ерунда тайо. Сөмын өти ВАЗ быд сутки сетө кык тысяча автомобиль. Чайтан ставсө найос войвывсаяс сөмын ньөбөны? Ньөбисны эськө, да оз сетны. Лунвывсаяслы да сибирсаяслы тшөтш колө...

— Ті бур агитатор,—гылыда серөктіс Ирина Николаевна.

— Лөк агитатортө бригадирө оз бөрийыны.

— Тиян бөрийоны?

— Дерт!

— А миян индөны.

— Тайо — лөк. Ме эськө не сөмын бригадирьясөс, но участокса начальникьясөс, предприятияса директорьясөс бөрийи гуся гөлөсуйтөмөн, кызди, шуам, академикьясөс либө научной сотрудикиьясөс. Оні жө вужьясяс кутшөмкө номенклатурной мыр — и некутшөм бульдозерөн сійос он бертышт, көть эськө и быдөн аддзөны, мый нинөм выло сійо оз туй.

— Мый нө ті, кызди депутат, онө вөзйөй ассыныд мөвптө правительстволы? — крукыштис бригадирша.

— Та вылын өні уджалөны. И мыйсюрө оломө нин пыртсьө. Вот ті водзджыксьө шуинныд, мый ми песни йөз, мый начальстволы тыдалөджык. А ме тиянкөд өти кывйө ог во...

— Ещө чай колө? — юаліс ань и воча кыв виччысьтөг өдйө петіс. Пырсь-пыр жө купеса вөсньыдик стен сайын кылісны нывбаба гөлөсьяс. Сэсяс бригадирша локтіс чайөн да шуис:

— Менам Таня майшасьө. Шуө, эг пө төд, мый ті правительствоса член да мисьтөма сёрниті тиянкөд. Сідзсө сійо небыд, бур нывка. Но проводникалігад он и төдды, верман тшыксьыны. Таын пассажирьяс өна жө мыжаось, торйөн нин мужичөйяс. Гөтырьяссьыс мынтөдчасны, юыштасны и заводитоны быд нинөм абусө изны, пельыд сьөдмө. Мукөд дырийи видзөдн лабугной морт выло и шензян, кызди эгш төдтөг кутө сійо асьсө проводницакөд.

— Тайо збыль,— өти кывйө воис Юрий Петрович.— Но «Северное сияние» юалөмөн ме эг көсіы сійос дөзмөдны. Ме важөн нин эг сөвлы поездьясө и эг төд, мый миян «сияние» кусөма.

— А Таяныс сійо поезд йывсьыс эз на и кывлы. Чайтіс, мый сыкөд код юра кывберитө. Прөститөй сійос...

— Прөстита,— нюммуніс Бронников.— Шахтаын миян паныдасьлөны жө кывберитысьясыд... Ті вот шуинныд, мый войвыло — проводникьяслы сьөкыд направление, торья нин төлын. Ог вензьы. Миян шахтаын сьөкыд направлениясыд овлөны төлын и гожөмын. Менам бригада уджалө өкмысөд участокын. Куим во сайын миян жө лаваын, сөмын мөдарладорсяныс, из шом перйис 11-өд участкаса бригада. Условиеяс вөліны дзик өткөдсьө. Миян механизированной комплекс — и налөн сэтшөм жө. Сөмын

ми тайо комплекснас перыйлім суткинас тысяча битсё тонна из шом, а найо — сөмын джынсё.

А та серти, дерт, и уджон, и олан гаж, и став мукөдторйыс. Оз позь шуны, мый сәні омоль йоз вөліны. Но вочаасныс сьёкыдлуныскөд и рушисны. Лунысь лунө кө уджыд оз ладмы, коллективыд киссыны заводитө. Отияс дугдоны эскыны ас вынъясө, лэдзчысёны, мөдьяс, мудержыкьяс, петёны «крест вылө», мөд ногөн кө — больничной листөн тупкысёны, коймөдьяс отпуск босьтёны, нельбөдьяс зильёны вуджны бур участкө. Заводитчө юом, прогуляс. Тайо нин закон.

И со корө менө, ас дінас шахтаса парторг — Николай Михайлович Савин. Зарни морт, оні веськөдлө народной контрольон районса комитетөн. Бытгө и синмад шыбитчытөм, некор асьсө оз лэпты, но делёнысылөн век мунө, кызди колө. Сійө и шуө меным: «Но, Юра, мый кутам вөчны дас өтикөдыдкөд? Орөдоны найо шахтанымөс! Гашкө, велган сэтчө, дас өтикөдас, бригадирвны мыйкө дыра жежлө? Колө отсавны йөзыслы бөр кыпөдчыны...»

Ме недыр думайтышти да и шуи: «Ог, өтнам ог мун. Отнамлөн менам сәні нинөм оз артмы. Чайта, мый медбурис — өтувтны кыкнан коллективсө, сорлавны-вежны йөзсө, вөчны кык участокыс өтибс...»

Аски асывнас, наряд дырйи, ме төдмөді войтырөс парторгкөд аслам сёрнион. Татшөминьясад кывберитысьясид век сёрнитө панёны. Кутисны менө найо кеслыны-дзижөдны. Вывті пө идейной миян бригадирыд, начальствольчество көсий ускөдчыны. Уджалам пө ми — и тадзи водзө колө уджавны, нинөм йөзлысь гураньяссө шыльөдавны, мед асьныс тильсёны...

Сәки кыв босьтис слесарь-гидравлик Толя Носков — миян участкаса парторг. «Эк ті,— шуө,— шураяс! Яндысьтөм синьяс! И кызд сөмын тиянөс шахтерьясас босьтисны? Од горнякыд некор оз вунөд асьыс медшөр законсө — отсав ёртлы! Көть завалө сійө веськалы, көть мөд ног пикөвоис. А ті повзинныд, мый уджондыд недыр жежлө чиныштлас. Эг чайтлы, мый миян бригадаын эмөсь грөш дона ловьяс... Вөзья тайо вопрос кузьяс гөлөсуйтны...»

Кывберитысьясид лөнисны, юрнысө лэдзисны, синнысө дзєбисны. Ставөн гөлөсуйтисны бригадаяс өтувтөм вөсна. А сәсся кык участкөлөн өтувья собрание вылын парторг висьталіс миян уджаланног йылысь. Бригададысь уна вося традицияс некодлы оз позь торкны. Первой прогулысь — чорыда өлөдөм. Мөдысь — весас участкасы! Дыш рутейяс гижёны заявление — «ас көсий серти». Рабочөй собраниелөн шуөм — закон. Тадзи вөлі век бригадаын, тадзи коляс и өтувтчөм бөрын...

Эз вензыны дас өтикөдсаясыд. Пыр жө накод звенөясөн вежласим. Менө бөрийсны веськөдлыны кыкнан бригаданас. Некымын төлысь мысти ставыс ладывв пуксис. Удж кутіс бура мунны, кыпыдлун чужис вөвлөм дас өтикөд участкаса шахтерьяслөн. Помалім ми орчча лаваястө и выльясө ковмис вуджны. А найо — шахта өтар-мөдар помьясын. Котравны менам өтигысь мөдө некымын километр сайө абу кивыс. И сәки шуисны бөр торйөдны бригадаяссө. Дас өтикөдыд бара чужис. Бригадирнас сәні бөрийсны Ашот Дельянөс — зөв төлка, бур горнякөс. Оні став знамяс и премияс — налөн. Тайо бригадаыс «Воркутауголь» комбинатын медбурьясыс өти.

А ті, Ирина Николаевна, шуанныд — «Сьёкыд направление». Став направлениесыс асланым киясын.

Нывбаба пукаліс купе пельёсын кияссө морөс вылын кресталөмөн да син вештывтөг видзөдіс Бронников вылө. Сы чужомысь бырис водзті ясыда төдчысь наянитөмыс. Оні сійө вөлі осьса сьөлөма аньён, мадонна кодь авьяён да мичаён.

— А ті, видзөда да, дөвөлөнөсь ас олөмнад? — юалис сійө виччысьтөг.

Юрий Петрович личодыштис галстуксё, разис дөрөмсыйс вылыс кизьсё: жар купеыс.

— Кор морт оло ас кёсиймъяслы лёялана оломён, тайё, тыдалё, и эм шудыс,— вочавидзис сийё эскөмөн.— Вэськыда шуа, ме век кёсийлы, мед эськё йёзыс пыдди пуктисны менё. Оз ков мем нималём, почёт, а куш пыдди пуктём. Чайтсё, тайё кёсиймой менам збыльмё. А оломас мукёд коланторъясыс кызкё асьныс вочасён вооны. Менам бур гётыр, дзонь-видза, мелі нывкаяс. И зэв муса пи. Асьныд тоданныд, радейтана удж, лёсьыд оланін. Удждоной менам из шом перьян промышленностьса министр окладыс ыджыдджык. Кызди ті чайтанныд, поэё лоны дөвөленён татшөм оломён уджалыс мортлы?

Нывбаба ассыс кутшөмкө мөвп кутөмөн ышловзис да вуджөдіс синьясё шахтёрлөн кияс вылө. Гырысьсө, уджачөс, лөз чутъясаөс — татшөм чутъясыс кольоны сөмын из шомыс да порокусьс...

— Со и сёрнитыштим,— шуис Юрий Петрович чечигмозыс.— Оні сэсса колө шойчыштны.

— Да, регыд Ярославль. Меным колө сводка лөсьөдны,— мудзпырысь шуис бригадирша.— Аттьө, ме рад, мый төдмаси тиянкөд. А «Северное сияниетө» ми бөр «өзтам». Öтвылысь. Медсьөкыдыс, дерт, тиянлы вичмас.— И сийё бара видзөдіс депутатскөй значок вылө...

Выль воводзвывса Воркутаын ыджыдаліс полярной вой. Карын ярьюгыда өзийсны электрической бияс. Уличьяс вылын весалисны лым. Öшлисны уна рөма лампаясыс гирляндаяс. Шахтёрьяслөн культура Дворец дорын зымвидзис нин уна метра джуджта Дед Мороз, сы гөгөр чукөртчөмаөс көчьяс, ошьяс. Дворецлөн портал көзыр вылын өта-мөд бөрся өзьялисны электронной газетлөн шыпасьяс. Тайё вөлі выльторйөн, и Юрий Петрович тшөктіс такиссты сувтны. Комбинатса медбур бригадирьяс пөвстын өзийс и сылөн овыс.

Но сийё и биа газеттөгыс төдіс: бригадаын ставыс лючки. Бронниковөс век нимкодьмөдліс сийё, мый сы ветломьяс дырйи эз надзмөдлы өдсө бригадаыс. Сідзкө, коллективлөн вөлі зумыд подув, сылы эз ковны содтөд уставитысыс да йөтканысыс, быдөн кужис кыв кутны ас вөснаыс.

Кольөм во, ноябрь 29-өд лунся коймөд сменаө, шахтаса диспетчер пасйис бригадалыс вося план тыртөм. А планыс вөлі ыджыд — 430 тысяча тонна! Öти бригадалөн! И зэв лёк тэчаса лаваыс! Квайт-сизим во сайын татшөм жө бригада, но комбайнъясөн, вермыліс перйыны уна вылө 80—100 тысяча тонна, вын да материальяс төдчымөнья унджык видзөмөн. Механизированной комплексьяс вайсны му улө миян нэмлы лөялана өдыс...

1969 вося мартын Бронниковөс корлісны Москваө из шом перьян промышленностьса водзмөстчысыяслөн Ставсоюзса совещание вылө. Собрание вылын бригадирлы сетісны позянлун юксыны механизируйтөм комплексөн уджалан опытөн. Сийё висьталіс:

«...Кор суладан комплексной механизируйтөм лаваын да видзөдан из шомлыс конвейер кузя дугдывтөг люзбгөмсө, нимкодьясьөмөн мөвпалан, мый ылнаө воськовтис бөрья воясө горной техника. Вөдзі и өтпырйө стружитліс 200—250 тонна из шом. Но мыйта сэсса вын и кад ковмыліс, медым шыблавны ки помыс сы мындасө рештакьяс вылө! А лаваяс крепитөмыс?! Комбайнъясөн из шом перйигөн бригадалы ковмыліс быд сутки некымын сө кубометр вөрыс вөчны пыкөдыс.

Миян первойсө полісны концентрируйтны горной уджьяс, чинтыны лаваяслыс лыдсө: а сувтас кө пө комплекс? А сэсса уськөдісны төд вылө, мый кор морт пуксьө самолөтө, сийё эскө, мый воас местаөдз... Эз кө эскы, Аэрофлотлы немтор эськө вөлі вөчнысө.

Вынийөра техника войдөр кыпөдчис енэжө, а оні сийё лэччис му улө,

көні тшөтш жө эм риск, кодөс чужтöны муувса сьöкыд условияс. Но аслам опыт вылө мыджсьöмөн верма шуны, мый тайö рискыс тшөтш и отсалө йöзлы сөвмыны, ыджыдджык сямлунөн ставсө вöчны. Горняк тöждысьö техника вöсна, велөдө сийöс, бурмөдө, сы вöсна мый тöдö: техника кө торкяс, плансө оз тырт не сөмын бригада, но и шахта, и надея кутны комплексөн уджалөгөн, техника кындзи, нинөм вылө.

Ония техникатө киö босьтны, уджодны да видзны сийöс — төдöмлуньястөг оз позь. Гөгөрвоана, сідзкө, мыйла велөдчыны коланлун бригадаын лыддысьсө законөн. Миян шахтөръяс зильöны бура велөдны уна специальность, медым, мыйкө кө жугалас, не виччысьны отсөг, а өдийджык алыным бырөдны нелючкисө. Та могысь жө комплекслөн быд система борся видзөдөны торья йöз — найö бура төдöны ассьыныс системаяссө и кывкутöны бригада водзын налөн торксьывтөм уджысь...

Шахтөръяслөн эм бур традиция: öзтыны выль вося ёлка вося план тыртан лунö. Овлö, мый веж гөстя волө шахтаса участокьясө сентябрын, октябрын, ноябрын. Колян воын «Северной» шахталөн 9-өд участокын ёлка öзныс ноябрь 29-өд лунö. Сийö лунö челядь ытисны бригадирлы Верховной Совет сессиялөн Президиум ним вылө чолөмалана телеграмма. А во помөдз Бронниковлөн бригада планысь вывти сетис Череповецса металлургьясы нöшта 43 тысяча тонна из шом.

Бригада матөдз нин воөдчис миллион джын рубеж динö и вермис эськө босьтны сийöс, но Печорской бассейна медыджыд шахталы, кодi суткинас перийö 8000 тонна, оз позь дзугны технологической режимсö: өд öти участоклөн водзө нетшыштчөм артмө соседьяслөн тшөт весьтö, торкө шахталысь ладмөдөм уджсө дзоньнас...

Тöлысь чөжөн чукөрмөм депутатской почта виччысис Бронниковс гортас. Гижисны бөрийсьысыас, предприятиеяса да стройкаяса веськөдлысьяс. Отияс корисны оланиньяс, детсадö местаяс, курорт путёвкаяс, корисны отсөг пырны мукөд карьясса кооперативьясö... Кодсюрө корисны депутатсө кырымавны колана инстанциясө мөдөдан письмөяс, кодьясын юөртсьылысны оборудование, материальяс омөля воөм йылысь, горной машинасыла запчастьяс лёка вөчөм йылысь...

Гажтөмыд оз босьт.

Матыстчис выль во, а важыслөн делөясыс, тöждысьöмыс вель уна на колбөма. Быд письмө сайын сулалис ловья морт либө дзонь коллектив асланыс радлуньясөн и шөгьясөн, вермөмясөн и майшасьöмьясөн.

Письмөяс пөвстьсь сюрис öти, кодi воөма дзик нин виччысьтөминысь. Сийöс лыддбөм бөрын шуис гөтырыслы:

— Кывзы, Лира Николаевна. Татшөм корөмыс меным первойсь на воис: «СССР Верховной Советса депутат Ю. П. Бронниковлы. Пыдди пуктана Юрий Петрович!.. Исправительно-трудовай колонияса веськөдлысьяс корөны тиянөс нуөдны беседа пукалысьяскөд страналөн внутренней положение да вит вося план олөмө пöртөм йылысь тиянлы лöсялана кадö. Миянлы медьясө лöсялө — вöскресеннө...»

— Ме вунөдi висьтавны: тöрыт кутшөмкө капитан телефон пыр юасис, кор тэ локтан, — юөртис Лира Николаевна. — Ветлан?

Юрий Петрович мөвпыштчылис, а сөсяя нöшта öтчид лыддис письмөсö.

— Ветла! Локтан вöскресеннөй жө.

Татшөминьясас Юрий Петрович некор на эз воля. Сийö восьлалис векныдык да дженьыдык коридорьясөд, сөсяя и шуис сийöс нуөдыслы — мудз синма том капитанлы.

— Страшнөкодь... А ти, буракө, велалөмыдөсь? Быд лун ветланнид тайö шыр налькйөдыс да.

— Асывсянь рытөдз тани. Сэтшөм удж. Но өд ме төда, мый быд здукө верма татысь мунны гортö, көни менö виччысьö семья, югзьö теле-

визор, ваннао дзольго шонид ва... А кутшомджык налы, кодыас асьныс асьыныс ставсё тайос мырддисны?

— Гашкё, вочасён велалыштёны жё?..

— Тао велавны оз позь,— эскана шуис капитан.— Сёмын шоч лэбач овмёдчө клеткаад. Но лэбачён веськөдлө инстинкт. А тані — йёз...

Найё матыстчисны кадён съөдөдөм, керъясыс вөчөм өти судта зэв кузь керка дорө.

— Тані воспитательной помещенияслөн комплекс: шөр школа, клуб, библиотека, спортзал и сідз водзё,— висьталіс капитан.— Талу, вөскресенньоад, йёзыс, дерт, тыр, но мед тайё тиянөс оз падмөд...

— А кутшөм тиян войтырыс?— юалис Бронников.

— Торъя опасной рецидивистьяс. Кызвыннас — йёз тшөт весьтө лышкыда овны радейтысьяс. Со и лоө найёс «бурдөдны»...

— И кызди артмө?

— Төданныд, овлоны зэв бур результатьяс. Унаён гижёны татыс петөм бөрын. А өти весиг ысталө воспитательяс йылысь гижөм романыс юкөньяс. И вель төлка гижө.

— Найё мунысы уна өдзөса коридорті. Өти жырлөн өдзөсыс вөлі калькуныштөма, и Юрий Петрович казаявтөг сувтіс. Комната шөрын сулаліс улыс дөрөм кежесьс шырөм юра атлет, сосьяссьө гырдадзөдыс пуджөма. Тайё мортые вөчис сөйысь Дзержинскийлысь бюст.

— Кызди олан, Алексеев?— юалис капитан.

— Одессаса тётя Мотя моз...— нюмдіс скульптор.— Виччыся тётясянь письмө, а сійө оз гиж.

— Ті нө Феликс Эдмундовичсө ас көсйөм серти вөчанныд?— юалис депутат.

— Дерт,— вочавидзис Алексеев.— Аслам көсйөм и содтөд — веськөдысьяслөн тшөктөм.

— Он көсйы кызвыны Верховной Советса депутатлысь лекция?— юалис капитан.

— Көсья эськө да, но менам нёти абу прөст кадөй.— Скульптор копыртчис да босьтіс орччөн сулалысь яшыкысь небзьөм сөй ёкмыль.— Асьныд гөгөрвоёй, гражданин начальник, кытысь вермас лоны прөст кадыс дас воа срока мортлөн, а?..

Читальной залын вөлі чукөртчөма морт сө. Ставныс шырөм юраөсь, ставныс өткодь съөд «парадной» костюмаөсь.

— Видза оланныд, ёртьяс.— шуис Бронников.

Капитан вөрзөдыштіс сійөс соскөдыс да муртса кывмөн шөпнитіс: «граждана». Юрий Петрович сутш шөйөвошліс, но пыр жө путьмыс водзө нуөдны сёрнисө:

— Көть тиянлы, граждана, кутшөмкө кад чөж бөрийсыны оз позь, ме век жө лыдди позянаөй локны тиян корөм серти да вочавидзны, верма кө, тиян юалөмьяс вылө.— Сідз и сёрнитчам: тиян юалөмьяс, менам воча кывьяс.

Мыйкө дыра залын вөлі лөнь. Сэся бөръя радысь сувтіс паськыд чужөма, гөгөрвотөм арлыда морт.

— Мый сәні выльыс вөля вылас?— юалис сійө и пыр жө пуксис.

— Ставыс выль. Страна бура помаліс пятилеткалысь нельөд во. Идралөма вөвлытөм уна нянь...

— Тайөс ми төдам: быд лун газет лыддыам.

— А мый нө либө ті көсьянынид төдмавны сэтшөм аслыспөлөссө?

— Мыйкө ми вок йылысь.— Тайөс шуис векныдык съөд уска олөма морт.— Оз-ө правительствовын кыпөдны вопрос, медым мянлы срокьяс чинтісны. Мед режимыс дас пөв чорыджык лоө, но сөмын срокьяссьө чинталасны. Со меным, шам, нелямын квайт ар, а пукавны ношта көкъямыс. Пета татыс старикөн, кутшөм төлк сэки лоө мейсё госуларстволы?

— Оз,— шуис Юрий Петрович,— татшөм вопросьяс правительство-

ын оз на видлавсыны. Уджалой бура, гашкё, и лэдзасны сэки срокысь водз.

— Бура уджавны позьё дон выло,— шуис медводдза радысь мужичой.— Вот ті шахтаад, буракё «кусок» вит-квайттё босьтаннид?

— Овлё и унджык. Ставыс ас саяд...

— А ті, кёнкё, кызди депутатён лонинид — шахтаад шоча лэччыланныд? — бара сувтіс бөртя радысь онтая дядьё.

— Щербинин, мый оз ковсё эн юась! — дөзмөппырысь шуис сылы капитан. — И ки колё лэптыны.

— Мыйла нё, зэв бур юалём,— шуис Бронников. — Талун вөскресеннё, ремонт миян талун. Ме чеччи асывнас и вит час кежлё муні шахтаё, уджалі сэн смена, а сэсся татчё мөдөдчи.

Дядьё бара на нюжөдіс кисё, но капитан көдзөдіс сылысь этшсё:

— Чөвлы, Щербинин, мукөдлы сет юавнысё.

— Ме көсий корны гражданин депутатөс, мед сійё ас йывсьыс висьтыштіс! — горөдіс Щербинин.

— Позьё и ас йылысь, коть эськё и нинөм сэтшөм-татшөмыс менам олөмын абу. — шуис Юрий Петрович. — Чужи ме Войвыв Кавказын, 1937 воын. Эм сэтшөм посёлок Нижной Чечем. Зэв гажа места. Быдөнлы төдса водопадьяс, ушельеяс. Но меным эз нин сэтшөм мичаён сійё кажитчы, сы вөсна, гашкё, мый сәні менам сьөкыд тшыгъялан челядь дыр коліс. 1941 воын батьёй фронт выло муніс и сэсся эз нин волы. Сёрөнджык ми мамкөд Нальчикө вуджим. Дас класс помалөм бөрын пыри велөдчыны механизация школаё. Помалі. Но, веськыда шуны, видз-му овмөсын меным эз кажитчы. Буретш сійё кадас өти менам ёрт Воркутаё чойыс ордө муніс. Письмө выло письмо меным сійё гижё, ышөдө войвывса романтикаөн. И ышөдіс. Вои ме Воркутаё 1957 воын март заводитчигөн. Гортын абрикосьяс дзоридзалісны, а тані менө сё градуса көдзыд чишкаліс. Шахтаын менө индісны комсомольско-молодёжной участкаё.

Из шом перійысьяс бур, но стрөг войтыр. Куш сөмын мича синьясыд вөсна найө ёртнад тәнө оз на шуны. Ковмис поводнёя пось кистьыштыны. Төлысьсөн-джынійөн кесйылөсөн быдөнлы вөлі, коді мый тшөктыліс, сійөс и вөчлі. Сэсся менө звеноөн веськөдлыны бөрыисны, а бөрынджык — бригадирөн. Сідзи и уджала пөшти дас сизим во нин өти коллективын. 1957 воын мияналы сетісны выль механизируйтөм комплексе, өдий сійөс уджө босьтчөдім. Из шом перійөм пыр жө ёна содіс. Гижны миян йылысь кутісны печатьын, орденьясөн да медальясөн награждайтны... Менө войтырыс Верховной Советө выдвинитісны, а правительство Ленин орден сетіс. Уджала аслам вын да сямлун серти. Со и став менам биографияй.

— Тян, буракё, бригадаад куш коммунистьяс да комсомолецьяс уджалөны? — юаліс кузьмөс юра том зон. — Ме сизим төлысь мысти пета, но коді менө босьтас бур компаниеё, кор менам паспортын блямба лөстало. А гашкё, ме көсья помавны важыскөд и лоны сөстөм гражданинөн.

— Вєсьшөрө ті тадзсө читаннид,— шуис депутат. — Ми зілям кыпөдны мортсө, а не вөйтны. Эм и миян шахтаын сэтшөм йөз, кодьяслөн воддза олөмыс вөлі дзуг. Но мортыс кө бура уджалө да лөсьыда кутө асьсө, некод сылы важсө оз казтьыв. Со, шуам, менам бригадаын — Евгений Ольховский. Локтіс миянө лагерысь. Кутіс тэчны асьыс «авторитет» медся кокни сяма уджалысьяс пөвстын. Көсийс кодсюрөөс ас бөрсьяс нуөдны. Вай пө огө муній субөтник выло, лаваын рештакьяс тыртам — некод оз гөгөрво. Заводитіс сійө прөгудивайтны, торья нин понедельникьясө. Сэки ми бөрийм Женя Ольховскийөс цехкомө. Кыв кутөмыд мортгө вежис, эз, дерт, пырысьтөм-пыр, кад ковмис. Зэв бур шахтөрөн лоис. Видзөда да, кодсюрө шпыньяланныд. Но век жө висьтала: өні вөвлөм уголовник Женя Ольховский партияё дасьтысьө пырны. Онө кө эскөй, сета сылысь адрес. Гижөй сылы аслыс, юалөй.

— А ме кө сизим төльсь мысти пета, босьтанныд менё бригадаад?— шыёдчис сійё жё зонмыс.

— Босьта!— зумыда көсийсис Бронников.— Но испытательной сьр-көн...

Кучкөмыс веськаліс кокас. Бригадир горөдіс и кералөм пу моз усис. Сійё жё здукө лаваын сувтөдісны став механизмьяс, и лоис пельтө чунө-дана чөв-лөнь.

Кызди нө сійё, сэтшөм опытной из шом перйысь, вермис тадзи дой-мыны? Но өд и кузя нин тышкасьсь сюсь салдатъяс веськавлөны ййө пуля улө. Кымынысь сійё өлөдіс асьыс ёртъяссө татшөмторсьыс, а асьсө со видзны эз вермы. Оні со найө петкөдоны сійёс, эбөстөмөс, кияс вылын лаваөд, сөсся откаточной штрекөд, лэптөны клетьөн му вылодз, а сәні сійёс вичысьсө нин машина...

— Мый, Валерий Герасимович, ветлыны кута?— юалө сійё больни-чаын хирург Светлыйлысь, коді видлаліс сылысь кокъяссө рентген бөрти.

— Котравны кутанныд!— падъявтөг шуө хирург.— Сөмын водтөд-нысө тәно некытчө. Отделениеын ни өти места. Талун миян февраль 3-өд лун. Сідзи и гижам висьөмыдлөн историяд.

— Сідзкө, гортө менө нуй, — корө Юрий Петрович.

— Оз позь. Ковмас куйлыштны миянын. Татчө нималана войтырыд оз тшөкыда веськавлыны. Оти массажистка миян мый дыракө оз ло, сы-лысь кабинетсө ми и пörтам торъя палатаө, Кремльса больничачын моз ку-тан бурдөдчыны.

— Яндзим весиг тадзитө доймөмысь...— ышловзис висьысь.— Некор эг чайталы...

— Кызд «яндзим?»— стрөга шуис врач.— Травма кызд травма. Сі-дзи и гижам: веськыд кокчер лы чегөма да ёна доймөма шуйгаыс.

— Сідзкө, шуйгаыс дзонь.

— Дзонь.

— А ме чайтө — мөдарө. Шуйгаыс ёнджыка висьө.

Локтис сестра да юөртис, мый палата дась.

Палатаө вуджөдөм бөрын Юрий Петрович динө пырис Женя Бакун, сы бригадаысь уджалысь. Сійё важөнокдь нин куйліс тані, юр вемыс вөр-збөмысь. Шахтаын сылы зымөбтис мынөм пөрөда тор, бур ещө, мый кас-каыс мездыштис. Оні сылы лөсьыд нин вөлі, но врач век на эз көсий лэдз-ны гортас.

— Пуксьы,— шуис Юрий Петрович.— Кутшөма видывлі ме тиянөс татшөм травмаясьыд, а оні ачым ййөсьыс ййө моз веськалі.

— Овлө,— балябөжсө гыжйыштис Женя.— А кызд-мый нин шах-таын?

— Сәні ставыс бур, тэа-меалөн тай сөмын лөк-а...

— Ставыс ладмас,— сьөлөм сетис Женя да чеччис.— Гашкө, мыйкө колө, Петрович? Ме вая. Йитөд менам «вөлякөд» эм. Позьө коньяктор корны наркоз пыдди. Дас нель капляөн...

— Ладнө,— шуис бригадир.— Капляестөгыс на овлам. На пыдди ачыд тшөкыдджыка пыравлы.

— Босьтам тэ вылын шефство, Петрович,— тэрыба сяркөдіс Женя.— Тані менам ёрт эм — Ефим. Витөд участокысь. Сылөн пидзөс йөзвиса сө-ныс вөлі орөма. Оні йөра моз котралө.— Бакун бөрынтьчис өдзөслань, восьтыштис сійёс да пыртөдіс кидьыс зонмөс.— Со сійё, Ефим. Төдан?

— Аددзылі шахтаын,— шуис Бронников.

— А сәні йөз нин чукөртчөны тиян динө прием вылө,— шуис Ефим.— Төлкуйтөны: оні пө депутатлөн прөст кадыс уна. Вот и видлалас миян-лысь корөмьясөс.

Сідзи и лоис. Лун мысти Бронников динө кутисны шыөдчавны йөз.

Кодкө весиг өчередь лосьдөдөмә. Вөлі шуөмә — кык мортысь унджыкөс луннас не лэдзны.

Медводдзаөн локтис орчча шахтаысь зон. Мортыд удж вылас пыригкості доймаз, но дойыс кажитчас кокныдыкөн да некодлы оз висьтав сы йылысь. А сәсся некымын лун мысти ковмас водны больничә. И со өні пансис ноксьөм. Травма йылысь акт сълөн абу, та вөсна доймөмыс лыддысьсө непроизводственнөйөн. А мынтыны таысь өд төдчымөнъя этшаджык кутасны. Уджавнысө дыр на сійө оз вермы, а мортыслөн семья.

— Ме өні вынтөм — шуис Бронников. — А кок йыло сувтөм бөрын пыр жө видла отсыштны.

Но сійө эз понды виччысьны кок йылас сувтөмсө. Обход дырйи корис хирургөс звөнитлыны райкомө — Бронников пө тшөктө нуюждны сы динө телефон.

Рытнас жө телефон сувтөдिसны. Öнi сълөн лон быдөнкөд йитөд. Пыр жө звөнитліс гортас, висьталіс, мый сълөн ставыс лючки-ладнө, регыд кутас ветлыны. Сәсся сёрнитіс орчча шахтаса парторгкөд аслас медводдза шыөдчысь йылысь. Парторг көсийсис ставсө бура төдмавын и аскинас жө мөдөдис больничә доймөм горняклөн участокысь веськөдлысьсө. Лоис дыр сёрнитны ськөд, кытчөдз начальник эз көсийсь ладмөдны ставсө.

Рытнас палатаө пырис дежуритысь сестра — сійөс Юрий Петрович эз на адззывлы.

— Тi виль уджалысь? — юалис.

— Абу. Важ. Ме гортын пукалі, челядьсө некодкөд кольны да. Көсья отсөг тiянысь корны, — яндысьыштөмөн шуис сійө.

— А мый челядныдкөд.

— Да садикө оз босьтны. Со и пессям верөскөд. Ме кө асья сменаө, сійө — рытьяө. Либө мөдарө. А өні командировкаө сійөс вежон кежлө мөдөдлісны. Меным и ковмис челядкөд пукавын.

— Садикъяснад миян өнi сьөкыд на, — ышловзьөмөн шуис депутат.

— Көнi кызди. Миян посёлокын абу сьөкыд. Садикын уна прөст месаыс. Но заведуйтысьыс и сёрнитны оз көсий: сад пө миян ведомственнөй, а тi абу миян ведомствоысь.

— Видзөдтө, кутшөм сусь! — скөрмискодь Юрий Петрович. — А коксө кө чегас, кутшөм ведомствоө сійөс нуасны?

— Тыдалө, миянө, — шуис сестра.

Депутат пыр жө босьтис трубка да звөнитис Комсомольскөй райсоветса председателысө вежысьлы, корис сійөс сёрнитны садса завкөд.

Кык лун мысти сестралөн челядь садикын нин вөліны.

— Огө и төдөй верөскөд, кызди тiянөс аттьөавны! — сьөлөмянь нимкодяс сестра.

— Доз ковмас! — серөктис Бронников. — Кефир доз. Абу кө сьөкыд, вайөй холодильникись. Горшөй тай мыйкө косьмө.

Дас кыкөд луннас сійө пуксис кроватяс да лэдзис кокъяссө джоджө. Зэв окота вөлі чечыны, но поліс. Тайө здукө өдзөс гурийв воссис, и мыччысис нюмъялысь Женя Бакун. Сы бөрвылын йөткаліс инвалиднөй көляска Ефим.

— Такси воис! — шмонитис Бакун. — Корама пуксыны.

Бронниковөс ки вылын вуджөдисны коляскаө да петкөдисны палатаысь төдмөдны отделениеөн.

Тайө лунсяныс Юрий Петровичлөн распоряжокыс вежсис. Асья обход да процедураыс бөрын босьтчыліс депутатлөн уджө, төдмасьліс Лира Николаевналөн быд лун ваиян почтаөн, а сәсся волісны ёртъясыс, пуксьөдлісны коляскаө да нулісны видзөдны телевизор.

...Больничасысь петтөдз некымын лун вөйдөр, кор сійө вермис нин ветлыны көстыльтөт, радио пыр висьталісны, мый Донбасса из шом перйысьяс мөдысь выдвинитисны СССР Верховнөй Советса депутатө кандид

датон Григорий Иванович Моцакос. Юрий Петровичлы лои зэв нимкодъ тайо юорсыс. Сийо пыр жо гижис другислы чолөмалана телеграмма, медым мөдөдны сийос ритнас гөтырыскөд.

Рытнас Лира Николаевна лунья почтакөд отлаын вайис и горкомса первөй секретарсянь записка. Василий Иванович Чернов гижис: «Пыдди пунктана Юрий Петрович! Аски 14 часын лоо горкомса бюро «СССР Верховной Совето бөрийсыбөмьяс дасьтөм да нуөдөм йылысь» сөрнитанторйон. Тиян, кызди бюроса членлөн, волөмыд эськө коланаон вөли. Ти кө вермөдчанныд, юөртөй, кор и кытчө ыстыны машина...»

Горком поскөд мөд судтао кайигон сийо некымынысь сувтліс, чышкаліс чужөмсъыс пөсьсө. Но бюроса членьяс дырйи зилис не чотны да кутны асьсө збойджыка, көть эськө и быдөнлы бура тыдаліс, кутшөма сийо омөльтчөма да кельдөдөма висигас.

Бюросө, кызди и век, нуөдіс первой секретарь. Сийо лыддис Верховной Совет Президиумлысь бөрийсыбөмьяс йылысь постановление. Заседание помын кытшовтөдіс видзөдласнас бюроса членьясөс да шуис:

— СССР-лы 50 во тыран нима «Северной» шахтаса коллектив шыөдчис горкомө письмөөн, кодын корө ошкыны, мый мөдысь выдвинитіс бригадир Юрий Петрович Бронниковос СССР Верховной Советса депутатө кандидатон.

Бюроса членьяс пондісны пөся клопөдны кияснас.

Альберт ОПЛЕСНИН

* * *

*Кор гөгөр вөр и бушков ыргө гөгөр,
Кор өтнад тэ и ылын оланін.
Зэв сьөкыд овлө, овлө вывті сьөкыд,
но төдан: эм... эм көнкө муса син.*

*Эм көнкө морт, и сийө корө тэнө...
Тэ писькөдчан, көть морөсөдзыд лым,
көть усьласян, но кыскө бөсьтчө вын —
тэ выльысь чеччан, выльысь мудзтө венан.*

Эз кольлыв уджавтөг кө лун

Ми лоим пöрысьöсь,— пыр асьыс гижö кад,—
 Но олöмыс оз сувт, а дорыв мунö водзö,
 Виль быдтö петасъяс, мед быдөн вöлис рад,
 Кор петас ывлаö сöдз синма асивводзö.

Ме муна кыр йивті — став юрси менам дзор,
 А Емва... Сійö пöрысьмөм оз тöдлив:
 Пыр сійöс томмөдöны лыдтөм ю да шор,
 Мед сылөн югид сьыланкыв эз пöдлив.

Оз пöрысьмыв и парма,— томмö лунысь-лун
 Да мича дзоридзьясөн морöс асьыс кышö.
 Быд помын пуö удж, көть кытчö тэ он мун,

И сійö вайö мирлы тувсов томлун кышöд.
 Тэ му вылас эн кольлыв уджавтөг кө лун,
 То кулöмысь эн пов,— йöз паметъысь он вун!

Венедикт

Эм Емва бокын öти сикт,
 Ме сэтчö вола пыр,
 Сэн олö пöрысь Венедикт
 Лун-войсö колигтыр.
 Не сöмын мичтö Емва вож,—
 Мый мында мыркис удж!
 Сэн нэмсö пессис, кызди ош,—
 Сидз овнысö оз куж.
 Кер лэдзис — сьылис Емва ю,
 И ошкис сійöс вөр.
 А гöрис кө артельной му,
 Мөд бурджыка эз гөр.
 И öнi кутö асьыс сям,
 Көть юрыс ставнас дзор.
 Сидз сійöс велөдлöма мам
 И олөм вуджан сёр...
 Йөр дортi öтчид мунам ми,
 Зон гөрö сэнi му.
 И кежис сэтчö Венедикт
 И пыр жö сьөвзис:— Тьпу!

Тэ мусё парсалан, он гөр.
Кызд поэё гөрны тадз?
Ёг турунён тадз тырас йөр,
И коссыйд усьё гач!..
А модысь ськөд шпуткам ми
Кыр рөчын табак тшын.
Ю муртса шыбитма йи
Да зэвтö асьыс вын.
Друг кыськө воисны кык зон,
Веж вом дора кык шыш,
Кыр горув чеччыштисны сён
И вуджөдисны пыж.
Ныр сылысь лэптыштисны тшук
И вөтөдисны төв.
А ваыс кыпөдчис быд здук —
И пыж нин кывтö чөв.
И бара скөрмө Венедикт:
— Од отувья пыж со,
А налөн юрныс тыртөм дзик:
Пыж воштам тадз быд во!
Аль ачыс артмө? Мыйта сьём!..
Не сөмын — удж и кад.
Вот тадзикөн и гудрасям,
Тадз олөм-ө? Сё мат!
Од эм жө налөн бать и мам,
А көні налөн кыв?
Тадз уджалігөн — веськыд срам —
Кор аддзам пом да йыв?!—
И сиктө котөртö дзор морт,
Мед аддзыны мотор
Да сійөн вундыны ю от,
Кор кад на абу сёр.

Эм Емва бокин өти сикт,
Ме сэтчө вола пыр.
Сэн олө пөрысь Венедикт
Лун-войсö колигтыр...

Русса карын

О, Русса кар!
Тэ сэтшөм гажа майын,
Кор дзоридзьясөн уличьясыд тыр...
Гөрд обелискъяс дінө туйыс вайө,
Дзик ни өти мед паметьсьым эз быр.

Со талун праздник, пасьям ми победа,
Но коді усис, сійө оз нин лок,
Көть пызан саяд местайд и шедас,
Но оз тай збыльмы некор татшөм мог.

Ме пөрччи шапка, төлыс юрси летө,
А бандзиб йывті лэччө синва войт,
Өд мекөд тшөтшья зонка ловсө сетис,
Мед менам олөм вөлі кыдзи мойд.

Он, косавны он тшөкты мунөм кадлы,
Но аддза, нывка вайис китыр цвет
Да чөла шуис: «Тайө быд салдатлы,
Код чорыд тышысь ловьяөн эз пет».

Войналөн оз нин шыав лыйсян горыс —
Пыр ылынджыкөсь сыысь лунысь-лун,
Но кодлөн олөм миян вөсна орис,
Нач некор йөзлөн паметьысь оз вун.

А ми вокөс кө коркө рөкыс суас,
Россиялы кө ковмас миян вын,
Быд зонка дедыс, батьыс моз жө шуас:
«Ми чужан муөс дорьям ассьыным».

* * *

Быд мортлөн аслас дум,
Кор сійө пикө волө.
Со өти өртлөн оз пет нюм,
Пыр зумыштчөмөн олө.

Мөд бөрдө ичөт кага моз,
Ва ньылыд сійөс нуө.

Со бара ньобис вина доз
И лунтыр диньгө-юй.

А коймөд оз тай өшөд ныр,
Оз вөйысь морт моз шенась.
Век өти лача кутө пыр,
Мый бурыс лёксө венас.

Медбөрья сыланкыв

Морос пытшкын сёлөм тпкө яра,
Кыла быдөн сылысь чеччөм шысө,
Кодыр кывза, кыдзи Виктор Хара
Сыылө ассыс бөрья сыланкывсө.

Сылөн думыс ставнымлы зэв төдса,
Көть и ачыс сийө вывти ылысь,
И ми ставөн гөгөрвоам, төдам:
Сыылө сийө аслас Чили йылысь.

Көсйис сийө, медым Чили весьтын
Шонди улын дзордзалисны чветьяс.
И ми эскам, сидзи лоис эськө,
Эз кө властьсө босьтны пиночетьяс.

На ки помысь уна олөм орис,
Орис тшөтш и Харалөн-поэглөн,
Сомын сылөн мыла сылан горыс
Эз тай кус, а став мир пасья ветлө.

Э м т ы

Дерт, ставсө вуштө кад,
Од олөм водзө мунө,
Но эм дед нима вад,
И сийөс ме ог вунөд.

Сэн нэмсө кыйсис дед,
Век гортө вайлис чери,
А тыыс эз тыр мед,
Бадь кустьяс ректис черөн.

Эз пыжнас некор пыр,
Көн йөзлөн вөли коляс,
Көть чери гыбзьө тыр,
Оз вөрзьөд, сидз и коляс.

Век төдліс ассыс туй,
Сы визьөд век и ветліс,
А йөзө ныр эз сюй,
И завидьыс эз петлы.

Дыр кежлө кольліс горт,
Ми гажтөмчывлім быдөн..
Мый уджач вөлі морт,
Ас сиктын төдө быдөн.

Кыз парманымлөн пи,
Вөр-вакөд йитліс ловсө,
Та вөсна өні и
Эм ты, код новлө овсө.

Дед важөн абу нин,
Оз тыыс дорын довъяв.
Но оло тылөн ним,
И дедным быттьө ловъя.

В. М. Размысловы

Мый уджач морт тэ — важөн кывсян,
Вөр кылөдін эн өти во,
Но сьөлөм вылад тэн оз во,
Код дзоргө мукөд вылас вывсянь.

Тэ нэмтө йөзкөд вөлін сэтөн,
Көн пуис налөн ыджыд удж,
И эн өд ланьтлив некор сутш —
Став ассыйд вынтө помтөг сетін.

Тадз кольліс аръяс бөрся ар,
Тэн кучкис квайтымын нин ар,
Но сьөлөмыд век тома өзйө.

Мед сійө уна во оз кус,
Оз тупкы нинөм — сім ни бус,
А йөзлы уна радлун вөзйө.



Леонид ПАЛКИН

ВӨР-ВА ЙЫЛЫСЬ ВИСЬТЪЯС

Вөрса керкаяс

Ёна тэрмасьомён пырö Мозынö Ыджыд Лопи, лышкыда сетö ассьыс васö вынаджык чойыслы. А таодз сийö дыр кытшлöдлiс пемыд пармаод, зумыш козъя вөръяс да гора пожöма ягъяс пöвстөд. Тайö юас да сы бердса тыясын öнi лöня на овсö черилы — оз сэтшöм частö увгыны пыж моторъяс, абу-

ось на сиктъяс да посёлөкъяс. Сöмын вөрса керкаяс, кодъяс лöсьыда пуксьöмаось джуджыд кыръяс вылö, казътылöны, мый и танi шедöдöны ассьыныс сьöкыд няньсö вöралыс да чери кыйысыяс.

Гожöмнас ми шуим ёрткöд шойччыштны тайö ю вылас, вуграсьыштны, но миянлы эз везит. Ыджыд Лопилөн йывъясын, вöлөмкö, мунöмаось зэръяс. Юяс полтчис, ойдöдiс дiяс, и сöмын бадь йывъяс петкöдлiсны налыс местаяссö. Миян мотора пыж збоа котöртис вужляяс, пöрөм пуяс дiнтi, вöвлөм косяяс вьвтi.

— Видзöдлы, керка! — горöдiс ёртöй.

Тайö вöли медводдза вөрса керка, кодi паныдасис миянлы туйын. Тöдiм, мый сийö примитас миянöс кыдзи тöдсяясöс, сöмын сувт берегö. Но ми эг сувтöй.

Мунам дас-кызь километр — и бара керка. Вьль ли, важ ли — сьöлөмыд шоналö сийöс казялiгөн. Кодкö старайтчис, стрöйтiс, олiс сэнi кузь тöвса войясö, гожöмъясын мездысис номъясыс, вöтла-лiс найöс уль турун тшынөн.

Рытланьыс аддзисим йöзкöд, миян кодь жö инасьтöмъяскöд. Бать да кык пи. Ичöтик биपुर вьлын пусис юква.



— Аддзанныд, гычъясѳ ковмис пуны,— майшасьѳмѳн шуис тош-сялѳм мужичѳй юква видлѳгмоз.— Квайтѳд лун нин танѳ, а пѳшти нинѳм на эз шед. Ва туйѳм бѳрын чериыс кайис дзик ю йылѳдзыс. Да тѳ эн шогсьѳй, танѳ ваыс пондѳс нин чинны.

Ужын бѳрын кѳзяин корис ми-янѳс керкаѳ. Важиник, латшкѳс пывсян. Тыдалѳ, эз ѳти дас во шонты сѳйѳ аслас шоньдѳн вѳра-лысьясѳс да чери кыйысьясѳс. Ляпкыдик ѳдзѳс, дзик ѳти чусыд ѳшиньтор пыр ѳдва пискѳдчѳ югы-дыс. Пывсян джынсѳ босьтѳ гор. Саѳссьѳм стенин неыджыд розь тшын петѳм вылѳ. Наръяс. Кыдз-кѳ-мыйкѳ меститчим.

Асывнас мѳдѳдчим туйѳ и бара паныдалѳм вѳрса керка. Сѳйѳс он нин шу пывсянѳн. Кор пырим сѳт-чѳ — чуймим. Сѳстѳм стеньяс да йирк. Сиктын кодъ ѳшиньяс, пы-зан да... паськыд пу крѳвать. Но медтѳдчанаыс вѳлѳ эз тайѳ. Сула-лис танѳ кирпичысь тѳчѳм плитаа пач. Сы вылын — изъяс тыра кѳрт бѳчка. Плита вылын пу ѳбед, а кѳсьян пывсьыштны — койышт бѳчкаѳ гоз-мѳд кѳш да небзьѳд лысьѳмтѳ мыйта кѳсьян. Тшын ни чад. Сяма кѳзяин вѳчлѳма тайѳ керкасѳ, тѳдѳма, мый и пармаын пѳзьѳ овны шоныда да сѳстѳма.

Тытвад

Миян местаяс озырѳсь тыясѳн, кодъяс артмѳмаѳсь Мезеньлѳн да Вашкалѳн вѳвлѳм чукуль-мукуль-ясысь. Но эмѳсь и вадъяс, кодъяс юясысь ылын, сьѳд вѳр шѳрын. На пиысь ѳтиѳн лѳѳ Тытвад, кодѳ некѳмын километр ыджда таз моз поздысьѳма Мезень йывса парма пытшкѳ.

Ме унатор кывлѳ тайѳ вад йыв-сьыс. Сѳнѳ пѳ шедѳны сѳмын нин-кѳм гырся ѳкышъяс. Окота вѳлѳ волыны сѳтчѳ, но кыдзкѳ век эг слѳймыв. И со...

Вертолѳг уригтырѳи кыпѳдчис энѳжѳ да колѳс миянѳс ичѳтик вѳр

Бѳр лѳчигѳн ми аддзысим че-лядь чукаркѳд. Дегинкаяс сулалѳ-ны берегын, ѳвтчисны кузь вугыр шатиньясѳн. Налѳн мышьяс са-йын зымвидзис важся козья вѳр. Немтор оз висътав мортлѳн оланѳн йылысь. Ми сувтѳм ляпкыд берегѳ да юалѳм, кор найѳ воисны.

— Тѳрыт.

— А кѳнѳ узинныд?

— Танѳ.

— Куст улын али мый?

— Да эг. Эм танѳ пуяс сайын вѳр керка, метра сѳ лѳѳ юсянныс. А ордымыс сѳтчѳ нуѳдѳ то сѳнѳ, бадъяс сайѳд.

Кыдзкѳ жугуль лоис сьѳлѳм вы-лын детинкаяскѳд сѳрнитѳм бѳрын. Тыдалѳ, эз кѳсѳй керкалѳн кѳзяи-ныс, медым сѳйѳ веськалис лѳк йѳз-лы син улѳ, мукѳдыс ѳд доз рек-тѳм могысь на и волѳны вѳрас, га-жа юрнад керкатѳ тшыныйв лѳп-тасны. И вѳрсѳ ѳзтасны. Этша ѳмѳй овлѳны пѳжарьясыс. Думыштан, да йирмѳг босьтлѳ. Но мича вѳр-ва вылын дыр жугулявны он вер-мы. Ми тѳдѳм — водзын, юлѳн веськыд да шуйга берегьясын ми-янѳс кутасны паныдавны мукѳд вѳр керкаяс, кодъясѳс кыпѳдлѳма-ѳсь бурѳ эскысь сьѳлѳма войтыр. Найѳ корѳны ас дѳнаныс:

— Пырав ветлысь-мунысь, шойч-чышт!

керка дорѳ. Тасянь медя матысса сиктѳдз кыксѳ кымын километр. Синьяс водзын паськѳдчис ыджыд-сьыс ыджыд еджыд видз. Тайѳ — Тытвад. Ылын лѳзалѳ вѳртас, ты-лѳн мѳдар берегыс.

Керкадорса пуяс вылын котра-лисны уркайяс, пыстаяс, джиян-ьяс, пуксьывлисны вевт вылѳ, берга-лисны кокъяс улын. Тыдалѳ, на-дейтчисны чѳскыд гѳснеч вылѳ.

Бура дыр ковмис мездыны лым толаысь керка ѳдзѳс. Колим сѳтчѳ нолаяс, а асьным ѳдѳѳджык ты вылѳ.

И збылысь, Тытвад миянѳс эз



ылөд. Көть вөлі турөб, паськыд эрд вылын шувгысь төлыс веськы-да пөрөдс кок вылысь, но медвод-дза резысь жө шеде ыджыд ёкыш. Мөд, коймөд. Найө вөліны дзик өткодьось, быттьө кодкө бөр-йөма йи улас. Тадзи жө вөлі и мөд луннас. Но медся шензьөданаыс, вөлөмкө, виччысьө водзын.

Лөктім вөр керкаө, ломтім пач. Рөмдс нин. Төлыс ланьтс да пук-сис чөв-лөнъ. Өдзөсысь да стенас розысь пуркйө-петө тшын. Кури-

чам керка дорын, виччысям, ме-дым горйыс ваймас. И друг:

— Бр-эек-кек!

Дзик орччөн. А сэсся эдук мыс-ти, мөдэр боксянь:

— Вэк-брек-кех!

Коді нө тайө? Кодлөн татшөм мисьтөм гөлөсыс? Сэтшөм шуш-төм горзөм кылө быдласянь, көть пышйы. Он и чайт, мый тайө бай-дөгъяс. А горзисны, дерт, найө. Тулыс. А асьныс еджыд паськөм-над лым вылад оз тыдавны.

Асывнас, кор енэжыс пондс лө-завны, ми бара петім ты вылө. Му-нім километр мында и...

— Курли-ли-ли!

Мыйс нө лэбачьяс пуксьөмаөсь Тывтадлөн эрд вылас? Да өд тайө таръя! Койтөны асланыс көлысь вылын. Абу өти да кык, а кызысь унджык. Ылынджык нөшта на ты-далөны. Пукалөны, виччысьөны тышкасян кадсө.

— Со, видзөд! — горөдсны ёртъ-ясөй.

Первойсө немтор эг гөгөрво. Ку-тшөмкө сьөд чутъяс төвзёны еджыд эрд вывтс. Да тайө жө бай-дөг! Ачыс омөля тыдалө, а бөж-сыс сьөд гөнторьясыс вералөны.

А сэсся лун шөрланъ лоис нөш-та өтигор. Ми мудзим нин да лөня кыйсим пискөдөм розьяс дорын. И друг кыскө зэв матө жбыр пук-сис гөрд синкымъяса ай тар да кутс сюся видзөдны миян вылө. Тыдалө, чайтс, мый ми танс кой-там жө... Сэсся казялс ылапөмсө да пуркнитс береганъ.

Ме дыр ог вунөд Тывтадөс. Ним-кодъ, мый эмөсь на зверь-пөткаөн татшөм озыр местаяс.

Серпасалис А. Мошев.

Мамлы

Сиктын тэд первойон лёк юөр воис,
кось вылысь верёс эз бергөдчы бөр.
Комын нель арёссиянь дөваён колис,
керка тыр челядь, горзы көть бөрд.

Мед ичөт кагалы ар джын на сөмын,
ыджыдлы — дас нель, кызд кужан ов.
Удж вылө тэрмасын, ывла на рөмыд,
локтан бөр вой шөрлань, перьян
нянь-сов.

Ветлөдлан — довийөдлө сөйлытөм вөсна.
Пессян да мырсян квайт челядя мам.
Кокйыв тай сувтөдін ставнысө өтнад,
ставныслы козыналін вежөр да сям.

Колины вояс, а сьёкыдыд мөрччис,
өні со юр вылөдз оз кыпты ки.
Мича смоль юрсиыд ззысьөн вөччис,
доймалөм сьёлөмыд сотчө кызд би.

Уна жө синва тэ, донай, кисьтін,
сир курыд шоглысь тай төдлін көр.
Колө поэма тэ олөмлы сины,
А ичөтик кывбурад ставыс оз төр.

КОРӦ ЫВЛАВЫВСА УДЖ

С е р п а с

Миян сиктным паськӧдчӧма асыввылӧ чужӧмбанӧн джуджыд гӧра йылӧ, Эжва юсянь неылӧ, асланым Носим ю пӧлӧн.

Гӧгӧр шы ни тӧв. Кыпыдпырысь мыччӧ доналӧм плешсӧ тувсовья шондӧ. Сийӧ зэв надзӧн катовтчӧ съӧд вӧрдӧ сайсянь, но бӧрын-джык ӧддзӧ, збоя кыпӧдчӧ енӧжӧ.

Асья шы ни тӧвсӧ торкӧны петукьяслӧн есь гӧлӧсьяс да водз олысь кӧзайкаяслӧн ведраясӧн гольӧдчӧм.

Тадзи шондикӧд тшӧтш заводитчӧ выль уджалан лун. Кадыс сӧмын на вит час, а ю дорӧ ӧти бӧрся мӧд лӧччалӧны нин вӧр лӧдзысьяс.

Паськыда ойдӧм ю ыркыда пӧлыштӧ унзыль чужӧмьясӧ да регыдӧн дзикӧдз вӧтлӧ ки-кок лямбылӧмтӧ.

Юным миян гожӧмнас зэв векни да ляпкыд, а ӧнӧ со любӧ видзӧдны, гӧгӧрбок шылыд, ӧтлаасьӧма Эжвакӧд.

Рабочӧйяс чолӧмалӧсны ӧта-мӧднысӧ, сӧеся, кор чукӧртчисны ставӧн, заводитӧсны пуксявны пыжъясӧ.

Пыж моторьяслӧн рӧвнӧя торгӧмыс да кадысь-кадӧ гораа эркнитлӧмыс вӧтлӧны асья чӧвлунсӧ.

Водзынджык кывтысь пыжъяс вошисны нин син водзысь, сӧмын йӧлӧгаыс век на тангӧ юбокса раскӧ. Корсюрӧ миян пыжным кежлӧ ю визьсьыс да шлывгӧ ойдӧм видзьяс вывтӧ, пьськӧдчӧ няр бадьяс да пашкыр козьяс костӧ.

Асья здукьяснас нимкодясигӧн эгӧй и казявлӧй, кор матыстчим кер бунтыяс дорӧ, воим уджалан местаӧ.

Пыж моторсӧ кусӧдӧм бӧрын дыр на пельясын жуньгис-кылис моторлӧн сяргӧмыс, а джуджыд нӧрыс йылын, эстакадаяс весьтын, дзольгисны уна пӧлӧс шыясӧн лӧбачьяс.

Кутшӧм лӧня! И кутшӧма лӧсялӧ тайӧ лӧня лӧбачьяслӧн дзользьӧмыс. Дзик эстакадаяс весьтӧ ӧшӧдчӧма банйӧм чужӧма шондӧ. Ӧнӧ сынӧдыс дзикӧдз вежсис, ӧвтӧ коз вӧрлӧн чӧскыд сир дукӧн да корсюрӧ станциясянь тӧвру пӧлыштлӧгӧн чӧскыд кӧрыс вевттысьлӧ бензин да солярка дукӧн.

— Но вот и бара удж вылынӧсь,— кокниа лолыштӧны рабочӧйяс да, ӧбед тыра сумкаяссӧ будкаӧ ӧшлӧм бӧрын, пуксьыштлӧны недыр кежлӧ. Папирснысӧ кыкысь-куимысь кыскыштлӧм бӧрын найӧ бӧр зӧля чеччалӧны, пуджӧны дӧрӧм сосьяснысӧ, а кодсюрӧ и пӧрччӧны дӧрӧмьяссӧ и гажаа шмонитӧгтыр разӧдчалӧны быдӧн асланыс уджалан местаӧ.

Со, кылӧ, электромеханик заводитӧ станция. Сылӧн ыджыд шумыс поткӧдис сынӧдсӧ и торкис мичаа дзольгысь лӧбачьяслысь сылӧмсӧ. Найӧ заводитӧсны чӧла бергавны миян юрьяс весьтын, быттӧ тшӧтш ышӧдисны зильджыка босьтчыны уджӧ.

Станция сяргис аслас оръявлытӧм ӧдӧн, эстакада кузя мӧдӧдчисны керьяс.

Электропилалӧн жиньгӧм шы пыр то ӧтилаысь, то мӧдлаысь кы-

лыштлісны гораа серөктыштлөмъяс, либө кодсюрөлөн мыйкө вомгор-улас сьылөм модаа нургыштөмъяс.

Тайö гажа ю нöрыссö важ йöз мыйлакө шулөмаөсь Слудаөн.

Тулысын ытва дырйи улыс складьсь кер чинталан эстакадаясыс веськалоны ва улö, и татчö ю йылö, öти тöлысь кежлö, быд тулыс ыстылöны куим вөр чинталан бригада. Коз да пожом вöрсö ыджыд ваөн кылöдам ю кузя, а кыз да пипу колям бунтъяс.

Көтө быдöнлы эстакада вылын индöма коды мый вöчны, öта-мöдлы быдөн зильöны отсышты. Керсö мерайтысь тэрыба сатшкөдö ичöтик чер нырнас, пуктö пасьяс керъяс вылö. Электропила вылö личкыштö кер чинталысь, и орома нин пуыс. Видзöдны зэв кокниа да пелька вöдитöны сьöкыд уль керсö увйысьысыяс, весиг мукöд дырйи кажитчö быттö оз керйөн ноксьыны, а ытшкöны лэчыд косаөн турун, сэтшöм нин кокниа öвтчöны черъясөн бригадаса нывбабаяс.

Керсö зильöны увйыны шылыда, весиг некытчö крукасьны стрöг приёмщиклы.

Увийм керсö бара жö зэв зия кватитöны крукъясөн. Сортируйтъясыс йөткалоны джуджыд гөра горувлань. Быттö ыргөнөн эжом пожом тупыльтчö бергалитырай да бузгысь-сунгысь вö. Визулыс öдйö сывйыштö керсö и неуна бок ногөн кыскö аслас туйöд. Любö уджавны тайö гажа кыпид местаас, көни уджыс кокниа мунö и сьölөм вылад долды.

Со быттö неважөн на кайим пыжъяс дорысь да заводитим кыр горулö шыблавны чинталөм керъяс, а öбед кад нин. Пузьöмаөсь ыджыд бипур весьтын чайникъяс, гора варкйöны-сяргöны вевтъяснаныс. Рабочöйяс меститчöны би дорысь ылöджык, медым чай юигмоз ыркөдышты пöсялөм мышъяснысö.

Вөр лэдысьяслысь варовитöмсö вевттö ылісянь локтысь МАЗ-лөн эргөм шыыс. Бара воис зэв мича кузь вөр. Кузь вöрсыйд и унджык кубометр петö. Радейтöны бур вöрсö улыс складын.

И со дженьыдик öбед бöрын бара öтвылысь босьтчöны сьöкыд, но лов бурмөдысь удж бердö. И кер бöрся кер дугдывтөг бара гылалö вö.

Шондыс водз асывсян нюмъяліс, бурмөдіс зиль войтырлысь ловсö, быттö сійö тшöтш отсасис йöзысы.

Рытыс тöдчымöнгья ыркнитіс и кызкö бара виччысьтөг сигөртчис уджалан луныс.

Кусөдісны электропилаяс. Эстакада вылысь торья нин зия йөткисны медбөрья чинталөм керъяс. А найö öдöба бузгысныс вö, быттö думсьыныс көсийсны сүөдны шлывгысь нин өртъяснысö.

Рабочöйяс дзеблалісны кер бунтъяс улö черьяс да крукъяс, клөнөдчисны чайник да кружкасьөн, и кор ставö лоис иналöма, пуксьылісны здук кежлö коді кер пом вылö, коді эжа вылö, артыштісны, уна-ö талун вöчöма, мый керны аски.

Шудаөсь да кыпидсь лэччам пыжъяс дорö. Мыш сайын öшалысь сумка кындзи, öтияс лэччөдöны ныв лыс чукөр, көзайкаяслы джодж чышкөд вылö, мөдъяслы кажитчöма шыбитөм пу йывъяс көрт зыр да вила воропъяс вылö. Куш киөн вöрысь некод эз лэчы.

Эстакадаяс весьтö пуксис шы ни төв. Шыөдчисны вылысь мича тулыс йылысь сьылысь лэбачьяс, чукөртчалісны асланыс пуяс вылö. Керъясөн жугөдөм кырайысь корсюрö пелькавлö да бузнитлö вö сьöкыд эжа пласт.

И ми тайö аслысьяма вöрса шы ни төвсö колям ас кежаным аски асылөдз.

ОЛӨМСӨ ВЕСЬКЫДА ТУЯЛЫСЬ

(Чингиз Айтматовлөн творчество йылысь пасйөдьяс)

Чингиз Айтматовс ляддбөны быдлаин: и миян странаын, и рубеж сайын. Мыйөн жө кыскө сьлөн прозаис ас днас ляддбысьсысьсө? Кыдзи сөвмис сьлөн творчествовыс да гижан сямьс? Видлам вочавидзын татшөм юалөмьяс вылас тайö статьяс.

Чингиз Айтматов чужис Киргизияын, Шехер кишлакын. Тайö кишлакыс поздысьма зэв мича Талас долинаө, кодөс нимөдөма киргизьяслөн паськыда төдса «Манас» эпосын. Челядь дырыс да томлун заводитчөмыс сьлөн колисны война воясө. Батьясылөн да ыджыдджык вокьясылөн пынельясын быдмисны Айтматовлөн тиөтшьяяс. Аслыс сылы ковмис дугдыны школаын велөдчөмысьс да уджавны сельсөветса секретарөн, налоговөй агентөн, учётчикөн.

Дас көкьямыс арөса зонөн нин сийө pyrö велөдчыны Джамбул карса зооветеринарнайö техникумө, а сийөс помалөм бөрын велөдчө Фрунзе карын сельхозинститутын. Сэсся заводитө уджавны зоотехникөн. Кыдзи аддам, сийө эз велөдчыв гижысьсө. Сьлөн төбөмлуньясыс да опытыс — олөмысь.

Айтматов аслас медводдза гижөдьясынысь жө кутис нуөдны тыш важыслөн лёк колясыскөд, лбжнайö видзөдлэсыскөд да национальнейö өдторчөкмөд. Сийө оз корсь шыльыд сюжетьяс, мольыд, синтө портана геройясөс, оз зиль гижны мода вылө видзөдөмөн.

Феодальнейö обычайяс серти олысь кочевөй народьяслөн, кутшөмөн вөлины и киргизьяс, ыджыдавлисны стрөб, чорыд законьяс, кодьясөс торкны некодлы эз позь. Венласян сямсө народлысь виймитөм могысь, озырьяс да вичкоса служитысыяс зилисны вужйөдны йзын кывзысьбөм да рамлун. Айтматовлөн геройясыс сийөн и бөстөны, мый вермисны венны ас пытшканыс тайö рабскөй рамлунсө. Торья нин тайö тыдовтчө нывбабаяслөн образьясын. На пивьс быдөн (Джамиля, Асель, Сейде) повтөг мунөны патриархальнейö оланноглы паньд.

Со, шуам, Джамиля, сийө жө нима повестысьс героиня. Ми төдам, мый верөс сайө петөм эз сет сылы шудсө. Джамиля тайөс регыд ясыда гөгөрвоис. Но со сылы паньдасьбө сөстөм мывкыда, пөся радейтсь Данияр, и на пытшкын чужө ыджыд, мича муслун, буретш та йылысь и мөвпавлис Джамиля. Сийө эз позвын важ феодальнейö оласноглөн колясысысь: йитис асысьс олөмө Данияркөд — тадзи вермис вөчны сөмын Октябрьөн мездөм нывбаба.

Ильяслөн да Асельлөн («Тополөк мой в красной косынке») ставыс артмис эз сизд, кызди Джамилялөн да Даниярлөн, кодьяс костын муслун гөрдзасис вочасөн. Тани жө, кызди тайө овлө томьяслөн, радейтчөм ыпнитис здукөн. И чайтис, мый Ильяс да Асель олөмын некутшөм трагедия оз вермы лоны. Но трагедия лөис.

Айтматов бура куужө петкөдлыны өния мортлысь пытшкөс сложнейö мирсө. Гижысь радейтө тэчны психологической конфликтьясө характерьяслөн чорыда зурасьбөм подув вылын. Асель — миян олөмлы вывт лөсылана да зэв эскөдана образ. Сийө оз көйси терпитныс обидасө весиг муса мортяны да мунө сы диньс. Ильяс паметьын сийө кольө оз коньбөрн, а гордөй аньбөн. Чайтсьө, Асель йылысь казтылөмьяс отсаласын Ильяслы веськавын, сөстөммыны.

«Мамлөн му» повесть озырмөдө советскөй литератураөс авья нывбабалөн нөшта өти образөн. Уна неминучая суныс Толгонайс. Война мырддис сылысь верөссө да кум пибө; кувсис Алман моньяс. Быттьө Толгонайлы олөмас сэсся немтор нин эз коль — сөмын шөгсы да дзуглясь. Но шөг век жө оз кусынт мамөс, югыдлы да бурлы вөсыса сьбөлөмыс сьлөн радлө йөзлөн шудысь, эскө югыд аскнө — таын повестьлөн оптимизмыс.

Джамиля, Асель, Толгонай... Унатор найөс өгүвтө, но быдөнилөн на повстьс эзм аслас обида, аслас торьялана сям.

Эм тыдалана йитөдьяс и Айтматовлөн мукөд гижөдьяс костын, сизд шуам, «Верблюжий глаз» висьт да «Лицом к лицу» и

«Белый пароход» повестыяс кыстын. Тайо гижѳдьясыс Абакирлыс, Исмаиллыс да Орозкуллыс образыас ѳтүвтѳ сийѳ, мый ставныс найѳ тырѳмайѳ лѳклунѳн, лѳгалѳны бур, сѳстѳм мыкыда йѳз вѳлѳ. Гижыс оз кырымав лѳкыскѳд мир, а пѳщада тѳд-тѳг нуѳдѳ сѳкѳд тыш.

«Верблюжий глаз» вѳстыс Абакир лѳкысла ку пиас оз тѳр. Сы синясын быд здук ыпьялѳ скѳрлун, вомыс сѳлѳн помала койѳ поньясын кывьяс, бытѳѳ мукѳд пѳлѳсѳ сийѳ эз тѳдлы. Торья нин яра сийѳ лѳкавлѳ сѳк, кор кодкѳ мыйѳнкѳ пановт-лис сийѳс. Сѳки бытѳѳкѳ эрдѳдлѳсны сы-лыс пѳж сямѳс.

Лѳк да мѳстѳмторѳ пѳткѳдлѳмыс сы вѳсна сѳгшѳм ыджыд пай босѳтѳ Айтма-товлѳн творчѳствѳин, мый найѳ кѳльѳны йѳз сѳлѳмьясын вѳвтѳ виана дояс да вурѳсыя.

«Лицом к лицу» повѳстын дезертир да прѳдатель Исмаил, кыдзи да йѳзыс ѳтдорт-чыс Абакир, вѳйпѳ асыѳ ѳткэлун вѳлѳ, дѳкмѳ, вѳчасѳн пѳрѳ немортѳ, заводитѳ кутны лѳг став мир ылас.

«Белый пароход» повѳстын Орозкуллѳн образыс водзѳ сѳвмѳдѳ йѳзыс ѳтдортчан темасѳ. «Мыйла ѳтияс лѳкѳсѳ, а мѳдыяс бурѳсѳ?»— юалѳ гижѳдас шѳр герѳй — дет-ника. Сы юалѳмын — мирѳс кыныда гѳбѳр-вѳом, мый ясыда тыдвѳтчѳ детникай тѳ-чѳм, бурлуѳн йнджтысѳм мойдын.

Вѳрса кордон Сан-Ташын ѳбѳездчик Орозкул лыдѳѳ асыѳ вежны пѳзытѳм кѳ-зынѳн. Ставнысѳ, кодѳ олѳ сѳкѳд ѳлаин, сийѳ кутѳ кѳрт кыясын. Юѳм бѳрныс «та-йѳ ѳш кодѳ мужикыс йѳймылис шогысла да лѳкысла». Дугдывтѳг карапужитчыс Орозкуллѳд орчѳн вѳвтѳ сѳкѳд овын. Но век жѳ олѳны, кыв шутѳг терпѳтѳны сы-лыс ыджыдалѳмсѳ, пѳйтѳмсѳ, прѳчайтѳны сылы ставсѳ. Повѳстыя герѳй, детника, мѳвпалѳ та кузя: «Мыйла прѳститнысѳ? Татшѳм вайтырсѳ оз пѳзы прѳститны. Сийѳ лѳк, пѳж морт. Ковтѳм сийѳ тани. Сытѳг пѳзы овын». Гашкѳ и «Лицом к лицу» повѳстын Сейдѳс буретш татшѳм сѳма мѳвпьясыс ышѳдѳсны кыпѳдны юрсѳ да ян-ѳдчыны верѳс-прѳдательскѳд. И том зон Кемель («Верблюжий глаз») эз кут вѳч-чысны, кор мукѳдьяс кѳртвомаласны Аба-кирѳ да повтѳг панѳс сѳкѳд тыш.

Айтматовлѳн став гижѳдьясыс тыр-бу-рѳсѳ, но век жѳ на пѳвѳстыс медтѳдчанаяс-нас колѳ лыдѳдыны «Первый учитель» да «Прощай, Гульсары!» повѳстыя. Тайѳ гижѳдьясыс ышѳданаѳс, тышѳн йнджтыс-наѳс. Первойѳ чайтѳсѳ, мый тайѳ повѳстыяс пѳткѳдлысѳ олѳмыс ѳтка йѳз-лѳн — пѳрыс велѳдыс Дюйшенлѳн да пѳ-рыс чабан Танабайн. Но мыйга тайѳ олѳмьяс пѳзы казвѳны быд мортлы лѳ-сяланасѳ, ѳбѳечелѳвѳскѳйѳс!

«Первый учитель» повѳсть кѳсѳдѳ мянѳс кызыд вѳясѳ, буретш сийѳ кадас, кор кир-гизьяс медводдзасыс тѳдмасны вѳль олѳмѳн, Ленин видѳдѳдлѳсыяслѳн вынйѳрѳн. Но тайѳ гижѳдыс не сѳмын кызыд вѳяс ймылыс, сѳдз жѳ кызд Шолоховлѳн «Под-нятая целина» абу куш комынѳд вѳяс йн-

лыс. «Первый учитель» веськыда инѳм и мянж кадѳ. Сѳлѳн герѳйыс — вѳль социа-листѳчѳскѳй ѳбѳѳство кыпѳдѳсыясыс ѳти. Оз горшлун ыштѳд сийѳс, а революцияѳ эскѳм да сылыс могьясѳс олѳмѳ пѳртны зѳлѳм.

Медтѳдчанаыс, мыйѳн босѳтѳдѳ сѳлѳмтѳ велѳдыс Дюйшен — асыс долгѳ пѳдѳ-сянж гѳгѳрвѳом да йѳзѳс ѳна радейтѳм. Сѳкѳя ыли кызыд вѳясын медколѳнана-с вѳлѳ не сѳмын чуйѳдѳдны бать-мамѳс, мед найѳ ыстѳны чѳлядыѳ школаѳ, но сѳдз жѳ и гѳгѳрвѳодны найѳс, мый тайѳ ставыс бур вѳлѳ вѳчсѳѳ. Чѳлядыѳ велѳдѳм Дюйшен лыдѳѳ Сѳветскѳй властьлѳн шѳр могѳн. Сийѳ зѳлѳ ѳзыны чѳлядыѳс тѳдѳмлуныяс босѳтѳм вѳлѳ. Бѳрынджык, мѳвпалѳ сийѳ, тайѳ делѳсѳ нуѳдасын водзѳ мукѳд. Сѳкѳя кадѳ велѳдысылы ковмылис ыджыд повтѳм-лун, сы вѳсна мый «тѳ менѳ эн вѳрзѳд и ме тѳнѳ ог» принцип сѳрти эз пѳзы сийѳ вѳясѳ овын. Дюйшен не сѳмын велѳдѳс чѳля-дыѳс. Сийѳ тышкасыс на вѳсна. «Ме кѳ эсѳ-кѳ бурджыка верми велѳдны чѳлядыѳс,— шулис сийѳ,— мѳд кѳсѳйѳм мѳнам эскѳѳ эз вѳв».

Кор школа улѳ важ сарай вѳлѳ дасѳтѳ-ма, Дюйшен заводитѳ асыс медводдза урок. Тайѳ урокыс гашкѳ и велѳдан мето-дика бѳкѳяны эз тырвѳйѳ лѳсыя, но чѳлядыѳ вѳкѳрѳ да сѳлѳмѳ сийѳ тшунисыс век кѳж-лѳ. Дюйшен пуксѳдѳс велѳдчысыясѳс весь-кыда джоджѳ, вѳльсаѳлѳм идзас вѳлѳ, сѳтѳс налы тетрадьяс, карандашыяс, пѳвторьяс, мед кѳкниджык вѳлѳ гижынысѳ. «А сѳсыя Дюйшен пѳткѳдлѳс рѳч мортлыс портрет. «Тайѳ Ленин! — шуис сийѳ. — Ми кутам о-вын и велѳдчыны кыдзи Ленин».

Уна ѳткѳдыс Дюйшенлѳн да Танабай-лѳн («Прощай, Гульсары!») олѳмѳясын. Дюйшен моз жѳ Танабай зѳлѳ ордыны кадѳс. Быдторѳ тѳрмасѳѳ вѳчны ѳдѳй-джык, и оз аслас вѳгѳда вѳсна, а медым йѳзѳѳ ѳдѳйджык шудѳн козынавын. Та радн сийѳ уджалѳ асыѳ жалитѳгѳ, та ради кыпѳдѳ колхоз, сѳсыя квайт во дорыв водзасѳѳ чужан му вѳлѳ усѳкѳдѳм вѳ-рѳгкѳд. Коммунист Танабайѳс некѳр эз кыскав кѳкни, тѳждѳтѳм олѳм: сы морѳсын тѳпкис пѳсѳ, ѳвсытѳм сѳлѳм.

Бѳрѳя гижѳдьясыс ѳтнын, «Белый па-роход» повѳстын, писатель бара шыѳдѳѳ чѳлядыѳрсыс сѳстѳмлун да кыпыд кѳсѳйѳм-ьяс тема дѳнѳ. Тайѳ темасѳ гижыс видѳла-влѳс и аслас воддза повѳстыясыс. «Джам-илян» зонка Сеит сувтѳ Джамила да Да-нияр дор сы вѳсна, мый вѳль ногѳн гѳгѳр-вѳ олѳмсѳ и оз кѳсын шѳдны важ, бѳрѳ кѳльѳм ѳбѳчайяслѳн вѳзѳѳ.

Айтматов ѳтчѳд гижлис: «Чѳлядыѳ сѳвѳсть мортны, бытѳѳѳ кѳйдысын зарѳдыш, сытѳг кѳйдыс оз чуж». Гижыс эскѳдѳмѳн пѳт-кѳдлѳ, мыйыс тѳчсѳѳ мортлѳн сѳмыс, вѳ-жѳрыс, авѳялуныс лиѳѳ лѳклунѳсы. Сийѳс, мыйѳ верствѳяс велѳлѳмѳсѳ, том сѳлѳмѳ-ьяс, мѳдарѳ, мустѳмтѳны; лѳктор найѳс ун-джыкысыѳ дойдѳ да лѳг пѳткѳдѳ. Олѳмыс-лы лѳсыявѳтѳмѳ да ковтѳмѳн лыдѳѳ лѳкѳсѳ «Белый пароход» повѳстыс детника. Сийѳ думнас лѳсыѳдѳ еджыд пароход ймылыс

легенда, чайтö асыö чери-мортöн, падъяв-тöг эскö Сюра Мам-көр йылысь мойдö, öти кывйöн кө, «сорлалö вемöссö мөвпнас лö-сьöдлөм серпасьяскöд». Момун пöлысь сы йылысь думайтö: «Весьт кузя и эм, а аслас сям нин».— А медтöдчанабн зонка сямын вöлi веськылдунö сетчöм: весиг изьяс аслас ворсöмын сийö юклis «лөкьяс» вылö да «бурьяс» вылö, дзоридзяс пöвстись медъяна мустöмтлis, кызди ассысь вөрөгьясöс, пмака йөнъясöс, а ситунунöс радейтлis сы сюсьлунысла да долыдысла. Та вöсна абу шензяна, мый детинкалы окота тöдны: «Мыйла öтияс бурöсь, а мөдьяс лөкөсь? Мыйла эмöсь шудаяс да шудтöмьяс?»

Олöмьс детинкалөн орö трагичнöя. Быт-тö аслас мойдас, сийö чериөн кывтö ю кузя, медым некор эсся не воны бөр. Та

вылö видзöдтöг, тайö джуджыд философскöй мөвпяса повестысь оз уськөд надея воштана шөгö, а чужтö лыддысьсысьсын Орозкуляс сям олөмсö пежалысьяс вылö лөглун, вöсьтö морт сёлөмлысь озыр-лунсö да бурлунсö.

Чингиз Айтматовлөн статьясысь öтиын лыдьям: «Довженко шулis: олөм чөж фильмяс вылын уджалөмөн ме лöсьöдi ассым партийнöй билет. Ме тази жö гө-гөрвоа партийностьсö: мед сы йылысь вись-талö быд гижöм лист бок, кызди нюжөдөм бөрöзда, кызди бөсьтөм высота».

И збылысь, Ленинскöй да Государственнöй премияса лауреат Чингиз Айтматовлөн творчествоис ставнас йиджтысьбма пöсь, миян луньясö шыöдчана партийностьөн.

Миян шуд вöсна Усьöм коми гижысьяслы

Май 14 лунö И. А. Куратов нима литературнöй музейын вöлi шыа-гыа, öдва тöрмөн йöза. Сэтчö волisны гижысьяс, журналистьяс, культуран уджалысьяс, пенсионерьяс, велöдчысьяс, война вылын усьöм коми гижысьяслөн рөдвужыс. Здукөн лoис шы ни тöv. Буретш налы, Великöй Отечественнöй война вылын миян ыджыд шуд вöсна пöгибнитöм коми гижысьяслы сийма казтылан пöv, кодöс вöсьтisны музейын. Пöv вылö дзирдалысь шыпасьясөн гижöма нимнысö налысь, кодi эз вермы локны асланыс муса гортö, радейтана Комиö.

Василий Елькин, Ананий Размыслов, Яков Чупров, Владимир Латкин, Иван Симаков (Сим Вань), Иван Осипов (Вокан), Михаил Шестаков, Александр Габов (Гриш Саш), Иван Подоров, Иван Титов (Тит Паш Вань)— пөж вөрөглөн пуля помысь усьöм тайö войтырыс колисны миянды, вылөн быдмөм-туөм войтырлы, книгаяс, поэмаяс, кывбурьяс... Вылö, аскиö чукалысь налөн творчествоис колис овны да служитны народлы, Рөдиналы, найö дорйөн-видзөн и талун «горизонт таласö», кызди шулis В. Елькин.

И мед жö оз вунны найö, кодьяс ыджыдсысь-ыджыд Победаö, ярьюгыд лунсö матыстөмö пунктisны ассыныс пай, мед жö оз вунны налөн тыдаланаджык гижöдьясыс.

Казытылан пöвсö вöсьтигөн та йылысь сёрнитisны Василий Леканов, Иван Изъяров, Серафим Попов, Владимир Попов, мукöд. Пöвсö вöсьтөм вылö волөм пионерьяс лыддисны Победалы, талуньясö дорйысьяслы сийм кывбурьяс.

И. А. КУРАТОВЛӨН ӨТИ КЫВБУР ЙЫЛЫСЬ

И. А. Куратовлөн эм өти кывбур, кодөс сийö вуджөдлөма мөд кыв вылысь.

Кельдö пу кор, симö шондi,
 Енвевт лым нин вöзйö:
 Юнкер Шмидт зев повны пондiс,
 Асьсö лыйны кöсйö.

Сулав мывкыдтöм! Лым сылас!
 Лёк вежсьылö бурөн...
 Кывзы, юнкер Шмидт, бур кылдöс:
 Бара ловзяс турун!

Ачыс И. А. Куратов индöма рукописяс, мый тайö кывбурыс немецкöй поэт Генрих Гейнелөн. Сидз сийöс пасйöмабсь и И. А. Куратов книгагасын — «Гейнелөн». Но тайö абутадз.

Неважөн профессор В. И. Лыткин кöс-инс стöчмөдны И. А. Куратовлысь вуджөдөм кывбурьясö да сы моговь гөгөрбок төдмасис Г. Гейне гижөдьясөн. Унджык кывбурьясö, кодөс вуджөдлiс И. А. Куратов, сийö аддзис. А вот кывбурыс, кодөс ми вайөдiм вылынджык, Гейнелөн эз вöв.

1972 воын В. И. Лыткин вöчис доклад Куратовскöй лыддьöмьяс вылын «Генрих Гейне И. А. Куратов поэзиясы». Тайö доклада профессор шуис, мый Куратовлысь кывбур «Кельдö пу кор, симö шондi» öдвакк поэзö лыддьыны Гейне серти переводөн.

Сидзкö, кывбурыс абу Г. Гейнелөн. Кодлөн нö эськö? И мыйла И. А. Куратовлөн сийöс сэтшöм стöча пасйöма — «Гейнелөн»? Колö вöли төдмавны тайöс. Мем помнитсис, мый уна роч поэтыс XIX нэмын зi-лисны гижны Гейне моз да вуджөдлiсны и сылысь кывбурьясö. Ме кутi видлавны кывбур чукöрьяс роч поэтыслысь, кодьяс олiсны XIX нэмын. И со, неважөн мем сюрис кывбур, кодөс ме корси.

Вянет лист, проходит лето,
 Иней серебрится.
 Юнкер Шмидт из пистолета
 Хочет застрелиться.

Погоди, безумный! Снова
 Зеленъ оживится...
 Юнкер Шмидт! Честное слово
 Лето возвратится.

Кывбурсö гижлiс роч поэт Алексей Константинович Толстой 1854 воын. Тайö кывбурсö и вуджөдлөма коми кыв вылö И. А. Куратов.

Но мыйла нö сийö пасйöма тайö кывбурсö, кызд быттö сийö вуджөдлөма Гейнелысь? А со мыйла. Тайö кывбурсö перво-йысь вöли йöзөдöма «Современник» журналын 1854 воын мөд номерас, кызд пародия на вылö, кодьяс зiльöны гижны Гейне моз. Стöчджыка кö висътавны, абу дзик журналас, а журнал дiнас содтöдын, кодi вöли шусьö «Литературнöй ералашөн». «Литературнöй ералашас» вöли раздел «Досуги Козьмы Прутова». Вот тайö разделас и вöли печатайтöма кывбурсö. Авторыс гижöма кывбурсö да төдчөдöма — «Гейнелөн» — эскасны пö али оз. Лыддьысьсысяс, дерт жö, эз казавны, мый тайö кывбурыс абу Гейнелөн — стиль сертигыс вывтi матын сийö поэтлөн кывбурьяс дiнас, — и вöли лыддьöны, мый тайö Гейнелөн кывбур. Сöмын сёрнджык, Куратов кулөм бöрын нин, вöли стöчмөдöма авторсö.

Со кызди тайö лои. 1884 воын медводдзаысь вöли йöзөдöма гижөд чукөр Козьма Прутовлысь. Кызди төдса, тайö ним улас XIX нэмын кумим гижысь: Алексей Константинович Толстой, Алексей Михайлович Жемчужников да сылөн вок Владимир Михайлович Жемчужников, — печатайтлiсны «Современникын» асьыныс пародияяс, пьсаяс, кывбурьяс, басняяс, эпиграммаяс, кöни зев чорыда серавлiсны эскай официальной царскöй учреждениеяс вылын, сямтöм стихотворецьяс вылын, романтичesköй мечтательность вылын...

И кор тайö гижөд чукöрыс лои дасьтöма, колö вöли индыны, кутшöм кывбур, пьса, либö басня код гижысьөн вöли лöсьөдлөма. Сэк Алексей Жемчужников и индiс авторсö — Алексей Константинович Толстойсö.

И. А. Куратов тайö кывбурсö вöли вуджөдöма коми кыв вылö сэк, кор сийö велөдчöма на Вологодскöй семинарияын — 1857 воын. Сийö, кызд и мукöд лыддьысьсысяс, тыдалö, вöли эскöма жö авторыслы, сы вöсна и индöма вöли — Гейнелөн пö.

Но И. А. Куратовлөн тайö öшыбкакыс мянлы вывтi дона — сийö сетö позяндун стöча висътавны, мый поэт семинарияс велөдчигөн лыддьылөма медся передöвöй революционно-демократичesköй журнал «Современник». А. К. Толстойлөн кывбурыс вöли печатайтöма сöмын «Современник» журналын, и сöмын сэтгысь вермис аддзыны И. А. Куратов тайö кывбурсö, меддым вуджөдны сийöс коми кыв вылö.

КВАЙТ СЮРС ВОСАЙСА ОЛОМ

«Адзисе руч кыз сирпу улысье горс, кедийс муас гу да вöчис сэтчö аслыс поз. Шондiа гожеся лунö чужис сылөн нель пи. Найö сэтшöм мичаёсь: пельясыс налөн ёсьёсь, ныръясыс да вом доръясыс сьödöсь, бöжъясыс вижöсь, а бöж помъясыс еджыдöсь... Видзöдö на вылö ручильöй да сьölöмыс сылөн нимкодьясь...».

Тайö абу челядьлы гижöм мойдлөн либö висятлөн заводитчöмыс, а кыз, комын печатнöй листа, научнöй книгагысь бöрийöм юкөн, кöни гижма тайö висьтсö кызы кыв вылын, код вылын сёрнитöны мян кадö финн, манси, удмурт, хант, мордва, венгр, коми да мукöд кывъя йöз.

Став тайö кывйыс рöдвужаёсь мöдa-мöдныскöд, коркö, вит сюрс воён войдöрджык, став тайö йöзыс сёрнитлöмаёсь öта-мöднылы гöгöрвоана кывйөн — финн-угор подувкывйөн да овлöмаёсь öтлаын.

Кыксö во сайын чужис наука, кодi пырöдчис финн-угор торъя кывъя йöз история, археология, фольклорö, налыс сёрнисö да йöзлыс пытшкöсса культурасö тöдмалöмö. Öни тайö наукаыс паськыда нималö мирын, сийöс шуöны финно-угроведениён.

Финно-угроведение наука подувкöд тöдмöдöмлы и сйöма тайö книгагö, кытыс ми заводитим лыддыны руч йывсыс висьтсö. Йывисыш шусьö «Основны финно-угорского языкознания. Вопросы происхождения и развития финно-угорских языков». Лэдзöма книгагö Москваын, 1974 воын.

Книгагö лэдзигөн бура ыджыд удж вöчис коми поэт да нималана учёнöй — кыв велöдысь профессор Илья Вась. Сийö лöсьöдiс книгагыс тöдчана юкөнсö, кöни висьтавьö финн-угор кывъя йöзлөн сёрнитан шыяс йылысь, налөн сöвмöм да вежсьöм йылысь.

Илья Вась сiдз жö редактируйтiс книгагö дзоньнас да отсалiс лöсьöдны мукöд юкөнтьясö. Тайö уджас ыджыд пай пунктисны Венгрияса учёнöйяс: Редзи Карой, Гуя Янош, Шал Эва, Эстонияыс: А. Каск, А. Лаанест, Карелияыс Герт Г. М., Москваыс: Май-

тинская К. Е., Феоктистов А. П., Тепляшина Т. И. да мукöдыс.

Тайö книгагыс восьтö пемыдыслысь öдзсесö зэв пыдiса кадö, мян лунъясыянь вит сюрс во бöрöджык да тöдмöдö лыддысьсысьсö сэкъя оломкöд рöдвужа кывъяс öта-мöдыскöд öтластитöмөн, археология, палеоботаника, фольклор, йöзкостса музыка мытчöдыс вылö мыджсьöмөн.

Татшöм ногөн учёнöйяс вермисны тöдмавны финн-угор подув-кывлысь чужанiнсö да пасйыны сийöс Волга да Кама öтлаасынiнын, урчитисны сiдз жö сёрнисö мян зэв важса пöльяснымлысь да пöчынымлысь, сёрнитан шыяслысь лыдсö, кывъяслысь артманногö, сёрникузяслысь тэчасногöс.

Таясь öтдор, финн-угор сёрни самодий (ненец, энец, селькуп, нганасан) кывъяскöд öткодьялöмөн учёнöйяс воöны öти кывйö сыын, мый самодий кывъя йöз да финн-угрыяс овлöмаёсь öтлаын квайт сюрс во сайын кöнкö Рытывыв Сибырын, Öбь ю пöлөн.

Артавьсö нельсö сайö кыв, кодi юртö öтмоса финн-угор да самодий сёрнин. Шум, татшöм кывъяс, кыззи ньыв пу, сус пу, коз пу, ниа, борд, мус, кыв, сыв да с. в. ёна матыньс шуанног сертисы самодий да финн-угор кывъясын.

Сийö öтласа кывйыс, кодөн сёрнитлiсны финн-угрыяс да самодий кывъяс, вöли урал подув-кыв.

Вайöдсёны юөртöмъяс сы йылысь, кутшöм йитöдыяс вöлины урал подув-кывлөн мукöд сикас сёрниа йöзкöд: юкагирьяскöд (öни олоны Колыма ю пöлөн), алтай кывъяскöд (татара да монголъяслөн важ пöльпöчыясыс), инд, иран да мукöд кывъяскöд.

Тайö книгаас гижысыяс зэв пыдiсянь да паськыда гöгöрвоöдöны, кыззи да мыйла пазалис урал подув-кыв торъя финн-угор да самодий юкөнтьяс вылö, а сёрнджык финн-угор подув-кыв пазалис торъя чукöръяс вылö, кыззи найö разöдчисны мöдa-мöдсыныс да воисны мян кадö ашöр кывъясөн, ёрта-ёртсыныс ёна торьялöмөн.

Книга помас вайодма 486 торъя кыв, кодъяс отлааститчоны онія финн-угор да самодий кывъяскөд, да сетма налыс архетисö — сийö кывсö, кодi вöдма öтувъя-он, став урал кывъя йöзлы да юргылöма 6 сирсö во сайын сiдзи, кызси öни сийöс артмодöны учёнöйяс.

Финно-угроведениелы XVIII нэмын пöдүсö пунктисны тöдчана кыв велöдысъяс — венгръяс Шайнович Янош да Дярмати Шандор. Ёна нималöны и финн Шёгрен да эстонец Видеманн, кызд финн-угор кыв тöдмалысъяс.

Тöдчана пай тайö наукасö сөвмөдмө пунктис и Матиас Кастрен, кодi ассыс дженьд нэмсö синс самодий кывъяс велöдöмлы, вöли сийö и коми йöз костын, тöдмасис изьва сёрнибн, та сёрни вылö мыджсöмөн гижлис коми кывлыс грамматикасö латин кыв вылын.

Финно-угроведение велöдöмын паськыда нималöны венгръяс: Регули, Хунфальви, Буденц, Мункачи, Синнэи, финнъяс: Альквист, Паасонен, Сетяля, Генец, Виухан, Канисто да мукöд, кодъяс ассыныс став олöмнысö сиисны торъя финн-угор кывъяс да сёрнисикасъяс тöдмалöмлы, финно-угроведение наука сөвмөдöмлы.

Октябрьскöй революция бöрын вöвлöм Россия империяын ловзисны увтыртлөм йöз, кызвын финн-угор кывъяс кутисны ас кыв выланис велöдчыны, гижны книгаяс. Советскöй кадö на пиыс быдмисны да сөвмисны финно-угроведение наукаын водзмöстчыс йöз: Б. А. Серебренников, П. Аристэ, П. Алвре (эстонецъяс), Галкин И. С., Грузов Л. П., Гордеев Ф. И. (мариецъяс), Тараканов И. В., Кельмаков

В. К. (удмуртъяс), Цыганкин Д. В., Феоктистов А. П. (мордва), Илля Вась, А. С. Сидоров, Е. С. Гуляев, Г. Г. Бараксанов (коми) да мукöд.

Миан кадö нубдсöбны ыджыд исследованияс финно-угроведение кузя оз сöмын СССР-ын, Финляндияын да Венгрияын, кöни олöны финн-угр кывъя йöз, но и ФРГ-ын, ГДР-ын, США-ын, Швецияын, Францияын. Эмöсь финно-угроведение велöдн институтяс Австрияын, Англияын, Голландияын, Италияын, Монголияын, Норвегияын, Польшаын, Румынияын, Югославияын, Чехословакияын, Японияын.

Татшöм книгаыс, кöни вайöдсöбны ыджыд уджъяс уна учёнöйлөн, роч кыв вылын петö первойыс на.

Войдöр, 1922 воын, Синнеи Берлинын да 1965 воын Дэчи Висбаденын лэдзисны немецкöй кыв вылын финно-угроведениелы сийм книгаяс. Но найö вöлины ичöтöсь да эз тырвийö вермыны шымыртны быд бексянь тайö наукасö.

Тырымтöмторйис тайö выль книгаыслөн лöö сийö, мый лэдзöма сийöс вывти ичöт тиражбн — сöмын 1100 экз. Книга зэв öдйö разалис, и öни сийöс некытыс нин судзöднысö.

Колö чайтны, мый регыд выль пöв лэдзасны тайö книгасö, медым позис сийöс судзöдны быдöнлы.

«Наукаö нудан туйыс кузь, да морт олöмд дженьыд». Татшöм шусьöг воö юрад, кор лыддян «Основы финно-угорского языкознаниясö».

Тайö книгаыс чуксалö том йöзöс сины ассыныс вын-эбсöс финно-угроведение наукалы, сөвмöдны сийöс.

Колис бур киподтуй

Нималана роч учёной Павел Иванович Саввантов колис ас бѳрас наука уна юкѳнын (краеведение, история, археология, археография, этнография, кыв да литература да с. в.) уна интересной уджыяс.

Колян нэмса Россия Войвыв йлысь научной гижѳдьясын унаѳн веськыда индѳны, мый П. И. Саввантов эз этша бурѳо вѳч тпѳтш и коми народлы, вѳлѳ коми йѳзлѳн велѳдысьѳн, сьлѳн культура, грамота сѳвмѳм вѳсна тѳждьысьѳн.

П. И. Саввантов (1815—1895) чужлѳс Вологда карын священник семьяын. Вологдаса духовной семинария да Санкт-Петербургской духовной Академия помалѳм бѳрын 22 арѳса профессор бѳр локтѳс чужанинас, Вологдаѳ, кутѳс велѳдны духовной семинарияын.

Том профессор тайѳ кадьяныс нин бѳсѳчѳо научной уджѳ, уна лыддысьѳ, водзѳ кыпѳдѳ ассьыс тѳдѳмлугыясѳ, велѳдѳ йѳзлысь оланогсѳ, гижѳдѳ фольклорной произведениеяс.

1841—1842 восяѳ «Москвитянин» журналын сийѳ йѳзѳдѳ ассьыс медводдза уджыяс: «Вологодские песни» да «Дорожные заметки». Бѳрѳя статьяс эмѳс пасйѳдѳяс сэкса Усть-Сысольской уезд йлысь, интереснойѳс роч да комиѳн гижѳм мойдан кывъяс.

1842 воѳ Саввантовѳс бѳсѳтѳны некымын предмет кузя преподавательѳн Санкт-Петербургской духовной семинарияѳ. Танѳ учёнойлы вѳссисны гырысь поэялуньяс уджавны столицаса архивьясын, музейясын, рукописной фондьясын, окотаны-

рысь сийѳ сѳдз жѳ путешествуѳт Россияѳд, чукѳртѳ материалъяс аслас выль уджыяслы.

П. И. Саввантов выльысь лѳсьѳдѳс йѳзѳдѳм вылѳ «Великие Минен-Четы» (12 ыджыд том, кытчѳ пырис став религиозной литературы роч муын православной вера кыртѳмянь) да важ новгородской летописи «Временник», кѳнѳ сетесь Россиялѳн 11—18 нэмса история да культура йлысь озыр материал. «Временник» дзоньнас лон роч историалы подулѳн.

Уна вын сетѳс П. И. Саввантов сѳдз жѳ коми история, кыв, фольклор велѳдѳмлы. Сы кыяс пыр мунисны XIX нэмса учёнойясыѳн гижѳм коми кыв кузя уджыяс, грамматикаяс, словарьяс, рочысь коми кыв вылѳ вуджѳдѳм церковной да мукѳд книгаяс. Выд удж кузя сийѳ зѳлѳс сетны индѳдьяс, медым бурмѳдны, кыпѳдны налысь тѳдчанлунѳ.

П. И. Саввантов медводдзаяс лыдын научной подулалѳмѳн йѳзѳдѳс XIV нэмса коми гижѳдѳяс. Стефан Пермскийѳн лѳсьѳдѳм медводдза коми азбука да с. в.

Коми йѳзлы роч кыв выльысь вуджѳдѳс кык колана брошюра «Наставление об оспопрививании» (1845 во) да «Поучение о вреде пьянства» (1848 во). «Наставление»-ыс вѳльной эконолической общество наградитѳс авторѳс зарни медальѳн, мѳд уджысьыс сетѳсны Уваровской премия.

1850 воѳ печататьыс петѳс вель ыджыд кык удж: «Грамматика зырянского языка» да «Зырянско-русский и русско-зырянский словарь». Наукас Академия лыддѳс коланатайѳ уджыяссьыс сет-

ны учёнойлы Демидовской премия.

Грамматикаас автор вайѳдѳ коми кыв вылын мойдан, сьылан, бѳрдѳдчан кывъяс, пословицаяс, поговоркаяс.

Некымын во чѳж П. И. Саввантов чукѳртѳс тайѳ материалсѳ. Вологдаса духовной семинарияын велѳдѳгѳн сылы отасисны коми семинаристъяс, сѳся ачыс учёной кык пѳрийѳ колѳс Коми крайѳ (1841—1846 воясѳ), вѳлѳ Усть-Сысольскын.

«Вологодской губернской ведомостьясын» И. А. Куратов гижлѳс: «...Саввантов в этом сочинении представляет не комбинацию только того, что до него другие сказали о зырянском языке; книжка его богата материалами, им самим тщательно собранными и замечательным искусством распределенными».

Грамматикаын видлассѳ фонетика, морфология, синтаксис. Медводзаясь сетесьѳны грамматической терминъяс.

Автор эскѳдана петкѳдлѳ коми кывлысь аслыспѳлѳс грамматической стройлѳс, диалектъяслысь ѳтамѳдыскѳд йитѳдьясѳ. Медѳя важ да колана диалектѳн сийѳ лыддѳѳ кыв да слог помын JI букваа Сьыктыс вѳжса сѳрни (кыл — кыллѳн, ныл — ныллѳн, тѳл — тѳллѳн да с. в.).

«Зырянско-русский и русско-зырянский словарь» (15 тысяча гѳгѳр кыв) вѳлѳ бур содтѳдѳн грамматика бердѳ.

Коми кыв кузя Саввантовлѳн вылын индѳм уджыяссьыс лѳсьѳдѳсны зулыд подув ѳния коми грамматикалы, джудждамѳдѳсны да сѳвмѳдѳсны коми кыв водзѳ велѳдѳм, вѳлѳны вывтѳ колана пособиеясыѳн налы, кѳдьяс сѳблѳмяньыс зѳлѳсны тѳдмавын да велѳдны коми кыв.



КАЗЫТЫЛА СІЙӨ ЛУНСӨ

Ме олі сэки Сыктывкарын. Фашистской Германияс вермөм йылысь Москваса радио юртис май 9 лунся водз асылын. Кыдзи помнитсё, здук кежлө ставін чөв усылсны, а сэсся ылькнитис помтөм-дортөм радлун.

Коли часись не уджык... и кар шызис, уличаяс тырисны йөзбн, төдсаяс и төдтөмъяс кутчысьлісны, бөрдисны, нимкодясисны, шытөг синва сөдзтысис. Позьбө вөлі эськө лыддыны ставсө тайөс вөтөн, кызди пасыліс роч физиолог И. М. Сеченов: «вөвлытөм комбинациясын, эг кө ме ачым вөв свидетельён».

Татшөм пыдяснясь сьблөмөн и вежөрөн гөгөрвоны, кывны вежөртассө да радлунсө сөмын өти «Победа» кывлысь вермис народ, коді гөгөрвоис, мый вөсна сійө тышкасис, кутшөм довөн шедис сылы победаыс, кутшөм перспективаяс сійө востьтө сылы да мукөд странаысса уджалысь йөзлы.

Коми литературалы подув пуктысь Иван Куратов гижліс:

Сылан менам, сылан—
Мича автя пиб.
Дольда ме тэиө
Босьтлі мелі киб.

И збылысь, сійө асылө Сыктывкарса олысыяс лывкйөдлісны нор и кыпид сыланкывъяс. Сыліс став карыс: уличаяс вылын и площадыас вылын, клубъясын и олан керкаясын. Тайө сьблөмас мыйыс сөмын эз вөв — радлун и шөг, ас воиньясө радейтөм и врагөс мустөмтөм... Сьблөны и йөктөны, ворсөны гудкөн... Окасьоны... Мыйкө пөся висьталөны өта-мөдды...

Сьблөны да йөктөны быд пөлөс праздникьясө. Но 1945 вося май 9 лунся Победа лун вөлі менам оломын сөмын өтиөн, медся ыджыд праздникөн, коді ни сыөдз, ни сы бөрын эз вермы лоны өткөдөбн мукөдкөд.

Ставсө та йылысь гижны сідзи, медым вөрзис сьблөмыд, ме, гашкө, ог и сяммы. Но менсыым кө юалисны, мый медся ёна колис паметьтө тайө лунсыс, ме эськө вочавидзи: волнуйтчөм. Волнуйтчөм, енмыс төдө, кымын час чөж да кутшөм ногөн, кодөс позьбө вөлі аддзыны быдөнлысь, но шуны, висьтавыны сы

йылысь эн куж. И окота мөдысь шуны: татшөм волнучтөм вермис шымыртны сөмын йөзөс, кодьяс асланыс пельпомъяс вылын нуисны став сьбкыдлунсө, вермисны врагөс и бара востьтисны асланыс югыд туй тыр вир-яя оломо.

Думьясөн ме, дерт, бөр волі Ленинградө, көні меным ковмис участвуйтны бойын звермөм гитлеровецьясы паньд.

Война йылысь паметь священной, мөд ногөн кө, сійө усьөм героияс водзын копыртчылөм. Повтөмлун, збыль вылас героизм сыын, медым мунны народкөд, коді видзө рабочёйясылсь да крестьяналысь өтувлунсө.

Победа лун эз сөмын советской йөзлөн вөв праздникөн. Но и став прогрессивной мирлөм, коді эз көсий, мед фашизм мырдөналіс народьясөс. Американской гижыс Эдгар Сноу пасийліс: «Сөмын синтөм вермас өи не эскыны, мый Красной Армиялөн триумф лон советской социализмлөн триумфөн, советской планированиелөн, советской стройлөн». США-са государственный секретарь Э. Стеттиниус лыддис: «Эз кө вермы Советской Союз асысь кутны фронтсө, немецьяс вермисны эськө босьтны Великобритания. Найө вермисны сідз жө босьтны Африка, а сы бөрын лөсьөдны плацдарм Латинской Америкин».

Та вөсна 1945 вося май 9 лунся Победа лун вөлі праздникөн не сөмын советской народлөн. Сійө лонс став странаясса уджалысь йөзлөн нимлунөн, торья нин Европаса континентлы, кодлы Красной Армия вайис мездлун.

Социализмлысь мирөвой система лөсьбөдөм, өтарясы, демократия да социальной прогресслысь вынъясөсө өтарө өнмөдөмын — ыджыд пайыс Победа лунлөн.

1949 вося мир дорйөм кузя Парижской конгресс вылын советской делегатьясылсь сёрниясөсө донъялігөн американской художник Роквелл Кент гижис: «Лун бөрся лун ми пукалім и кывзім, кывзім и велөдчым. Ёна шензёбөн и синва пыр ми кывзім жулөм да йөзөс мучитөм йылысь висьт. Сьблөмнысө пыдзыртис роч героиня Зоя мамлөн сёрниыс, коді нөжйө висьталис мянаны аслас нывлөн биа пөсь патриотизм йы-

лысь, сылөн чегны позьтём вöля йы-
лысь. Ми кывзём Советской Союза Гер-
ройлысь висьтёс, кодй висьталёс сы йы-
лысь, медым эськö татшöм страшной
войнаыс эз ло мöдысь, и ми жалитём,
мый миян американской армияыс абу
татшöм геройыс».


Водзö шензö советской йöзлөн тыш-
öн Р. Кент: «Ме збыльысь выльысь ад-
дзи, гөгөрвои, мый олём — Свобода
вылö право. Шудлань кыскысём эм не
сöмын миян право, но и став муывыса
народъяслөн право. Ме заводита эскы-
ны выль вынөн народъяслөн джужба-
лы». Мир вöсна тыш — мöд мирвöй

войनावыса геройяслы да мученикъяс-
лы: аслыспöлöс памятник.

Европаса асывылын, Россиян
öзис мирвöй пролетарской рево-
люциялөн первой бипур. Но медым тайö
быис шымыртис мукöд странаыс, чело-
вечестволы ковмис муны выль траги-
ческой вира би пыр. Ыджыд шудөн
вöлй человечестволы сийö, мый вöлй Сö-
ветской Союз, кодлөн освободительной
миссияыс сетис аддзыны водзысь олём-
лысь горизонтсö став народъяслы.

Вот мый понда 1945 вося май 9 лун-
ся Победа лун вöлй став континентъясса
уджалысь йöзлөн Победа лунөн.

К. Д. ПЕТРЯЕВ, профессор.



ВОЙНА ВОЯССЯ КОМИ КНИГАЯС

Великой Отечественной
война заводитчём бöрын ёна
чинис коми кыв вылын кни-
гаяс лэдзöм. Эз мöд петны
«Ударник» журнал. Бөрья
номеры сылөн петис 1941 во-
ся июнь тöлысын. Писа-
тельяс кывыныс мунисны
фронтъяс вылö оружиеөн
дорйыны социалистической
Рöдина.

И век жö литература
сöвмис, писательяс гижис-
ны выль гижöдъяс, вуджö-
далисны роч кыв выльыс
война йылысь книгаяс.

1941 воын нин коми кыв
вылö вöлй вуджöдöма
А. Барбюслысь «Би» роман,
1942 воын А. Гайдарлысь
«Тимурлөн клятва», А. Кор-
нейчуклысь «Украина-
степьясын» пьеса, Ф. Пан-
феровлысь «Ас синьясөн»
повесть, И. Эренбурглысь
«Людоедьяс», Е. Кононен-
колысь «Смерть челядь ви-
сьяслы», Зоя Космодемьян-
ская йылысь книга, 1943 во-
ын А. Первенцевлысь «Ис-
пытание» роман, К. Симо-
новлысь «Роч йöз» пьеса,
1944 воын В. Василевская-

лысь «Ошкамöшка» по-
весть, Б. Горбатовлысь «Та-
раслөн семья» да мукöд
книгаяс.

Петалисны выль книгаяс
и коми гижысьяслөн. Гөг-
өрвоана, медясö война
йылысь, советской народ-
лөн фронтъяс вылын герои-
ческой подвигыяс йылысь.

Том поэт на Иван Вази-
лин мунис салдатлысь кузь-
туй, воюйтис реактивной ми-
нометъяс частыасын, но ки-
сыс эз лэдзлы персö. Быд
прöст кадö поэт-салдат ги-
жис выль кывбурьяс аслас
боевой другяс йылысь,
восьтис сёлöмсö советской
салдатъяслысь. Поэт ассыс
кывбурьясö ысталёс Сык-
тивкурё, Коми книжной из-
дательствоö. И 1942 воын
Сыктивкарин сылөн петö
кывбур чукöр «Ни öти шаг
бөрö», а 1944 воын мöд —
«Советской воин». Миянлы
талун донабсь тайö негы-
рысь книгагасыс.


Писатель-прозаик В. В.
Юхнинöс кöть и эз босьтны
армияö, сідз жö уджалёс
кадлы колана гижöдъяс вы-

лын. 1942 воын писатель-
тöдмасис Советской Союза
Герой Николай Оплеснин-
көд да гижис сы йылысь
книга. Г. Федоров гижис
книга Советской Союза Гер-
рой лейтенант Марков йы-
лысь. Гөгөрвоана, кутшöм
интересөн лыдисны тайö
книгагасысö коми лыдды-
сысьяс. Бөрүнджык В. Юх-
нин гижис ещö кык книга
война тема вылö — пьеса-
мойд «Зарни кыв» (1943
во) да «Герой йылысь сказ»
(1945 во).

Том поэт С. Попов тыш-
касы жö врагыскөд, ра-
нитчöмъяс вöсна водзджык
воис гортас да 1945 воын
нин лэдзис кывбур чукöр
«Фронтвöй туй».

Война помасьöм бöрын
да ыджыд Победа бöрын
коми гижысыяс, ловйөн ко-
льöмаяс, бөр воалисны гор-
танис, заводитисны уджав-
ны война йылысь да сал-
датъяслөн подвигыяс йы-
лысь гырысьджык да пась-
кыдджык гижöдъяс вылын.

И. ВАСИЛЬЕВ.



ТАДЗИ ВОИСНЫ УДОБРЕНИЕЯС

Онї мян республикаса совхозьяс бьд во вайоны век уджык минеральной удобренняс. Вынсьодоны сійби кьдзи муяс, сідзи и видьяс да культурной пьскотинаяс. Но меным скота висьтавыны сы йлысь, кутшом сьокьдыпырысь да полгтыр заводитыны коми крестьяна водитчыны минеральной удобреннясоя.

1894 вося тулысын Усть-Сысольской да Яренской уездьяса управленняс войс объявление, конї Вологдаса губернской земство корис ньбны фосфоритной пызь. Гижодас тьдчоденс, мый сійб фосфоритной известьтис тырвийб вермб вежны куйод, кивыв пб ньбны сійбс сэтшом овмьсьяслы, конї этша видзоны скотбс. Обьявляениын жб вбл индомб, мый минеральной удобренне вузавсьб мешокьясбн, бти мешокын—нель пуд, пудлбн доныс 38 копейка.

Фосфоритьясын вынсьодны муяс ышбдс сійб кадб войвылын нималысь видз-му овмбса специалист А. Я. Масленников. Сійб дыр кад чбж нудбс опытьяс аслас овмбсын, а бнї корис земствобс паськбдны тайб выльторбс став крестьяна пбвстын.

Колб шуны, Россиян минеральной удобренняс куза экспериментальной агрохимической опытьяс нудисны нин XIX нэмса 40-бд воясань, 60-бд воясын роч химик Д. И. Менделеев заводитис ташбм опытьясб муяс вылын. Минеральной удобреннясълсь коландунсб сійб кадб пбса доринс аслас гижбдьясын талантливбй химик да общественной деятель А. Н. Энгель-

гардт. Сы водзмбстчбм серти сизимдасбд вояснн Россиянн чужисны фосфорит изан медводдза заводьяс. Кутшбм тбдчанлуныс минеральной удобреннясълн урожайсб содтбмын, тырвийб петкбдлбс Энгельгардт аслас Смоленск дорса Батищево именеын.

Вологодской губернияын, кьдзи казытыштї нин, минеральной удобренняс куза водзмбстчысбн вбл Масленников.

Коми крестьяна, кбтб и уджыккыслбн эз тырмывлы муяс вылб куйбдыс, полгтыр кутчысны выльторйб. Кьдзи нб Вологдакьяс вайбм кутшбмкб пызь вермб вежны куйбд? Сэсся крепьдджык овмбсьяслы, кодьяс видзисны уна скбт, эз вбв коландлуныс ньббны фосфоритсб.

Но волостной управленнясъл комис кьвзысьны губернияын веськбдлысьяслысь, опытьяс нудбм могысь сетны нчбтннн заказьяс. Сідз, Жешарт вблбстбй корисны 25 пуд фосфоритной пызь.

1894 вося тулысын губернской земство войсны заказьяс Усть-Сысольской да Яренской уездьясань, но Вологдасянн грузбб вайны эз вермыны. Сэки Северной Двина да Эжва куза ветлїсны парохобдьясыс архангельска купеч Булычевлбн, кодї фосфоритной пызь нудымьсь корис сы мында сьбм, мый удобреннясълн доныс содїс куим пбв.

Земство эз тбд, кьтчб инавны Костромакьяс вайбм фосфорит да бьд ногыс пропагандируйтис сійбс крестьяна пбвстын. Масленников гижис брошюра, кьдзи колб водит-

чыны фосфоритной пызьбн. Брошюрасб вблїс ытбма бьд вблбстбй. Но вблбдчйтбм крестьяналы Масленниковлбн гижбдыс ьдждьд отсбг эз сет.

Мбд во тулыснас Булычев чьнтис груз нуан донсб. 1895 вося майын «Сухона» парохобд вылысь сб пуд фосфоритной пызь ректисны Сереговоб, сы мында жб — Усть-Сысольскб.

Сереговса волостной старшина зїля босьтчис инавны минеральной удобренняс, торья списокб гижалїс ньббасьясьясбс, веснт ачыс уна йбз водзын ньббис 2 пуд да 20 фунт фосфорит. Но гблб войтыр мбдарб бергбдисны чужбмнысб: инавнымбс пб инбм вылб ньббны, а кысь нин «куйбд» вылб сьбм видзны, «мбдлакьяс корсьбй йбйяссб», — шуасисны кодсюряс.

Нель во чбж куйлїс складьясын вбрзббдлытбг фосфоритсб. Вайбмсанькьяс сбмын 7 во мыстн, кор донсб чьнтисны нель пбв, кьзмырбдбн моз лонс иналбма удобреннясб.

Усть-Сысольскын сідз жб некод эз ньбб фосфоритсб. Сэки уездной земство шуис дон босьттбг сетны удобреннясб бткымын крестьяналы, медым ас синмбн видзбдлыны, збьль-б эм сысыс кутшбмкб пблза.

Земствоы Жешартской волостной писарлбн письмбсь ми лыдям: «Коми крестьянн полб выльторьясьсыс, оз кбсйи лэдзчсыны дедьяс ног му водитбмысь...» Сэж жб содтб: «Минеральной удобренняс пбвстысь медса лбсьялбджык мянлы известь, кодї «бурмбдб» шоба муяс».

Мбд серпас ми казялам

видз-му овмёсö техника
кыртöмын. Комысь озыр-
джык овмёсьяс, кыдзи и
Россия мукöд губерния-
ясын, окоташырьсь заво-
дитöны ньöбавны корт
гöрьяс, кодзан машинаяс,
литовка-косаяс. Опытгьяс
нубöм могысь кодзöны
турунгьяс.

Видз-му овмёсын виль-
торгьяс паськöдöм могысь
1896 воын Усть-Сысо-
льскын вöли котыртöма
«Практической ферма».
Сэк жö земство корис ко-
миö агрономöс. «Практи-
ческой фермалöн» могысь
вöли сынц, мед велöдны
крестьянабс вöдитчыны
машинаясöн, петкöдлыны
опытной участокгьяс вы-
лын минеральной удобре-
ниеяслысь коланлунсö.

Яренской уездын фос-
форитöн носкёмысь, ты-
далö, ёна дöзмöдис земст-
вобс, танц дыр кезлö ву-
нöдлсны минеральной
удобрениеяс йылысь. Сö-
мын 1912 воын Усть-Вы-
мын вöли котыртöма
сельскохозийст в е н ö й

курсгьяс, кöни велöдсны
кыдзи вöдитчыны виль
техникайн, минеральной
удобрениеясöн. Первойя
курсгьяс вылö чукöртчи-
ны 15 морт. Со некы-
мынгьяс на лыдысь: Же-
шартысь — И. Ф. Ячме-
нев, Гамысь — И. А. Ми-
нин, Усть-Вымысь —
А. П. Выборов, Палевица-
ысь — Д. А. Торлопов,
Прокопьевкаысь — И. К.
Прокушев.

Медбöрын и Яренской
уездлы вичмис агроном:
Тотьмаысь вуджис уджав-
ны Яренскö А. Н. Кузь-
мин. Сийö частö ветлывлис
сиктгьясöд да лыддывлис
крестьяналы му вöдитöм
йылысь лекцияяс, котыр-
талис торгья вёлöстьясын
пример петкöдлан овмёсь-
яс.

Заводитисны котыртчы-
ны сельхозобществояс,
кытчö пырисны медясö
озыр крестьяна. Общест-
вояс ньöблсны кредитöн
гöрьяс, агасгьяс, кодзан,
вартан, сортируйтчан да

идзас шыран машинаяс,
кöйдис, минеральной удоб-
рениеяс, паськöдсны град
выв пуктасгьяс вöдитöм,
кöдзлсны клевер да тимо-
феевка, мöд ногöн кö, пыр-
тисны травопольной сево-
оборот. Дерт, тайö виль-
торгьясыс вöлины сэки ки-
выв сöмын озыргьяслы. Но
Палевицаын обществоö
пырисны и шöркодя
ольсыяс. Ставыс сэнц лыд-
дысис 42 овмёс. 1914
воын Палевицаса общест-
во ньöбис минеральной
удобрениеяс 49 пуд, кодс
вöлц юкöма 30 крестьян-
ской овмёслы рудзöг кö-
дза улö.

Первой мирöвöй война
воясö машинаяс да мине-
ральной удобрениеяс эз
кутны воны. Обществояс
кисисны.

Котыртны виль ног
видз-му овмёс, сувтöдны
сийс индустриальной туй
вылö позис сöмын Вели-
кöй Октябрьскöй социали-
стической революция бö-
рын.

Л. ГАБОВ.


Техн. редактор *И. Оплеснин.*

Адрес редакции: 167610 г. Сыктывкар, Дом печати, комн. 26.

Телефоны редакции: 2-47-52 (редактор), 2-51-52 (отв. секретарь).

Сдано в набор 23/V-1975 г. Подп. к печати 10/VI-1975 г. 70×108¹/₁₆. Печ. лист. 4.
Приведенных печ. листов 5,48. Тираж 7040 экз. Ц00276. Заказ № 3572. Цена 15 коп.

г. Сыктывкар, Республиканская типография Управления по делам издательства, полиграфии и книжной торговли Совета Министров Коми АССР.



Сыктывкарлӧн Культура луняс дырйи.

Снимайтс В. Ячмев.

